


# WANTOK



OCEAN BLUE

Tuna in oil  
Rait teist  
yahl!



Wan Wik, Desemba 8 - 14, 2005 NAMBA 1638 NIUSPEPA BILONG YUMI OL PNG STRET! K1.00 long Mosbi tasol - Ausait Mosbi K1.30

Ol Korapsen stika  
i stap Insait!!

## Korapsen pasin



Poto i no tru.



Lukim moa skul greduesen  
stori na piksa long Pes 20....

Insait long dispela wik...

- Ol stori long pait agen-sim korapsen - PES 15-18.
- 'Luksave long korapsen' - PES 19
- KOMENTRI: Pasin i mas senis - PES 14

# WANTOK SYSTEM STRONGIM PASIN KORAPSEN

Planti manmeri lukim  
korapsen olsem samting  
nating long wanem em i  
save kamap olgeta de

- LUKIM STORI LONG PES 3



Brian Bell  
Shop with a friend



## Christmas 2005

### WINIM WANPELA FANTASTIC SHARP CHRISTMAS PACKAGE

OR K10,000 CASH!!

WANWAN PACKAGE IGAT

- SHARP 26" LCD TV NA CABINET
- SHARP MICRO COMPONENT DVD STEREO SYSTEM
- SHARP DVD PLAYER NA KARAOKE
- SHARP VCD PORTABLE STEREO
- SHARP 14" TV NA CABINET
- SHARP HUGE 490LT FRIDGE/FREEZER
- SHARP MICROWAVE OVEN
- SHARP VACUUM CLEANER

NA 10 PELA  
LIKLIK PRIZES  
bilong 14" SHARP TVs!

WANTAIM K20 YU SPEND  
BAI YU GAT SANS LONG  
ENTA NA WINIM DISPLA  
BIPELA SHARP KRISMAS  
PACKAGE!

WINNERS BAI KAMAP LONG HAUS & HOME (EMTV) NA TU LONG OL NEWS PAPERS

PLAZA 325 5411 HOMECENTRE CITY-GORDONS 325 8469 HOMECENTRE CITY-LAE 472 3200 TOPTOWN 479 1918 GORDKA 732 1622 KOKOPO 982 9027 MT HAGEN 542 1999 MADANG 852 1899 Email: bbsales@brianbell.com.pg



5 PACKAGES  
BILONG WINIM  
WORTH K21,000 EACH  
OR K10,000 CASH!!  
DRAW BAI KAMAP LONG  
HAUS & HOME (EMTV)

# Oi Pasifik yut minista kisim salens

Salome Vincent i raitim

SALENS i go long ol bikman long Pasifik rijen long givim gut-pela sapot na stia i go long ol yut long rijen bikos ol bai kamap ol lida bilong bihain taim na go hetim ol wok insait long ol kantri.

Komyuniti Dvelopmen Minista na Siameri bilong ol Yut Minista bilong ol Pasifik kantri, Dame Carol Kidu i bin wokim dispela tok-tok insait long wanpela bung long Holide Inn long Pot Mosbi long dispela wik..

Oi Yut Minista bilong Pasifik Komyuniti i bung long Pot Mosbi



KISIM SALENS: Sampela ol Pasifik lida long bung

long toktok long ol rot we ol i ken helpim ol yut long ol wan wan kantri bilong ol long luksave long wanem kain ol wok ol i ken mekim long helpim ol yet na kantri bilong ol.

Dame Carol Kidu, long stat bilong bung i tok, ol yut i mekim bikpela namba bilong ol pipel insait long ol Pasifik kantri.

Em i tok ol yut i ken bringim gut-pela wok insait long wan wan kantri na long dispela tasol, em i wok bilong yumi( ol lida) long helpim ol taim ol i wok long kamap bikpela. Ol i mas lainim long amamas na luksave long kalsa bilong ol na long wankain taim, luksave long ol ausait kalsa we i wok long kamap insait long kantri.

Dame Carol i tok, namba bilong ol yangpela manmeri insait long kantri i wok long kamap bikpela, na dispela i wok long askim long gutpela sevis olsem edukesen na helt na long ol spes bilong wok.

Em i tok, salens bilong ol Yut Minista bilong Pasifik Komyuniti nau, em long skulim ol yangpela manmeri long ol samting we ol i bai nidim long helpim ol, ol wei bilong mekim samting na ol tingt-

ing we bai givim ol strong long wok wantaim long mekim wok bilong long hoim strong yet kantri long bihain taim.

Dispela wan wik konferens i bin stat long Mande Disemba 5inap long tumora de namba 9.

Dame Carol i tok insait long tripela de bilong toktok I, ol i toktok long ol samting we bai stap insait long Pasifik Yut Streteji 2010 (PYS 2010), patnasip na long olgeta tok-tok bilong development i mas stap namel long toktok bilong ol.

Dame Kidu i tok long taim bilong ol toktok bilong ol Yut Minista, em i laikim ol long putim long tingting bilong ol dispela streteji bilong Dipatmen bilong Komyuniti Dvelopmen ol i kolim OPEN strategy bilong development.

O- Onasip bilong ol toktok bilong ol yut

P- Patnasip wantaim ol stekhol-da

E- Empawamen bilong ol yut long kirapim tingting bilong ol yet long mekim wok

N- Netwoking long apim stret-pela rot bilong mekim wok bilong ol.

## Gavana Jenerel luksave long ol volantia ...Mekim bikpela helpim wok

Salome Vincent i raitim

GAVANA Jenerel na Gren Sif, Sir Paulias Matane i givim luksave na tok amamas long olgeta voluntia manmeri, husat i amamasim de bilong Intanesenel Volantia long dispela wik Mande.

Sir Paulias i tok tenkyu long ol intanesenel ejensi olsem Yunaitet Nesen Volantia( UNV), Japanis Intanesenel Koperesen Ejensi( JICA), Volantia Sevis Ovasis(VSO), Australia Volantia Intanesenel (AVI), Kenedian Studen Volantia Ogenaisesen (CUSO), ol volantia bilong Austria (Horizon T3000), Australian Yut Ambassadors(AYA) na ol volantia bilong yumi insait long kantri(NVS).

Em i tok ol volantia i ken mekim wok long ol longwe ples we gav-man i no inap long go. Em i tok tenkyu tru long ol wok dispela ol volantia manmeri i mekim long helpim ol pipel.


Ol volantia manmeri i save wok long edukesen ogenaisesen long

skulim ol sumatin o ol i wok long sait bilong helt long fukautim ol sik manmeri na ol arapela eria moa..

Yunaitet Nesen Jenerel Asembli i bin kamapim Intanesenel Voluntia De long Disemba 17, 1985 na long olgeta yia ol i amamasim dispela de long Disemba 5.

Nesenel Volantia Sevis i go pas long dispela selebresen we i soim ol yangpela manmeri i mekim ol danis bilong kalsa bilong ol na ol volantia grup olsem St John Ambulens na Friends Foundation voluntia grup i stap tu. Hon. Jefferey Nape, Spika bilong Palamen na Jastis Timothy Hinchcliffe i bin stap long dispela bung.

Sir Paulias i tok olsem ol kalsa bilong yum i wok long senis tasol dispela i no pasim rot bilong ol voluntia. Palamen Ekt long 1990 i bin kamapim Nesenel Volantia Sevis bilong Papua Niugini long apim nem na sapatim komyuniti na ol wan wan manmeri husat i wok wantaim ol long lukluk long development. Em i tok NVS i save i givim



## The PNG Media Council 2nd Annual Awards

Saturday 10th December 2005 at the Port Moresby Country Club 6pm - till late  
 Tickets - K20.00 per person  
 (POM CC MEMBERS F.O.C)

Music provided by the Freelancers Band & Next of Kin Productions

### Media fashion parade

Heaps of fun & door prizes to be won and presented by Santa

So hurry come meet your favorite media personality  
 Tickets sold at the gate...don't miss this great Media Christmas party of the year.

### Lukim yu...Wantok!

TOTO

**TORO I SIK NOGUT TRU...**

AIYOO, KOLE! YUMI GO LONG HAKISSIK! MI SIK NOGUT TRU, YAA!



**TUPELA MISIS GO LONG HAKISSIK NA DOKTA LUKIM TORO...**

SORI TRU TORO, YU MAS STOP SIMUK, STOP DRINGI BIA, STOP KAKAI LEM FLAPS!



**TORO I WIARI TRU...**

OH, NO! EM OL FEUARET BILONG MI!! AAH! SAROS MI STOPIM OL DISPELA SAMTING, BAI MI DAI STRET!!



**EM GO LONG HAKIS NA EM STAT LONG KARAI...**

BOOHOO!! SOB!! OH LOD! JEST LIV MI ALON! AI WANTU DAI!! AIYOO, EGEE-NEESS YAAH!!



# Siapan na PNG i wankain tasol

Natasha Bodger i raitim

GAVMAN bilong Siapan i amamas tru long wok bung namel long kantri Japan na Papua Niugini long wanem tupela i wankain tasol long planti samting.

Nupela Ambaseda bilong Siapan, Kan-ji Hanagata i bin tokaut long dispela long Tunde nait taim em i makim 72 bondei bilong Royol Lida bilong Siapan, Empera Akihito. Dispela bung i bin lukim planti biknem manmeri insait long Mosbi i kamap. Ambaseda Hanagata i bin mekim namba wan bikpela toktok bilong em bihain long em i bin senisim bipo ambaseda Katsuo Yamashita husat i bin lusim PNG long mun Novemba.

Em i tok tu olsem em i laik lainim planti samting olsem tumbuna kastom bilong PNG long wanem Siapan na PNG i wankain long dispela ol pasin bilong strongim kalsa. Em i laikim bai PNG i strongim turisim insait long wanwan ples bilong ol long wanem planti ol turis manmeri bilong Siapan i laikim tru envairomen na ol plawa we nogat narapela hap long wol i gat.

"PNG em i gat planti ol risos we i ken kamapim gutpela bekim olsem long sait bilong iko-turisim long wanem long wan wan yia planti ol Siapan turis i save kam insait long PNG long lukim dispela ol samting", em i tok.



**OL LIDA MAS EKSESAIS:** Gavana Jenerel Sir Paulias Matane i na PNG Difens Fos Komanda Komodo Peter Ilau i sanap lukluk long bikpela maunten bilong Bens Pik long Mosbi. Sir Paulias wantaim ol soldia bilong PNGDF i bin wokabaut long moning long Trinde long promotim finging bilong ekseais namel long olgeta manmeri insait long kantri. Sir Paulias yet i tok em i laikim bai olgeta lida i mas wokabaut i go insait long komyuniti long bungim ol pipel, autim tingting na karim ol sevis i go long ol pipel stret. Em i singaut long ol lida long kaikaim gutpela kaikai na ekseais bai ol i stap laip long taim.



**NUPELA 100** Kina pepa moni i kirapim hevi pinis. Wanpela man i kisim wanpela K100 na go sanap long Godens maket. Em i amamas nogut tru long lukim na em i kamautim na soim long ol poroman bilong em. Ol manmeri i lukim na ol i go bung raunim em na lukim i stap. I no long taim wanpela wel pik i ron i kam han i go namel long ol man na pepa moni i lus. Sore tumas. Em moni ya. I no wanpela hap pepa nating bilong karim raun na soim ol manmeri long maket.

**BIKPELA** mausman bilong Kwin, Gavana Jenerel Sir Paulias Matane i bin go raun long Siassi ailan tupela wik samting i go pinis. Tasol taim ol lain long hap i lukim Kumul balus ol i skin kirap na ting olsem papa bilong kantri Sir Michael Somare i bin go lukim ol. Ol i kirap nogut long lukim Sir Paulias husat i bin go long lukim greduesen na mekim HIV awenes.

**NUPELA** Mis PNG Michelle Paia i mekim namba wan bikpela wok bilong em dispela wik taim em i bin givim toktok long ol sumatin bilong Badihagwa hai skul hia long Mosbi. Michelle yet em i bin skul long Badihagwa na em i bin givim gutpela stia tok long ol yangpela i greduet. Nais wan susa.

**LONG** wankain taim, ol nius manmeri long Mosbi i belhat yet long pasin ol lain i go pas long Mis PNG Red Kros resis i mekim long ol las wik Sarere nait. Turangu ol niusmanmeri i go kamap na ol lain i mekim ol olsem ol liklik pikinini. Pastaim ol i rausim ol, bihain ol i tokim ol long sanap namel long ol manmeri i wok long kaikai i stap, sem pasin stret. Taim ol niusmanmeri i laik ronawe lusim dispela wok, ol lain i singautim ol i go bek gen long kaikai taim olgeta arapela lain i pinisim kaikai pinis. Mipela no pik dok. Mipela i gat tingting tu ya. Bikpela kros i wok long kamap nau. Yupela lukaut.

**OL** manmeri long Mosbi, nau olgeta i wok long ai ret na raun i stap. Ol i no belhat, ol i no smuk mariwana, nogat. Sik bilong ai ret nau i hamarim Mosbi. Ol lain mangi i save karim ol aiglas raun long rot na salim i wok long mekim bikpela moni tru. Sori o.

**Pasin korapsen i no gutpela:**

Bilong wanem em i no helpim yu o mi. Dispela moni we ol manmeri husat i mekim dispela pasin bilong korapsen, em moni bilong kamapim gutpela rot, stretim ol hausik na long kisim ol arapela developmen i kam insait long kantri.

**Em i pasin nogut:**

Korapsen em pasin nogut, na sapos yu save long wanpela husat i wok long mekim dispela pasin, yu mas tokaut. Na yu yet noken givim helpim long mekim dispela pasin nogut bilong korapsen bilong wanem yu tu bai stap long rong.

**Sanap strong na daunim:**

Sanap wantaim mipela na tok NO long Korapsen na tok YES long kisim developmen i kam insait long hap bilong yu.

Noken tingim sindaun bilong yu long nau tasol, tingim sindaun bilong yu na ol pikinini bilong yu long bihain taim.

# Wantok sistem strongim pasin korapsen

Salome Vinent na Stephanie Gimo i raitim

WANTOK sistem, long kantri bilong mipela Papua Niugini em wanpela as bilong pasin korapsen o stil na yumi mas stopim dispela kain pasin, bilong wanem em i no gutpela.

Dispela toktok i kam long Inspekta Matthew Damaru, man husat i lukautim Enti-Korapsen na Frot Skwat insait long kantri.

Frot Skwat i stap aninit long Nesenel Enti-Korapsen Alaiens (NACA) na i wok wantaim ol arapela ejensi olsem opis bilong Atoni Jenerel, Transparensi Intanesenel PNG (TIPNG), Ombudsmen Komisen, na Intenel Revenu

Komisen (IRC).

Inspekta Damaru, i tok olsem i nogat gutpela awenes o skul bilong pasin korapsen, wanpela hevi we i save kamap olgeta de.

Long mun Novemba, i bin gat wanpela Frot-Privensen na Enti-Korapsen bung we i bin kamap na i lukim ol manmeri bilong ol ejensi aninit long NACA i kam bung wantaim long paif agensim korapsen long kantri, namel long dispela ol lain husat i bung Sief Enti Korapsen Etwaisa bilong Presiden bilong Filipins, Mista Tony Kwok i bin stap.

Long dispela bung em i tok olsem korapsen insait long Papua Niugini i wok long kamap bikpela bikos ol manmeri i lukim korapsen olsem

samting nating. Ol i save lukim korapsen i kamap planti taim olsem na em i hat tru long stopim.

Inspekta Damaru i tok frot na korapsen i wok long kamap bikpela insait long kantri bilong wanem pasin bilong wantok sistem i strong tumas.

"Wantok sistem i strong tumas long kalsa bilong Papua Niugini, na ol manmeri i painim hat long lusim."

Em i tok olsem sapos ol pipel i lukim olsem korapsen i wok long kamap, ol i no save tokaut o go putim ripot long polis.

Ol manmeri insait long kantri i wok long yusim wantok sistem long mekim pasin korapsen bilong wanem ol i kisim helpim long dispela kain

pasin.

"Insait long Frot Skwat mipela i gat 27 manmeri i wok wantaim mipela, we 5-pela bilong dispela namba em ol meri. Tasol mipela i laik surukim dispela namba i go antap long 60," Inspekta Damaru i tok.

Taim Wantok Niuspepa i askim em long ol rot ol i save bihainim long karimaut wok bilong ol long painimaut long korapsen, em i tok olsem em i no nap long tokaut bilong wanem ol i les long ol manmeri long save long wok bilong ol. Ol i tok sapos ol man nogut i save long rot frot skwat i save mekim wok bilong em, ol i ken mekim pasin korapsen na em bai hat tru long polis i sasim ol.

## Stackable Chairs!

Great for Church, Banquets, Schools, Offices, Waiting Rooms, Restaurants and Conventions.



**Stackable Chair**

- ▶ Product Code: 820NSB
- ▶ Royal Blue Colour
- ▶ Durable Plastic Shell
- ▶ Ergonomically Contoured for Increased Comfort
- ▶ Sturdy Steel Frame
- ▶ Stackable and Gangable

**K81.40**



**Stackable Chair w/ Arm Rest**

- ▶ Product Code: 820INS
- ▶ Black Colour
- ▶ Durable Plastic Shell
- ▶ Ergonomically Contoured for Increased Comfort
- ▶ Sturdy Steel Frame
- ▶ Stackable and Gangable

**K100.65**

PRICE AND INCLUDE WITH GST

Waigani Drive, Port Moresby

PH: 325 6500

Fax: 325 0302

Email: sales@theodist.com.pg





# Tingting bilong Australia long kisim ol wokmanmeri bilong Pasifik

BIKPELA kros toktok i bin kamap insait long Pasifik rijen long Australia i no opim rot bilong ol yangpela Pasifik wokmanmeri long go wok sotpela taim long ol prut fam insait long Australia. Dispela i bin wanpela bikpela tok-tok tu i kamap long bikpela bung bilong ol Pasifik lida we i bin kamap hia long PNG long mun Oktoba.

Dispela em i bekim bilong Foren Afes Minista bilong Australia, Alexander Downer.

AUSTRALIA i strong tingting yet long gutpela sindaun, gro na gutpela bihain taim bilong Pasifik rijen. Ol sut toktok olsem tingting bilong mipela long kisim ol wokmanmeri i traim bilip bilong mipela, na mipela i bin pundaun, em i no stret.

Dispela yia, moa long 150,000 pipel i kam long kain kain hap long wol bai kam long Australia aninit long maigresen polisi o polisi i lukautim wokabaut bilong ol manmeri we i op na i no save lukluk long wanpela lain tasol.

Ol Pasifik manmeri i save kam long Australia long stap na wok, wankain tasol olsem ol arapela pipel i kam long olgeta hap bilong wol. Imigresen bilong stap olgeta

long Australia i save strongim gro bilong ikonomi bilong Australia, sosol ekwiti na gutpela wok bung. Ol Pasifik manmeri i mekim bikpela wok long dispela sait.

Bikpela hap wokabaut long sait bilong wok bilong ol savemanmeri i wok long kamap pinis. As tingting bilong pemenen maigresen program bilong Australia em long lukluk long stretim ol hap we i nogat inap savemanmeri i wok i stap, na ol pipel bilong ol arapela ples long wol i gat sans long kisim trening na wok sotpela taim long Australia aninit long ol sotpela bisnis na wok treni program. Nau yet i nogat rot bilong lusim ol wokmanmeri husat i nogat inap save long kam insait long Australia. Maski ol i kam long wanem hap bilong wol. Australia i no bin i gat ol ges wokmanmeri skim long bipo na i nogat tingting long kamapim. As tingting bilong dispela em mipela i nogat bilip long strong bilong ol dispela kain skim - olsem ol sotpela taim wok manmeri husat i no inap long mekim inap mani long Australia long salim i go bek long ol famili bilong ol i stap long ples. Mipela i tingting tu long strong bilong dispela kain wok agrikaisa, hevi ol wokmanmeri yet i ken bungim na ol arapela kain kain hevi.



ALEXANDER DOWNER: Foren Minista bilong Australia

Mi yet mi luksave olsem i gat ol lain i tok holidi program Australia i gat wantaim ol Yuropien na Esien kantri i wankain olsem dispela ges woka program. Dispela tupela samting i no wankain. Holidi wok program em tupela kantri wantaim i save mekim, na em bilong ol yangpela pipel husat i laik go holidi o malolo long Australia na mekim sampela wok long lukautim ol yet. Ol i mas gat rot long lukautim ol yet long Australia, maski ol i kisim wok o nogat. Ol ges wokmanmeri i nogat dispela kain strong bilong mani. Ol hevi bilong Pasifik we i nogat inap wok bilong

ol manmeri i no stap wantaim sampela handret yangpela pipel i nogat inap save long go long Australia na pikim ol prut inap long sampela mun bilong yia.

Bekim bilong dispela hevi i stap long strongpela domestik gro. Olsem Wol Beng i tok klia, maigresen o wokabaut bilong ol manmeri i go kam i no inap senisim ikonomik developmen, na developmen i mas bihainim ol strongpela ikonomik polisi. Australia bai wok bung yet wantaim ol Pasifik ailan kantri long halivim ol long kamapim gutpela sindaun na gro bilong ol kantri bilong ol na kamapim moa wok na daunim hevi bilong nogat wok.

Dispela em i wanpela long ol bikpela tingting bilong eit program bilong Australia insait long rijen, wantaim samting olsem \$955 milien long sapotim Pasifik long 2005 i go inap 2006.

I gat strongpela lukluk long halivim program long edukesen na strongim save. Long Pasifik Ailans Forum long Port Moresby, Praim Minista i tokaut long sanapim wanpela Australia Teknikel Koles bilong Pasifik long apim namba bilong ol savemanmeri insait long Pasifik. Dispela bai givim ol save bilong ol inap long halivim long

kirapim ikonomik gro na developmen, na tu opim rot bilong ol wokmanmeri insait long rijen, na i go long Australia. Em i mak bilong save we i bikpela samting.

Bilong ol lain i lukluk long go sindaun o stap sotpela taim long Australia bihainim ol rot i stap pinis, na bilong kirapim wok bisnis insait long kantri bilong ol yet.

As tingting bilong dispela program i no bilong pulim ol savemanmeri bilong Pasifik, tasol sapos ol i trenim ol pipel long mak bilong Australia, long givim ol sans long strongim kantri bilong ol, maski ol i stap yet long ples bilong ol, o ol i stap ausait long kantri bilong ol na salim mani i go bek long ol lain bilong ol.

Australia na ol Pasifik Ailan kantri em ol wok bung, bikos ol i stap long wanpela solwara, ol i gat wok bung long bipo yet, ol i save mekim wok bisnis wantaim, ol i save wok bung long sekyuriti na moa yet, ol i gat dispela wok poroman namel ol pipel.

Em bai halivim yumi olgeta sapos ol Pasifik Ailan kantri i strongim sindaun bilong ol pipel bilong ol na luksave long kaikai dispela wok i ken karim. Dispela em bikpela as tingting bilong mipela na mipela bai strongim i go moa yet.



## Bank of Papua New Guinea

# BOOK SALE


The public is advised that the book titled **MONEY & BANKING IN PAPUA NEW GUINEA** published by Bank of Papua New Guinea is on sale for K15.00.

The scope of the book is broader than it's titled would suggest.

Sale is between Monday - Friday from 9.00 am to 2.00pm either by order, cash or bank cheque. **Strictly No Personal Cheques.**

### Topics Cover

- Banks and banking, monetary policy and economic conditions in PNG



*This book is a recommended text book for top-up schools, high schools and universities*

### Contact

Public Information Unit, Economics Department, 3rd Floor To Robert Haus, Douglas Street, P.O. Box 121, PORT MORESBY, Papua New Guinea Telephone: (675)322 7326/322 7332/322 7335 Facsimile: (675) 320 0757/321 1617 Email: edawana@bankpng.gov.pg Website: www.bankpng.gov.pg



## OFFICIAL ORDER FORM

**TO:** Public Information Unit  
Bank of Papua New Guinea  
P. O. Box 121 Port Moresby, Papua New Guinea  
Telephone: (675) 322 7326/322 7332/322 7335  
Facsimile: (675) 320 0757/321 1617

Name \_\_\_\_\_  Mr.  Mrs.  Ms.  Dr.

Address \_\_\_\_\_  
\_\_\_\_\_  
\_\_\_\_\_

Telephone \_\_\_\_\_ Facsimile \_\_\_\_\_

Email \_\_\_\_\_

Please accept my payment for Money and Banking Text Book (ISBN 9980-85265-0)

Quantity	Price	Postage Charge	Total Price
1	K15.00	K20.00	K35.00
2	K30.00	K40.00	K70.00
3	K45.00	K60.00	K105.00

I enclosed a cheque for K \_\_\_\_\_ payable to Bank of Papua New Guinea for \_\_\_\_\_ copies of the book.

Signature: \_\_\_\_\_ Date: \_\_\_\_\_

# Bogenvil laik kirapim Red Kros

Aloysius Laukai i raitim

BOGENVIL i holim ol fan resing nau long kirapim bek PNG Red Kros opis long ailan.

Otonomes Rijen bilong Bogenvil i laik kirapim bek wampela opis bilong Ret Kros na komiti bilong dispela projek we Salome Rihata i go pas long em, i stat pinis wantaim ol fan resing bilong ol.

Komiti bilong Mis Rihata i bin kamapim Liklik Mis Otonomes Bogenvil Kwes o resis olsem wampela wei bilong kisim mani.

12-pela yangpela pikinini meri olgeta we krismas bilong ol i stap namel long 7-12 yias i bin wokabaut long ol tumbuna bilas long las wik, we ol kampani insait long long Bogenvil i bin sponsorim ol long statim fan resing.

Bihain long dispela taim, wanwan meri wantaim ol sponso bilong ol i wokim fan resing bilong ol yet.

Tupela moa presentesen bai kamap pastaim, bipo long krauning o tokaut na putim mak long kwin long wina long Desemba 17, 2005.

Presiden bilong Otonomes Gavman bilong Bogenvil, Joe Kabui i tokim wampela bung las wik olsem, em i amamas tru long lukim ol yangpela meri Bogenvil i givim sapot

bilong ol long dispela fan resing long kirapim bek Ret Kros long Bogenvil.

Em i tok olsem long taim bilong hevi long ailan, Bogenvil i bin kisim bikipela helpim long Ret Kros Intenesenel na ol i stap redi tasol long givim helpim bilong ol long kirapim Ret Kros long Bogenvil na tu long ol fan resing bilong ol.

Long wankain taim siameri bilong dispela wok grup, Salome Rihata i tok tenkyu long ol sponso na i tok olsem komiti bilong em i laikim kwes olsem wampela wei bilong soim tumbuna pasin bilong Bogenvil na long wankain taim mekim fan resing bilong Ret Kros.

Em i tok olsem em i amamas long bikipela sapot komiti bilong em i kisim long taim ol i stat i kam nau.

Dispela ol yanpela 12-pela meri husat i sanap long dispela fes kwes bilong Bogenvil em; Litel Mis Igel Hadwe, Aryssa Lassie Wartovo, Litel Mis Hani's Inn, Agusta Tagui Lokea, Litel Mis Agmark, Delilah Toboen, Litel Mis BMF Kokonas Prodaks, Francine Soake Horn, Litel Mis DJL Treiding, Jamilah Cheung, Litel Mis Sout Pasifik Post, Edlyne Christina Ranou Rihata, Litel Mis Kamaau Intanesenel Skul, Nathasa Sigal

Horn, Litel Mis Mobile Akountents, Andrea Noose Uremu, Litel Mis Barclay Mowlem, Georgina Manenu Abara, Litel Mis Likui Treiding, Rhodessa

Miringona Kumpota, Litel Mis Ailans Konsultents, Georgina Gohul Harepa na Litel Mis Nukumanu Marins, Delourdes Ereviri Terihari Atoi.



OL LIKLIK KWIN: Liklik Mis BMF Kokonas Prodaks Francine Soaka, Liklik Mis Mobail Akauntens Andrea No'ose Uremu na Liklik Mis Baclay Mowlen Georgina Maronu Abara

## Poposoko kisim nupela wara saplai

Aloysius Laukai i raitim

OL PIPEL bilong ples Poposoko long Buka bai kisim gutpela wara long kuk, waswas na yusim long ol arapela wok long ples na tok tenkyu i go long ogenesesen, Wol Visen.

Poposoko viles insait Buka Ailan long Bogenvil i bin lukim opening bilong wampela Wara Pam we i bin kamap aninit long Wol Visen's Bogenvil Wara na Senitesen projek, we PNG Insentiv Fand i tok olsem dispela Pam long Poposoko em namba 38 pam ol i mekim aninit long dispela progrem long Buka Ailan na long bikiples Bogenvil.

Dispela progrem bilong tripela yia bai pinis long mun Mas neks yia, 2006. Mista Nara i tok aninit long dispela progrem, ol i mekim moa long 47 pam olgeta. Dispela i lukim ol i mekim tu ol selo wel na ol dip wel, we ol i bin mekim hol long mak bilong 23 mita long Lontis viles na i go antap long mak bilong 85 mita long Lemanmanu long Buka Ailan.

Wara pam long Poposoko em i stap long hol mak bilong 65 mita. Mani mak bilong olgeta dispela ol pam i stap long K2.5 milien, dispela em prais bilong em yet, na i no stap wantaim prais bilong ol toilet we mani mak bilong em i stap long K300, 000.

### Courts Magical Electricats

**HARIAP!**  
Baim bipo long 20th Disemba long kisim kago bilong yu long Krismas taim!

**KES MONI \$1,299** LONG POTMATE

**K50** LONG POTMATE

wantaim planti **SPESOL OFFA!** long Disemba, 2005

wantaim katim lewa **WAN KINA DIPOSIT!** Tasol!

wantaim gutpela **FRI GIFT!**

na moa yet kisim **TRIPLE SURPRIZE ENTRI!** 3 pela tiket wantaim K50 yu baim kago

**SEIVIM K100**

**KES MONI \$799** LONG POTMATE

**K32** LONG POTMATE

**DIPOSIT K1.00** Tasol

**IDEAL** 5534 #322769  
**4 PELA BENA GES STOV WANTAIM GRIL**  
4 pela brass bena - taima bilong kuk bikipela hap bilong bekim Bipo Kes K899

**RT260K #311835**  
**2 DOA FRIS/AIS BOKIS**  
Inap long: 248 LITA  
• lek bilong suruk long sindaun gut fris  
• bikipela hap dag sef bilong ol kontena  
• Bipo Kes K1,299

**SEIVIM K100**

**KES MONI \$699** LONG POTMATE

**K28** LONG POTMATE

**DIPOSIT K1.00** Tasol

**EN21-83N #103794**  
**21" KALA TV**  
saun sistem: BK.DK1 • 255 posisenol sistem Bipo Kes K299

**SEIVIM K70**

**KES MONI \$329** LONG POTMATE

**K15** LONG POTMATE

**DIPOSIT K1.00** Tasol

**ENZER E5518 DVD PLEIA #114861**  
pilaim DVD, DVD-R, DVD-RW, VCD, SVCD, CD, MP3-CD, CD-R Bipo Kes K399

**TAKADA** ISB2018B1 #300728  
**1.8 LITA KETOL**  
lukim level bilong wara. Bipo Kes K99

Long stap insait long Surprise Dro, baim long Courts bipo long Disemba 31st, 2005. Sapos yu bin baim long Courts insait long namel bilong April na Desemba, orait yu mas baim yet dispela dikau moel long wara wem fotmalt, long pilaim Courts Surprise Kes Monk.

**COURTS**  
Edim valu **OLGETA** deil

Ringim Courts Nau long:  
**Pot Mosbi - 302 5800**  
Long lukim: Spring Garden Bot Gardens  
**Lae - 472 4800**  
Long lukim: Spring Garden Bot Gardens

**Yu inap long Spinim na Winim inap \$45,000.00 long Januari, 2006**

**Surprize!**





**TOKSAVE I GO LONG PABLIK**

**STRONG BILONG PAWA SAPLAI I GO LONG HAP YU  
SAVE KISIM PAWA BILONG YU**

Ol manmeri husat i save yusim pawa i mas harim gut dispela toksave olsem strong na mak bilong pawa saplai i go long haus bilong yu bai senis wan wan taim na i ken i gat sampela bikpela as bilong dispela kamap we i ken bagarapim ol pawa masin bilong yu.

As bilong strong bilong pawa saplai i senis i no stap aninit long lukaut bilong mipela na sampela long ol dispela samting em:

1. Hap we pawa saplai poin o ples i stap long en
2. Sapos saplai poin bilong yu i save kisim pawa i kam aninit long graun o long ol pawa i sanap long ol pawa pos
3. Sindaun bilong ples, sapos em i ren, em i hot o em i kol
4. Ol dok na arapela enimol, pasin bilong ol bikhet man na ol arapela pipel
5. Taim nogut we i wokim ples i no sindaun gut
6. Bagarap o hevi i kamap long pawa netwok o haus pawa
7. Disain na teknikel strong bilong pawa distribusen netwok bilong mipela o long haus pawa na
8. Laik bilong pawa

Mipela i laikim yu mas kisim insurens o sekim pawa saplaia bilong yu long kisim ol pawa gat o UPS long banisim ol masin bilong yu agensim senis long strong bilong pawa o taim i gat pawa blekaut.

Toksave i kam long  
PNG Power Pablik Rilesens Seksen  
*Easipawa - Easipay*

# K6.5m bilong Morobe rot

**Bustin Anzu i raitim.**

MOROBE Provinsel Gavman bai stretim olgeta rot bilong Lae siti long neks yia.

Gavana bilong Morobe Provins Luther Wenge i bin tokim ol nius lain long dispela plen bilong em.

Lo na Oda na hevi bilong rot em wanpela bikpela wari bilong Provinsel gavman bilong em.

Em i tok gavman bilong em i wok long toktok wantaim wanpela kampani bilong Nu Silan long stretim ol rot. Bikpela luksave em long rausim ol kolta na senisim wantaim simen.

Planti taim i save ren na nogut strongpela samting long holim ol kolta olsem na bai ol i senisim wantaim simen na dispela bai holim strong simen longpela taim.

Gavana Wenge i tok long sait bilong lo na oda, em bai helpim ol polis wantaim gan, ka na ol narapela samting bilong wok insait long Provins.

Sapos dispela toktok bilong Gavana

i tru, em bai helpim tru ol bisnis haus insait long Lae siti na ol pipel husat i save painim hevi wantaim rot. Planti ol bikhet man i save yusim ol rot nogut bilong siti long hensapim ol kampani na ol man meri long kisim ol ka na ol narapela samting.

Dispela stori bilong rot nogut bilong Lae siti tu i go inap long Nesenel Palamen na planti tok pait i kamap wantaim ol memba bilong Morobe yet na i gutpela Provinsel gavman yet i go pas long stretim dispela hevi bilong em yet.

Long dispela yia, nesenel gavman i givim Morobe Provins K69.8m long baset bilong em long las wik. Morobe tu em wanpela Provins gat bikpela mak o sais bilong Provins na tu planti i gat bikpela populesen o namba bilong man na meri i stap.

Provinsel Eksekutiv Kaunsel bai holim wanpela miting long pinis bilong dispela mun o long stat bilong narapela mun na toktok moa long dispela hevi bilong rot na lo na oda insait long Provins.

## Lukaut long sik AIDS: G-G

**Bustin Anzu i raitim**

GAVANA Jenerel na Gren Sief, Sir Paulus Matane i bin mekim strongpela tok lukaut long stori bilong HIV/AIDS i go long ol pipe bilong Siassi Ailan long Morobe Provins.

Bihain taim bilong kantri bai ino ron stret sapos dispela sik i kamap bikpela na

planti samting long sait bilong developmen long namba 32 greduesen bilong Siassi Luteran Hai Skul long las wik.

"Samting olsem 11,000 man meri i karim dispela sik na raun na narapela 60000 ol i raun wantaim dispela sik. Sapos mipela ino inap stretim dispela hevi we i wok long kamap hariap tru,

mipela mas tok gutbai long wanem i nogat marasin bilong dispela sik," Gavana Jenerel i tok.

Sir Paulias wantaim meri bilong em Ledi Kaludia i kamap olsem lida long Siassi bihain long em i kalapim wanpela pik. Dispela em pasin tumbuna long luksave olsem yu wanpela lida long dispela ples. Em i tok sapos planti yangpela man na meri i kisim dispela sik na dai, bihain taim bilong kantri bai bagarap na bai nogat man meri long wok.

Em i tokim ol man meri bilong Siassi olsem planti yangpela i wok long pilai wantaim dispela sik, maski planti aweanes i go yet long toksave long dispela sik nogut.

"Sapos planti yangpela lain olsem yupela i dai, long AIDS long olgeta taim, ino gat marasin long stopim dispel sik, sindaun bilong kantri long bihain taim bai bagarap. Namba bilong man meri bai kam daun na kantri bilong mipela bai olsem wanem," em i tok.


Deputi Provinsel Etmnistreta Patafius Gamato, Provinsel Polis Komanda Peter Nessat, Tewai/Siassi Distrik Edministreta George Munarawec na ELC-Siassi District Presiden Reveren Micah Yalamu i bin stap long dispela bung wantaim Gavana Jenerel.



**KALAPIM PIK:** Ol Siassi pipel i mekim GG kamap sief bilong ol olsem pasin kastom long piksa i krungutim pik i soim.

**BSP**

**PERSONAL LOANS**



Let BSP take the financial pain out of "Back-to-School", with a timely

# School Fee Personal Loan



BSP understands the importance of a good education and the financial decisions that have to be made for the forthcoming school year.

We can provide you with a suitable School Fee Loan, at highly competitive rates, with flexible repayment plans, to put your mind at ease over a 12 month period.

**Benefits to you:**

- Competitive Fixed Interest Rates
- Fast Loan approval
- Security not essential to secure a School Fee Loan

Fixed repayment structure to clear your loan over 12 months, to allow for future years' loans

**We're ready to help:**

For fast Personal Loan answers, just phone our Personal Loan Call Centre on

**180 1212** Our friendly staff will discuss the options available to you and explain our requirements in more detail.

\*Conditions Apply

ONLY A NATIONALLY OWNED BANK LIKE BSP UNDERSTANDS PNG BANKING NEEDS

**Bank South Pacific**

[bsp.com.pg](http://bsp.com.pg)

# Woksop givim gutpela trening

Timon Henry  
i raitim

**WANPELA** famili na Seksuel Vailens woksop i bin pulim moa long 35 pipel long kisim save we i ken helpim ol i luksave long ol kain senis i wok long kamap long ol famili, komyuniti na kantri.

Mendi Katolik Daiosis i bin holim wanpela wik woksop long Mendi Daiosis Pastoral Senta.

Ol lain husat i bin go pas long woksop em long Sister Lorna bilong Famili Laip, Alouis Ekape husat i Kodineta bilong Provinsel Pis Faundesen Melanesia, Bonnie Kande em wanpela polis meri na planti arapela moa husat i bin givim toktok insait long dispela woksop.

Woksop i bin kamap long hatwok bilong man husat i go pas long opis bilong Pis na Jastis Developmen na Karitas

Kodineta Rex Ero.

Em i autim tok amamas bilong em long Konsalten Implimentesen na Monitoring Kaunsel (CIMC) na Famili na Seksuel Vailens Komiti Kodineta Ume Wainetti long givim mani bilong ranim dispela woksop long Mendi.

Mista Ero i tok Integrel Humen Developmen o skulim man long develop long olgeta eria em i bikipela samting long laip bilong man meri.

Em i tok tupela wantaim i ken kisim ikwal o wankain tritmen na serim laip wantaim.

Bikmeri long Famili Laip Sevis, Sister Lorina i bin tok pasin sea we man na meri i gat em i presen bilong Bikipela bikos tupela wantaim i kamap long wanpela bun.

Em bin tok moa olsem seksueliti o pasin bilong man na meri i slip wantaim em i hap long pasin sea we God i givim

## ...Planti laikim moa

olsem presen long tupela manmeri na tupela i mas lukautim gut.

Mista Ekape bilong Pis Faundesen Melanesia, wanpela Non Gavman Ogenaisesen i bin givim toktok long rot we ol NGO long provins i save

wok wantaim long kamapim ol wok developmen. Pis Faundesen Melanesia i save givim kos o skul long tupela bikipela subjek na dispela em long "Em i Winwin, Mediesen na Restoretiv Jastis.

Polis meri Misis Karndi husat i bin mekim

bikipela wok long redim bung ya i bin tok planti meri long provins i stap insait long seksuel vailens hevi na moa trening na skul aweanes long dispela i mas kamap.

Rihabilitesen opisa Issiak Gular i autim ripot olsem namba bilong

Famili na Seksuel Vailens i go antap wantaim kilim dai manmeri, reip, smokim spakbrus mariwana, stil pasin, brukim haus kalabus na ronawe insait long provins.

Em i tok rihabilitesen (o helpim manmeri i gat hevi long tingting) i mas kamap long ol ples na komyuniti pastaim.

Em i tok i no gutpela long salim ol man i brukim long i go kalabus tasol putim ol long rihabilitesen long komyuniti pastaim. Na long wokim dispela, gavman i mas givim moa mani i go long ol NGO i stap pinis long provins na givim ol skul aweanes na trening

i go long ol.

OIC long Mendi Polis Ben Nagote husat i wok long 12-pele krismas long provins i tok braiberi na korapsen i bagarapim wok na ron bilong Provinsel na Lokol Level Gavman insait long provins bikos planti pablik sevan i no luksave long Mama Lo.

Na taim em i tok amamas long dispela woksop, em i tok moa aweanes trening i mas kamap long ol wan wan distrik we oi yut, man na meri i kisim skul long em na save long mekim gut samting na helpim long ol wok go het long komyuniti, provins na kantri.



**FAMILI LAIP BUNG:** OL LAIN bilong ol Katolik daiosis long PNG i stap insait long wanpela woksop long Kefamo Konferens Senta, Goroka insait long Isten Hailans

### PABLIK NOTIS HIH INSURANCE (PNG) LTD

Ol Dairekta blong HIH Insurance (PNG) Limited ("HIH PNG") (pastaim ol i save kolim MBf Assurance Limited na FAI Insurance (PNG) Limited) i laik toksave olsem Kampani i no moa ronim insurens bisnis na i klostu nau long pinisim ol wok blong em insait long PNG. Olsem tasol, HIH PNG (wantaim MBf Assurance Limited na FAI Insurance (PNG) Limited) i askim sapos husait man o meri i bilip olsem em i gat kleim we kampani i no stretim yet, orait em i mas salim kleim o wari bilong em i kam long dispela adres:  
HIH Insurance (PNG) Limited, Level 2, Mogoru Moto Building, Champion Parade, Port Moresby, PO Box 507, Port Moresby o long  
Fax namba 321 2780 o long  
email: kpmgpng@kpmg.com.pg.

HIH PNG i laik tok kliia olsem dispela toksave em blong ol jenerol insurens na wokas kompensesen kleim tasol na i no karamapim ol laip insurens kleim na polisi aninit long laip insurens bisnis blong HIH PNG. Sapos wanpela man o meri i gat kleim o wari long laip insurens polisi o seving bilong em orait em i mas go lukim ol o salim pas long Workers Mutual Insurance (PNG) Limited, Gabaka Street, Gordons, P O Box 292, Jacksons, National Capital District o salim feks long 323 2992 o ringim telepon 323 2929.

Bod of Dairektas blong HIH PNG i atoralsim

## Nupela pater bilong Mendi daiosis

Timon Henry i raitim

**KATOLIK** daiosis long Mendi insait long Sauten Hailans provins i gat wanpela nupela pater. Nem bilong em Pater Pita Hinawai.

Wanpela bikipela bung i bin kamap long Sen Josep Peris, Homaria long Margarima distrik insait long Sauten Hailans provins long Novemba 24 we i bin bungim planti ol Katolik manmeri bilong wan wan dineri long lukim Diken Pita Hinawai i kisim blesing long han bilong Bisop Stephen Reichert we i mekim em i kamap pater.

# Okapa pipel amamas long senis kamap

Paulus Tali i raitim

**OL PIPEL** bilong Okapa Elektoret nau i kisim helpim long memba bilong ol na ol i ken kisim ol kopi na ol arapela samting ol i groim long salim i go long ol maket long Goroka taun.

Okapa memba Tom Amukele i givim K100, 000 long stretim rot long Kimi ples na tu em givim 300 kopi masin long 6-pela konstitusen long ielektoret bilong em. I no longpela taim i go pinis, em bin givim 100 kopi masin long ol pipel bilong ples Ayam.

Long dispela taim, em i givim tu tupela polis open bek ka we kos i abrusim K96,000.

Wanpela man Okapa husat i no laik tokaut long nem bilong em long niuspepa i tok amamas long memba long gutpela sapot bilong em long ol ples lain.

"Long sait bilong sios, wok em save sapotim long mama wok, yut na arapela tu long skul. Em opim nupela skul las mun tasol na dispela em long Kati Komyuniti skul.

Long sait bilong rot, ol wok long rot long ples Kimi i go yet na wanem taim em i

pinis, ol bai wokim opening." man ya i tok.

Okapa ielektoret gat moa long 80,000 pipel na dispela em i bikipela mak.

Na helpim we Mista Amukele i givim bai helpim ol long kamapim gutpela sindaun na ol inap go het long bisnis bilong ol. Ples gat moa kaikai na kopi tasol hevi long rot i save mekim na ol pipel i no save kisim gutpela senis o gat sans long salim ol samting ol i groim long maket.

tasol, sapos rot gutpela bai ka inap ron na bringim ol samting go kam long maket.

## Ela Motors Quality Used Trucks Just Gets Even Better

**Hino FS2FKB, 12 Ton Dump Body**  
Available for immediate delivery Ex-Lae branch  
For More Information Contact: Jim Maxwell  
**Ph 3229400**  
Email: jmaxwell@elamotors.com.pg

FROM  
**K1,380\***  
Per Week

\*Conditions Apply



Expires: 31/12/2005.

**Ela Motors**

\*Weekly Payments (Payable Monthly over 36 months plus GST). To Approved Purchasers & Subject to Bank/Finance Approval. Offer Applies to Commercial Customers Only.

**We provide: ✓ total Sales ✓ Genuine Parts & Service backup ✓ Finance ✓ Lease Packages**



# Nupela SDA haus lotu i op



EDEVU SDA KWAIA: Amamas na singsing long opening seremoni.

EDUCATION PAPUA NEW GUINEA *Achieving a better future*

## Quality teacher education and training

### Quality teacher education and training is critical to education

Teacher education is reviewed on an on-going basis and improved to ensure teachers are trained to teach the reform curriculum. A national standards framework for teacher training will be established to provide quality and consistency across teachers colleges.

In-service training of teachers on an on-going basis will support curriculum reform initiatives.

Applications for pre service teacher education training is a Grade 12 requirement. This is a two year course following a trimester system in the colleges introduced to increase teacher output.

Graduates are qualified to teach all primary grades, including students with special needs.

Opportunities will be provided to serving teachers, both women and men, to further increase their professional knowledge and skills. In particular teachers in-charge will receive support to enhance their school leadership in areas of curriculum, professional learning and financial management.

Women teachers will be given the opportunity to develop their leadership skills.

Upper secondary teachers will be degree holders who have gained a post-graduate Diploma of Education.

Multi-grade teaching will be institutionalised in Elementary schools and will be a key component of teacher training programs.

Quality trained teachers for all levels of education.



Milne Bay teacher with pupils



Gerehu High School

**More information can be obtained by contacting:**

- the principal or head teacher in your local school or teacher's college.
- Officers in your district education office including the district education administrator, elementary trainer and primary inspector.
- Officers in your provincial education office including the provincial education advisor, reform coordinator, planner, inservice coordinator, elementary inspectors and training coordinators, primary, secondary and vocational inspectors.

Education information and publications are available from:  
 Department of Education  
 Media and Communication Unit  
 First Floor, Fincorp Haus, Waigani  
 PO Box 446, Waigani, NCD, Papua New Guinea  
 Fax: (675) 301 3544

Education PNG is a community awareness initiative by the government of Papua New Guinea. Supported by the Government of Australia through the Education Capacity Building Program.



Australian Government  
 AusAID



Department of Education

A sufficient number of appropriately trained and qualified Elementary, Primary, high school teachers, support staff, guidance officers, vocational centre instructors, technical training lecturers and managers prepared for education of students.

NATIONAL EDUCATION PLAN 2005 - 2014

**OL PIPEL** bilong Edevu Eilologo eria insait long Sentrel provins i save lotu long Seven De Etventis Sios i gat nupela sios bilding we ol i ken autim Tok bilong Bikpela long komyuniti bilong ol.

Long wankain taim tu, ol sios memba i kisim tok lukaut long noken pilai politiks taim ol i autim Gutnius.

Long las wik Sarere, moa long 100 pipel i bin bung long stap insait long seremoni bilong nupela Edevu Eilologo SDA Sios bilding we Rimbunan Hijau (PNG) grup kampani (RH) we i save ranim Edevu Somil i bin bildim bilong ol pipel.

Siaman bilong ol papagraun em Jonathan Love taim em i autim tok tenkyu i go long RH long bildim dispela sios i bin tok tru, em i no stap long loging kontrak, em i makim ol pipel long tok amamas long helpim sanapim sios.

Kaunsela bilong

Edevu Wod 19, Gilbert Ivan i bin luksave long helpim we RH i givim long bildim skul, 24 awa fri pawa saplai na rot i go olsem long Maunten Koiari we i helpim ol pipel long eria i kisim sevis insait long las 10-pela yia.

"Olsem wanpela bikpela investa long kantri, mipela i laik givim bek samtign i go bek long Edevu komyuniti taim mipela i bildim dispela sios we mipela i bilip olsem bai i helpim SDA Sios long go het na autim Tok bilong Bikpela long Edevu na ol komyuniti klostu," Mausman i makim RH i tok.

Sentrel Provins Gavana Alphonse Moroi, Jastis Minista Mark Maipakai, ol bikman i makim RH kampani grup, ol lain i makim Gordons SDA Sios na ol arapela SDA sios bikman na loging kontrak, em i stap insait long seremoni bilong opim nupela sios bilding las wik Sarere.

## Noken mekim ol manmeri amamas nating

Stephanie Waide i raitim

WANPELA Wod kaunsela bilong Tamata Lokel Level Gavman (LLG) long Sohe distrik, Oro Provins i tok gavman i mas traim long lukluk moa long ol mani ol i tok olsem bai i go long ol liklik manmeri long ples.

Silas Orowari i tok gavman i mas noken amasim bel bilong ol manmeri long toktok bilong mani plen tasol na ol manmeri bai ino inap long lukim kaikai bilong ol dispela baset.

Em i gat bilip olsem, ol pipel i harim planti ol promis bilong ol lida manmeri na planti taim ol i no lukim ol dispela toktok i karim kaikai.

Mista Orowari i tok em i amamas long dispela baset plen tasol em i askim sapos gavman i ken rausim dispela sistem bilong sab distrikt na larim ol mani i go stret long ol LLG.

Em i tok long Provins bilong em yet, gavman i nogat ol man husat save sekim ol wok long ol lokel gavman na planti taim ol grasrut i no save lukim mani bilong gavman.

Wantaim dispela nupela gavman baset, em i laik lukim wok bilong dispela ol mani we ol i makim long Provins bilong em.

Long ol yia i go pinis, ol memba bilong provins i save wok wantaim ol distrik etministreta na yusim ol mani long mekim narapela wok.



# Luksave long ol meri PNG i no senis tumas

Stephanie Gimo i raitim

## ...Bikpela mak stap long agrikalsa

EM i rait bilong olgeta meri long PNG long kisim sans long go insait long developmen bilong kantri wantaim fridom na nogat lain i rabisim o daunim rait bilong ol. Kodineta bilong ol Meri long Agrikalsa Developmen Unit (WIADU) long Dipatmen ov Agrikalsa na Laipstok long PNG, Cecilia Kagena i tokim ol meri long CEDAW bung bilong toktok long ol samting i karamapim ol meri na rait bilong

ol na sapos PNG Gavman em inapim ol samting we em bin sainim wantaim ol arapela kantri long dispela eria. Misis Kagena i tok olsem ol meri i kamapim 60-70 pesen bilong ol wok we i stap long prodaksen bilong ol kaikai na i save kamapim moa long 80 pesen bilong ol kaikai insait long kantri. Em i tok tu olsem Dipatmen bilong Agrikalsa na Laipstok i luksave long kontribusen bilong ol meri long agrikalsa na ol i

mekim rekod long kirapim nambawan WIADU bihain long Beijing konferens long 1995. Planti famili long PNG i lukim agrikalsa olsem wanpela bikpela samting long laip bilong ol. WIADU em bilong lukluk long ol developmen isu bilong ol manmeri insait long agrikalsa sekta, dispela em bikpela samting bilong wanem em i givim wei long lukluk long ol jenda developmen isu na i givim rot bilong nau na long bihain taim.

Long wankain taim tu Duah Owusu-Sarfo bilong UNFPA i tok olsem i gat nid long kamapim wanpela strongpela patnasip we i toktok strong long rait bilong ol meri. Mista Owusu-Sarfo i tok tu olsem long pasin bilong ples, wok bilong ol meri em long karim pikinini, wok long gaden, kamapim kaikai bilong famili bilong em, was long pik na stretim ol bikpela kaikai long ples. "Tru i gat senis long teknoloji na develop-

men insait long wol, tasol wok bilong ol meri insait long PNG i no senis." "Em i taim long tok-tok strong long rausim ol meri husat i stap insait long banis bilong diskriminesen o pasin bilong daunim ol meri, vailens na hevi long helt sait. Em i taim bilong olgeta komyuniti insait long kantri long sanap wantaim na pait egen-sim vailens long ol meri na long tok strong olsem olgeta i mas gat wankain rait."



### Anna's Kerot Keik

#### Yu mas gat:

- 1 na hap kerot yu sigarapim pinis
- 1-pela kap holmil plein plawa
- 1-pela tispun Baikabonet soda
- 1-pela tispun sinamon
- 2-pela kiau
- 1 kap suga
- tri kwota hap wel
- 1 kap saltana (drai prut)
- Aising (krim bilong keik)

- 1 peket aising suga
- 250 grem peket grem sis
- Liklik wara bilong muli

#### We bilong mekim na Kukim:

- 1-Sigarapim kerot pas.
- 2-Miksim plawa, suga na baikabonet soda na sinamon long wanpela dis.
- 3- Putim kerot na saltana go insait tu long dis,
- 4- Mekim hol namel long ol miks ingredien na putim kiau na wel go insait long hol na miksim gut tru.
- 5- Kukim insait long aven long 40-50-pela minit.



**SAPOTIM OL MERI:** Ol mama na pikinini i wokabaut raunim Sir John Guise Stadium wantaim kendel long sapotim nait wokabaut.

# Sapotim Infomol sekta

## ...Planti meri i stap insait long em

Stephanie Waide i raitim

### WOK BILONG infomol sekta i ken daunim pasin raskol na pamuk pasin insait long kantri.

Na ol meri bilong PNG em ol bikpela hap tru bilong infomol sekta long kantri. Dispela em i meri husat i no wok na stap long haus, ol meri we i skuf tasol i no painim wok na tu, ol meri we i gat wok tasol i hat wok yet long painim inap long lukautim famili bilong ol. Antap long dispela, mak long 95 pesen pipel long PNG i no inap long kisim gutpela edukesen long hai skul na yunivesiti na ol i save painim ol arapela wei long painim mani. Wok bilong infomol sekta i save strongim kantri, pulim wok na namba bilong pasin raskol i go daun, kisim mani i karf insait long poket bilong ol manmeri na i save stopim hangere. John Varey, Kodineta bilong Konsaltativ Implimentesen na Monitoring Kaunsil (CIMC) we i sapotim Infomol Sekta i bin wokim dispela toktok long konferens bilong CEDAW, o Konvensen bilong stopim olgeta pasin nogut (diskriminesen) we i save kamap long ol meri, olsem nau PNG i gat hevi wantaim pasin raskol na ol meri i painim mani na wokim pasin pamuk. Mista Varey i tok, dispela i ken go daun sapos yumi strongim infomol sekta.

Long wok painim aut bilong ol, 63 pesen bilong ol meri i stap long infomol sekta, we ol i wokim ol samting olsem skon, ais blok, buai o bilum na salim. Planti meri i tok dispela em i wanpela wei tasol ol i save kisim mani long en. Long wanpela wok painim aut, ol i lukim olsem, planti bilong ol manmeri we i stap long infomol sekta i no gat gutpela save na bikpela namba tru i no kisim wanpela helpim long gavman long statim liklik bisnis bilong ol. Planti taim, ol kaikai bilong ol i save bagarap bilong wanem ol i nogat ka long karim i go long maket na tu i gat bikpela maket fi long baim. Long taim ol i karim kaikai i kam, ol i mas baim beg kaikai long PMV, tu. Taim ol kamap long maket, sampela bilong kaikai i bagarap pinis, na velyu bilong kaikai i go daun pinis. Profit o winmani bilong ol i no bikpela tumas, na hat wok i save lus nating. Mista Varey i tok, gavman i luksave long ol manmeri long infomol sekta bilong wanem, bikpela namba bilong PNG i stap long en na dispela bikpela namba i save helpim fomol sekta gen. Em i tok sapos ol i no helpim dispela ol liklik bisnis manmeri, long putim mani long poket bilong ol, ol bikpela bisnis bai go daun bilong wanem, dispela ol liklik bisnis i kastoma bilong ol bikpela bisnis.

## Mak bilong ol HIV bikpela long meri

Stephanie Gimo i raitim

PLANTI mama i wok long kisim HIV/AIDS long ol man bilong ol na givim long ol nupela bebi long bel. Profesa Mathias Sapuri em hetman bilong Marasin Skul long Yunivesiti ov PNG Taurama Kempus i tok

insait long CEDAW bung bilong ol meri. HIV/AIDS Nesenel Rekod (data) i soim olsem 25000 - 69000 manmeri insait long kantri i gat dispela sik nogut, na em i taim nau yumi i mas tingting gut. Profesa Sapuri i tok olsem long las yia, Pot Mosbi Jenerel Haus sik Entinatel Klinik bilong

ol mama i bel, i bin rekotim 1.26 pesen ol meri husat i gat bel na i kam long ol gutpela famili i gat HIV/AIDS. Dispela i soim olsem ol i mas kisim long ol man bilong ol. Em i tok ol rekot i soim olsem planti ol yangpela we krismas bilong ol i stap namel long 15-39 i kisim dis-

pela sik, na ol man stap long taim bilong lapun i wok long kisim HIV/AIDS bilong wanem ol i wok long go aut na baim ol yanpela meri long slip wantaim ol. Bikpela singaut i kamap long pipel i mas senisim pasin long lukluk bilong ol long ol meri na tu, daunim pasin

## Planti no luksave yet long pasin vailens

Natasha Bodger i raitim

OL MERI long PNG i wok long luksave olsem ol i mas sanap strong na wokim samting long daunim pasin bilong bagarapim ol meri i save kamap insait long famili, wokples, komyuniti na kantri. Olsem na long las tupela wik, ol meri grup na ogenaisesen long Pot Mosbi na kantri i bin karimaut ol ektiviti o ol samting long soim olsem ol dispela pasin

i mas pinis na moa sapot i mas go long ol meri. Papua Hahine Sosesl Eksen Forum (PHSAF) bilong Pot Mosbi na Famili na Seksuel Vailens Komiti wantaim sapot bilong AusAID na NCDC i bin go pas long wanpela bung na mas raunim Boroko long makim Yunaited Nesens (UN) Intenesenel Dei bilong Vailens Egensim Meri las wik. Dispela wokabaut i lukim planti ol mama i gat bikpela wari long

pasin vailens o paitim na wokim nogut long ol meri na ol bin singaut long ol pipel long traim na wok bung wantaim long stopim dispela pasin. PHSAF President Kathy Tom i tok ol pipel mas stat long gat bikpela luksave long pasin vailens egensim ol meri na de we UN i makim long wanem sapos yumi nogat lukluk long dispela hevi bai ol meri insait long komyuniti stap yet long ples tudak na ol bai no save long rait bilong ol long ples graun.

# STORI TASOL



wantaim

## FR. PAUL LIWUN, SVD

### Husat dispela man?

OLGETA apinun, taim mi kam bek long wok, mi save sindaun na kisim win long veranda bilong haus. Mi save tes long waswas na prea wantaim famili bilong mi.

Wanpela apinun, taim meri na pikinini bilong mi i prea long malolo rum, mi sindaun kisim gutpela win long veranda i stap. Tasol i no longpela taim, mi lukim wanpela man i putim wanpela longpela waitpela ktos na holim wanpela stik long wokabaut i kam na sanap long fran bilong pes bilong mi. Mi bin kirap nogut tru long lukim dispela man.

Mi no toktok yet long em tasol wantu, mi pilim na kisim sot win tru.

Mi pilim olsem wanpela samting i ron isi isi insait long bros na i go antap long nek bilong mi. Mi pilim bikpela pen tru. Ai wara bilong mi i kapsait nating, bikos mi no inap karim dispela pen moa. Mi krai na askim God wanem samting i kamap long mi nau? Tasol mi no kisim wanpela bekim.

Mi sot win yet i stap yet na samting i wokabaut insait long nek bilong mi i fosim em yet i kamaut long nek bilong mi. Mi pilim bikpela pen na mi harim pairap i stap long nek bilong mi olsem...kkkkhh...kkkkhh... Mi nogat strong moa long holim bek dispela samting insait long nek bilong mi. Bodi bilong mi i guria na seksek i stap na tuhat bilong mi ron olsem wara. Aiwara i ron na mi no inap stopim.

Bikpela pen moa yet i kamap taim dispela samting i kam aut long mi. Lek na han bilong mi i tait na kamap kol olsem ais. Mi lukim dispela narakain man i bin kisim na karim i go samting i bin givim pen long bodi bilong mi. Misterius o narakain man i go... i go na mi no inap lukim em moa. Mi pilim bodi bilong mi i no hevi, fres na i kamap narakain.

Mi bin kirap nogut gen bikos meri na pikinini bilong mi i lusim malolo rum, i ron kam aut na singaut strong. Long dispela taim, mi bin lukim wanpela man slip i stap aninit long isi sia mi bin sindaun long en. Bodi bilong em i kol na kala bilong skin bilong em i kamap blu. Mi askim, husat dispela man? Bilong wanem meri na pikinini bilong mi i krai na holimpas long em? Olgeta i krai na singaut strongpela tru. Mi lukim meri bilong mi i holimpas strong tru bodi bilong dispela man na i luk olsem em bai i no inap lusim em.

Mi bin kirap nogut moa, taim ol i tanim bodi bilong dispela man na mi lukim pes bilong em i wankain olsem pes bilong mi. Mi no bilip. Olsem na mi askim God, wanem samting i kamap, Lord?

Mi pulim han bilong meri bilong mi, tasol mi no inap. Mi holimpas olgeta pikinini bilong mi, tasol mi no inap. Mi tokim ol olsem dispela bodi yupela holim pas long em i no bodi bilong mi, na mi singaut strong moa yet...tasol i nogat wanpela i bin harim singaut bilong mi. Olgeta i bisi long krai moa moa yet.

Misterius o narakain man i bin kisim sol bilong mi. Mi dai pinis. Mi pilim sori tru. Mi no bin wokim planti samting long mekim ol i amamas. Mi bin dai taim mi sindaun kisim win long verandah. Em i leit pinis long tok sori. Mi gat hop olsem yu bai redi gut long indai.

# Bogenvil Daiosis holim Asembli bung

Aloysius Laukai i raitim

SALENS i go long ol Katolik Sios lida long Bogenvil long toktok long HIV/AIDS insait long bung bilong ol.

Presiden bilong Otonomes Bogenvil Gavman (ABG), Joseph Kabui i salensim ol sios long toktok long ol isu

bilong HIV/AIDS long taim ol i bung.

Em bin wokim dispela toktok long opim wanpela wik bung bilong ol long Buka.

Mista Kabui i tok olsem ol sios i mas lusim nau ol pasin bilong bipo na tokaut long dispela isu na noken hait long tokaut long HIV/AIDS.

Moa long 80 bikmanmeri i bung long dispela asembli wantaim wanpela tingting long wok bilong skruim gutpela sindaun na long kirapim moa developmen bilong sios insait long Bogenvil.

Vika Jenerel, Pater Bernard Unabali long toktok bilong em i tok olsem long ol yia i go pinis, sios i kisim kain

kain hevi we wan wan sios memba na sios long Bogenvil i bungim na asembli i mas kamap wantaim ol rot long stretim dispela ol hevi.

Pater Bernard i tok tu olsem Katolik Sios insait long Bogenvil bai go het yet long wok klostu wantaim gavman long sait bilong developmen insait long

Otonomes Rijen bilong Bogenvil na long kantri.

Laspela taim Daiosis Asembli i bin bung em 18-pela krismas i go pinis, long yia 1987.

Asembli Bung i bin op wantaim wanpela lotu long Bisop Wade Sekenderi Skul Tarlena long las wik Fraide na i pinis long tude.



PROSESIO: Bisop Henk Kronenberg, ABG Presiden Joseph Kabui, Etmnistreta Peter Tsiamalili i wokim lotu long opim Daiosis Asembli.

# Kote Luteran Distrik Presiden laikim senis

Paulus Tali i raitim

NUPELA Presiden bilong Kote ELC/PNG Distrik, Reveren Muhuyu Muyupe laikim senis long distrik bilong em.

Sampela samting em laikim bai kamap em senis long ol yangpela insait long sios na tu, long givim skolasip long ol long kain ol skul olsem Helsbak didaman skul.

Em bai askim ol dona o gavman na tain bilong ovasis husat i save givim helpim moni long sapotim wok bilong sios long ol arapela ELC/PNG distrik olsem Siassi, Yabim, Madang na ol arapela.

Reveren Muyupe i tok em i gat bilip long senisim Kote distrik long planti samting na em i singaut tu long ol arapela sios lida long kam bung wantaim em na wok wantaim long strongim sios wok.

Reveren Muyupe i tok moa long 1,000 ol Kristen kamap long ileksen na lotu bilong givim blesing long em i statim nupela wok.

Reveren Thomas Volker husat makim wok misin patnasip long Leuemburg long German tu i bin stap long eleksen.

Het Bisop bilong ELC/PNG, Dokta Wesley Kigasung i bin stap long lukim na go pas long blesim 7-pela nupela pasto bilong distrik.

# Promotim gutpela Kristen Famili

Veronica Hatutasi i raitim

SISTA Lourdes Humme em i wanpela Divain Wod Misinari Sista bilong kantri Brazil long Saut Amerika i wok long PNG inap 15 krismas olgeta na bai go bek long ples bilong em dispela wik.

Em bin wok long Helt long Alexishafen inap 4-pela krismas na narapela 11-pela yia em i wok wantaim Katolik Famili Laip Apostulet long Goroka, Isten Hailans provins.

"Mi amamas tru long ol yia mi wok insait long PNG na sea wantaim pipel na lainim planti samting. Na kisim planti blesing na salens long wankain taim. Taim mi

lusim kantri, bai mi pre olsem Papa God bai helpim olgeta misinari na ol manmeri i kisim Tok bilong Bikpela i go aut long pablik na long wol tude," Sista Lourdes i tok.

Em bin kam long PNG long 1990 na wok long Alexishafen Haus sik long Madang bipo long em i kisim wok olsem Kristen Famili Laip Apostulet Kodineta long 1993. Taim Dairekta bilong Senta, Sister Anthida i lusim Goroka, Sister Lourdes i bin kisim ples bilong em long 1995 inap em i tusim PNG long dispela wik.

Sista Lourdes i tok long wok bilong em na ol lain em i wok wantaim em, ol i promotim gutpela Kristen Famili,



Sista Lourdes Humme

strongim famili laip na karimaut trening long ol samting i sut long Famili Laip, Netserel Famili Plening, HIV/AIDS, vailens na ol arapela samting tu.

Em i tok em na lain bilong em i save wok wantaim ol famili, ol papamama na ol pikinini long helpim long daunim ol hevi we i wok long kamap planti tude.

"Mipela i lukim olsem tude moa long ol arapela taim pastaim, em i hat long ol famili i stap wantaim olsem famili long serim ol gutpela na hatpela taim wantaim. Planti famili i bruk na dispela i mekim i hat moa.

"Narapela bikpela samting em HIV/AIDS hevi na mi wari long bihain taim bilong ol famili na komyuniti. Em i bikpela samting long wan wan manmeri na pikinini i mas wokim disisen long senisim laip na laipstail bilong em long bihainim rot we em bai no inap kisim binatang bilong AIDS," Sista Lourdes i tok.

"Vailens, nogat wok, nogat sans long famili i painim rot long kisim mani long em, hevi long

skul fi em ol sampela bikpela hevi famili i bungim tude," Sista Lourdes i tok.

Em i tok Katolik Sios i luksave olsem famili hevi em i wanpela bikpela hevi tude, sios i putim bikpela wok long lukluk na traim helpim long stretim na strongim famili laip.

Em i tok HIV/AIDS hevi i bikpela wari tru long PNG na Katolik Famili Laip Apostulet na ol Kodineta i wok long karimaut bikpela aweanes long skulim ol famili na komyuniti long ol samting i sut long dispela sik nogut. Ol i givim tu trening long save moa long HIV/AIDS, wok kaunseling o givim stia tok na Hom Kea o lukautim ol manmeri long haus.



### OL SAVEMAN BILONG OL HAIDEN I KAM LUKIM JISAS

Maria i karim Jisas long taun Betlehem long distrik Judia long taim Herot i stap king. Em i karim Jisas pinis, na bihain sampela saveman bilong hap sankamap i kam long Jerusalem na ol i askim nambaut olsem, "Nupela pikinini em king bilong ol Juda, em i stap we? Mipela i lukim sta bilong en long hap sankamap, na mipela i kam long lotu long em." King Herot i harim dispela tok, na em i tingting planti. Na olgeta manmeri long Jerusalem ol tu i tingting planti. Orait herot i singautim olgeta bikpris wantaim ol saveman bilong lo bilong Israel. Ol i kam bung na em i askim ol olsem, "Dispela man God i bin promis long salim i kam bilong kisim bek ol manmeri bilong en, em bai kamap long wanem ples?" Na ol i bekim tok olsem, "Em bai i kamap long taun Betlehem long Judia. Profet i bin raitim tok olsem, 'Yu Betlehem, long graun bilong Juda, yu no kam bihain tumas long ol taun i gat biknem long Juda. Nogat tru. Long wanem, wanpela man bilong yu bai i kamap hetman na em bai i stap wasman bilong lain bilong mi, Israel.'"

# Strongpela lidasip long pait agensim AIDS: Angliken Bisop i tok

Veronica Hatutasi i raitim

**STRONGPELA** lidasip na menesmen long ol progrem, mani na gutpela helt kea sistem i mas stap long pait agensim HIV/AIDS, Angliken Asbisop Ndungane bilong Keip Taun long Saut Afrika i bin wokim dispela toktok long Wol AIDS De.

Taim em i tok long Wol AIDS De, bikpela wok Angliken Sios bai strongim em long paitim agensim pasin bilong lukluk nogut long ol lain i gat AIDS, em i tok tru, ol sios na ol arapela feit beis ogenaisesen i mekim bikpela wok tasol wanpela

bikpela samting i no stap. Dispela em long gol bilong daunim AIDS na kamapim gut helt sevis.

"Gol bilong etresim AIDS na kamapim gut helt sevis i laikim "malti sektorel rispons" o olgeta grup i wok bung wantaim long dispela sik na hevi em i kamapim long soses na ikononik eria. I mas gat gutpela na strongpela lidasip na menesmen na long dispela tupela eria, wok i sot. Gavman i mas soim strongpela lidasip long kamapim ol nesenelel stretijik fremwok o ol plen long stopim, lukautim i givim visen daireksen long olgeta helt sistem. Yumi laikim lidasip i luksave na promotim na bildim

ol koalisen grup we bai wok bung wantaim na strongim ol stekholda long ol wok komitmen na ol i ken inapim ol gol long pait egensim na daunim AIDS. Yumi laikim lidasip i promotim moa wok bung wantaim namel long gavman, ol koporet wol, sivil sosaiti, ol NGO na feit beis o ol grup i wok aninit long sios long wokim ol streteji na ol progrem bai helpim ol manmeri i gat HIV/AIDS.

"Yumi laikim lidasip we i glasim gut na lukluk long ol samting we ol progrem bai kamapim i karamapim ol helt sistem, glasim ol sistem na sekim sapos ol i karimaut ol polisi.

Gavman i mas sapos

tim strong wok na pait long daunim AIDS na pasin bilong lukluk nogut na abrusim (stigma) ol lain i gat AIDS bikos nogat, pipel na ol kantri bai bagarap," Bisop Desmond Tutu em Asbisop bilong Keip Taun long Saut Afrika i tok.

Ripot bilong Yunaitet Nesen i tokaut olsem Saut Afrika rijen em i kisim bikpela hevi tru long AIDS insait long Afrika sab rijen.

Bisop i tok Angliken Sios i kamapim ol yut helt na seksuel edukesen progrem, givim trening long ol kleji o ol pater, bruder na bisop, ol sios woklain na ol yut lida na ol komyuniti long daunim rot bilong kisim binatang bilong

AIDS, pasin bilong noken slip wantaim man inap long taim ol i marit, riprodaktiv na seksuel helt, laip na wok bilong papamama, moa yangpela pipel i poroman long kisim kaunseling bipo ol i marit.

Bisop i tok tu olsem ol i karimaut ol aweanes long ol komyuniti long stigma o pasin bilong abrusim o lukluk nogut long pipel i gat AIDS, helti pasin, lusim bikhet pasin we bai binatang bilong AIDS i kalap long wanpela narapela na kisim HIV/AIDS tes na wok we sios i mekim long helpim daunim pait egensim sik ya. Na tu, lukautim ol lain i gat dispela sik pinis.

## Marit i bungim tupela sios wantaim

Paulus Tali i raitim

BIKPELA amamas i bin kamap long tupela yangpela pipel bilong tupela sios na ol i wanbel long ol i marit insait long Luteran Sios.

Willie Kaiabit em i miks Tapo long Kainantu insait long Isten Hailans na Koari, Sentrel Provins na Lindah Melan, bilong Simbu i bin kisim marit blesing long Luteran Sios Pasta Gundu Kal Guene bilong Mari Mari Luteran kongrisesen long Mosbi.

Seremoni i bin kamap long 14 Mail ausait tasol long Mosbi we ol lain bilong Towamo Luteran Sios na Asembli ov God i bin bung wantaim na amamasim dispela de

long gutpela bel pasin. Pasin bilong marit i bungim tupela sios i kamap wanbel we yangpela Willie bilong Asembli ov God i marit long Lindah bilong Luteran Sios.

Pasta Guene i bin salensim tupela nupela marit na ol arapela lain, i bin kamap long marit seremoni na tok samting we ol i lukim i kamap long tupela i bringim amamas long nem bilong Kraiss.

Em tok sapos marit i kamap long gutpela rot bai i nogat birua na hevi inap kamap.

Pinis long olgeta progrem, ol lain Simbu i bin soim kasom pasin long rot bilong salim yangpela meri go long lain bilong man.

## Marianville namba 3 Gred 12 greduesen

Salome Vincent i raitim

"I no gat wanpela samting i mas pasim ol meri long lukluk strong i go insait long wanem kain wok ol i laik mekim." Dispela em wanpela samting ol saveman bilong edukesen i tok.

Moa long 250 sumatin meri bilong Marianville Katolik Sekenderi Skul long Bomana i graduet las Fraide namba 2-dei bilong mun Novemba.

Dispela greduesen i lukim namba tri greduesen bilong ol gret 12 sumatin na 40 greduesen bilong skul yet.

Namel long ol akedemik prais, ol i givim aut ol jenerel prais bilong lidasip, sitisensip na spots. Skul Kepten Elizabeth Abaijah i kisim prais bilong lidasip, Yvonne Golpak na Natalie Apelis i kisim bilong sitisensip na Cathy Manua i kisim awot olsem gutpela spots meri. Long ol ekedemik prais, Penina Masu husat i kam fes long Maths A, Physics na Geography, i kisim daks prais bilong ol gret 12 sumatin.

Prinsipel bilong skul, Sista Angela Taylor i no bin stap long stat bilong greduesen, tasol Deputi Prinsipel Misis Etsie Obara i stap long givim 2005 ripot bilong skul.

Misis Obara i tok, skul i lukim sampela gutpela developmen we ol i sanapim tupela wan-betrum haus we ol papamama bilong skul i helpim long fanding. Dispela bai pinis klostu long stat bilong nupela skul yia. Dispela yia, skul i kisim wanpela nupela bas long kisim ol sumatin i stap long Gordons na Erima i go kam long skul.

Ol sumatin i mekim gut long skul wok bilong ol long dispela yia na tu ol i amamas tru long kisim trofi long resis bilong ol NCDC skul long spots.. Skul i bin stap insait long Famli Laip Progrem na long dispela yia, wanpela gutpela tisa bilong ol, Misis Mary Nidue, husat i stap longpela taim wantaim Marianville Katolik skul i dai bihain long em i bin sik long sampela taim.

Marinville em wanpela skul bilong ol meri tasol na i stap aninit long Katolik Asdaiosis bilong Mosbi.

Long makim maus bilong Sista Angela, Misis Obara i tok, long Marianville " Mipela i lukim Mama Bilong Santu Hat olsem wasmama bilong mipela na mipela save em bai lukautim mipela na stiaim mipela long gutpela rot."

## Gavman mas wok klostu wantaim ol sios ....Evanjelis lusim Maun Zion Luteran

Paulus Tali i raitim

TAIM tok amamas i go long gavman long putim bikpela mani bilong helpim ol distrik na ol liklik manmeri long kantri olsem baset bilong neks yia i soim, singaut i go long (gavman) i mas wok klostu wantaim ol komyuniti na katim baset i go tu long ol sios.

Evanjelis Ohare Jabare husat wanpela man we save givim taim tru long sios wok long Luteran kongrikesen long 9 Mail ausait tasol long Pot Mosbi na Luteran Papua distrik i wokim dispela toktok. Em i save wokim tu komentari long stiatok long gutpela lidasip insait long Wantok Niuspepa olgeta wik long salensim ol lida long ol i mas sanap antap long tok bilong God na mekim gut wok bilong ol.

pablik i kisim gutpela tingting long en. Evanjelis Jabare bai go long Logaweng Luteran Seminari, long Finsafen Morobe Provins

Long neks Sarere Disemba 17, ol Kristen bai kamap long tingting bung kai kai na fan resing bilong tok tenkyu long en na helpim em long wokabaut bilong em i go long seminari.

Evangalis i save mekim wok ministri long Bomana haus kalabus we em save autim tok bilong God long helpim ol lain kalabus lain long save long Bikpela na senisim laip bilong ol.

Em i autim tingting bilong em long gavman bilong tude olsem em i mas luksave long sios long wanem sios i stap helpim long ol wok developmen bilong kantri na pipel. Na taim ol lida i givim luksave long Bikpela, bai yumi daunim hevi bilong sik AIDS na korapsen.



KONFEMASIO LOTU: Olpela Sief Jastis na strongpela Luteran Sios memba Sir Arnold Amet na meri bilong em i wokabaut i go long sios wantaim ol arapela bikman.

## Opim Bethlehem kempein

OL i lonsim wanpela intenesenel kempein long kamapim bek gutpela piksa long ples we Jisas i bin kamap long em, Bethlehem.

"Open Bethlehem" em nem bilong kempein na i lonsim long London long Inglan na Washington long Amerika.

As tingting bilong kempein em long brukim kain hevi we Bethlehem i stap long em, mekim siti i luknais na ol pipel i stap long siti ya i ken amamas long em.

Aninit long dispela kempein, ol bai givim ol paspot i go long ol poroman bilong Bethlehem long strongim tret patnasip, Invesmen, Turisim, na ol narapela gutpela sans long

siti. Strongpela toksave em Bethlehem em i siti we i opim dua long ol pipel bilong olgeta hap bilong wol.

"Paspot em i rot long askim pipel long apim plet. Inves long Bethlehem, kisim ol projek i go long siti na kam na stap namel long mipela na yu ken kamap wanpela manmeri bilong Bethlehem," ripot i kam long Kristen Wol Sevis ogenaisesen i tok.

Taim Krismas i kam klostu, wari i stap long ol Kristen pipel olsem ples we yumi save givim bikpela luksave long em long dispela taim bilong yia i stap insait long hevi long pait i kamap long Holihen namel long Israel na Palestain.

Bethlehem siti i gat 4,000 krismas na 160,000 pipel insait long siti i stap olsem ol kalabus lain. Mak bilong ol turis i save go long hap long Krismas long 2000 i bin stap olsem 92,000 tasol long las yia, em bin go daun olgeta long 7,200. Insait long las 5-pela yia, ol Kristen long Bethlehem i bin lusim siti i go long ol narapela ples na kantri.

Planti restron o haus kaikai, stoa na wok bisnis i pas na ikononim bilong siti i stap long hevi.

Ol wol na banis we Israel i putim long brukim Israel long Palestain i narakain tru long gutpela taim 2,000 yias i go pinis taim Mama Maria i bin karim Jisas wantaim toksave bilong pis i kam long wol.



# TOK LUKAUT



wantaim

## DAVID EPHRAIM

### Skelim wokabaut bilong yu

YES, Krismas taim i kamap klostu nau. Yumi lukim planti ol senis i kamap long ol mun i go pinis. Tude planti i wok long go bek long ples long amamasim krismas long ples.

Mi laik kisim dispela taim tasol long tok amamas long yupela ol rita bilong dispela kolum we, long olgeta wik, yu save baim Wantok long ritim.

Mi bin kisim sampela ol pas i kam olsem long Vanimo na Wewak na dispela i wokim mi amamas long lukim strong bilong ripot na komentri Wantok Niuspepa i gat nau.

Long dispela krismas yu wan wan mas skelim gut wokabaut bilong yu. Bilong wanem planti hevi i stap pinis olsem long HIV/AIDS na pasin raskol.

Yumi lukim planti dai i wok long kamap. Na tu planti kainkain hevi i wok long kamap.

Mekim dispela krismas olsem taim we yu skelim gut pasin bilong yu wan wan na askim yu yet yu bin mekim wanem long yia 2005 na wanem samting yu bin wokim i no stret.

Insait long dispela, tingim HIV/AIDS em stap pinis long kantri olsem na traim long lukautim yu yet gut.

Bilong wanem planti kain kain hevi i save kamap long kain ol bikpela de olsem. Taim manmeri i gat planti mani ol i laik amamas long dring na danis.

Planti taim tu ol yut tu i save tanim baket long dringim hombru. Mi laik tok lukaut tasol long lukautim yu yet gut nogut bai yu no inap lukim 2006 na yu go pinis.

Yu yet nau i gat Hel na Heven. Wanem hap yu kamap yu yet nau. Long tumora Fraide 9, we bai i gat Intanesenel Enti Korapsen De, tingim na helpim long stopim pasin Korapsen.

Long pinis mi laik tok gen olsem yu lukautim yu yet gut, na lukim yu gen neks wik.

# Senisim pasin

Veronica Hatutasi i raitim

## .....HIV/AIDS plen bilong Edukesen

PAIT agensim HIV/AIDS i kamap wantaim strongpela singaut long pipel bilong dispela kantri mas senisim pasin, long ol papamama i senis na skulim ol pikinini long seksualiti o pasin bilong man na meri i slip wantaim.

Minista bilong Rurel Plening na Developmen Dokta Puka Temu husat i helpim Praim Minista long dispela

hevi bilong HIV/AIDS i bin wokim strongpela singaut long olgeta manmeri bilong dispela kantri long mekim woa agensim dispela sik long lonsing bilong Nesenel Edukesen HIV/AIDS Plen las wik Fraide.

Gavana Jenerel Sir Paulias Matane i bin lonsim Nesenel Edukesen Sistem HIV/AIDS Polisi long makim Wol AIDS De.

HIV/AIDS i wok long go bikpela hariap na

kilim dai na bagarapim planti pipel stret long PNG.

Bihainim mak sik ya i go bikpela kwiktaim, Dokta Temu i tok insait long 10-pela yia i kam sapos gavman na pipel bilong dispela kantri i no wokim samting, 211,000 pipel bilong PNG bai gat AIDS na long yia 2025, samting oisem 400,000 pipel bai dai long AIDS binatang.

Dokta Temu i tok dispela mak inap senis

sapos ol man i senisim lukluk bilong ol long ol meri na kamapim ol progrem long helpim ol papamama i skulim ol pikinini long pasin we man na meri i luksave long ol yet.

Ekting Edukesen Seketeri Dokta Joseph Pagelio i tok dispela polisi i gat 16 stia tok na karamapim 4-pela eria. Em long privensen o banisim ol sumatin long dispela sik, Lukautim ol sumatin, HIV/AIDS

long ples bilong wok na lukautim bekim bilong Edukesen long HIV/AIDS.

Dokta Pagelio i tok em i wok bilong olgeta edukesen atoriti long skulim ol sumatin long HIV/AIDS na rot long bihainim long abrusim dispela sik.

Edukesen Dipatmen i gat moa long wan milien sumatin long kantri, 35,000 tisa, 4,000 elementeri skul, 3,300 Praimeri, 170 Sekonderi, 140 voke-senel, 7-pela teknikel na bisnis kolis na 8-pela Tisa koles.




Foto: Stephanie Waide

**STRONGPELA SINGAUT:** Gret 11 Pot Mosbi Grama skul sumatin Emma lau i bin makim ol yangpela pipel long kantri long autim tingting bilong ol long HIV/AIDS. Sanap wantaim em, Carlton Awamaki em tu i wokim Gret 11 long Pom Grama skul. Emma i bin askim olgeta bikpela na yangpela pipel long mekim moa wok long pait agensim AIDS na bihainim heliti na gutpela laipstail we bai abrusim AIDS.

## Malolo pe bilong tisa i redi pinis

Stephanie Gimo i raitim

OL TISA insait long kantri bai kisim olgeta liv o malolo pe bilong ol long wanpela pe tasol.

Ol bai salim ol dispela liv mani i go long ol Provinsel Edukesen opis na ol tisa bai kisim ol bipo long 2005 skul yia i pinis long tumora, Fraide Disemba 9.

Ekting Seketeri bilong Edukesen, Dokta Joseph Pagelio i tok Salari na Peirol seksen i sapos long kisim olgeta Kleim bilong ol tisa long Novemba 21 long ol opisa i stretim olgeta samting i sut long pei bilong ol tisa bilong

Dokta Pagelio, i tok olsem ol kleim we opis i kisim bihain long Novemba

21 bai i no inap long go insait long lam liv pe mani tasol ol bai kisim long Februari neks yia.

Lam liv pe mani i karamapim tupela potnait long Disemba inap long Januari na bihain ol bai kisim ol liv pe wan kain olsem long potnait long yia.

Long wankain taim, Dokta Pagelio i tok tenkyu tu i go long ol tisa na ol skul etministreta long givim gut infomesen i go long ol wanwan Salari senta long stretim ol liv pei

Em i tok sapos ol tisa i gat sampela askim long pei, ol i mas go long ol provinsel edukesen peirol opis na bipo ol i kam long Waigani. Na ol i mas gat tok orait leta i kam long provinsel edukesen opis taim ol i kam long sekim wari bilong ol long Waigani salari opis.

## Ol Eit Dona mas gat wanpela tokples

Veronica Hatutasi i raitim

I GUTPELA long ol Eit Dona ejensi i save givim helpim wok bilong Edukesen insait long kantri long toktok wantaim wanpela tokples na mekim rot bilong lukim sevis isi, Deputi Edukesen Seketeri Luke Taita i tokim bung bilong ol dona ejensi wantaim Edukesen Dipatmen i bin kamap long Hideaway Hotel long Pot Mosbi.

Ekting Edukesen Seketeri Dokta Joseph Pagelio na bikman bilong Edukesen i bin bung wantaim ol lain i makim AusAID, Yuropien Yunien (EU), JICA, Embesi bilong Japan, Ripablik bilong Saina, Embesi bilong Indonesia, Nu Ailan AID, UNICEF na ol arapela han bilong Yunaitet Nesens i wok long PNG na moa long toktok, glasim na skelim ol wok na developmen i kamap wantaim helpim bilong ol dona kantri. Bung i wanpela sans tu bilong olgeta grup i tok tok na painim stia long helpim ol i wok bung gut wantaim long ol yia i kam.

Ol dona ejensi i save givim bikpela helpim long Dipatmen long ol developmen projek, sanapim ol klasrum, haus tisa na rum slip bilong ol sumatin, trening long kamapim gut ol humen risos na moa.


Taim Mista Taita i tok tenkyu long AusAID, JICA, EU na ol arapela dona ejensi, em bin tok dipatmen i laik lukim olsem ol i yusim gut ol helpim mani we ol i save kisim long en. Olsem na wanpela bikpela eria em long givim gutpela mani menesmen trening o skulim ol long lukautim gut mani long nesenel na institusenel level long ol skul na ol hetmasta na prinsipel i ken kamap ol gutpela menesa.

Em i tok bikos namba bilong ol manmeri bilong PNG i wok long gro bikpela hariap long 2.3 pesen mak long wanpela yia, ol i laikim moa ol sevis long edukesen na ol i mas basetim gut mani long inapim bikpela mak bilong ol pikinini. Na long sanapim o kamapim gut trening bilong moa woklain long distrik level, Dipatmen i laikim helpim bilong ol dona ejensi.

Mista Taita i tok bikos i gat planti ol dona ejensi, ol i gat ol kain tokples we i mekim wok bilong karim ol sevis i go long ol pipel i bungim hevi. Tok piksa em "Sekta Waid Apros"we i as tok bilong AusAID na ol arapela ejensi i gat ol arapela as tok bilong ol.

"Planti lain i no kila long mining bilong ol wan wan tokples long ol samting we ol dona ejensi i laik kamapim long en. Bikpela samting em long tanim ol toktok i go long eksen stret," Mista Taita i tok.

Em bin tok tu olsem Midium Tem Developmen Strateji na Nesenel Edukesen Plen em ol as tok long bihainim long kamapim ol gutpela kaikai tasol i mas gat gutpela wokbung na toktok long mekim ol samting wantaim ol dona ejensi na bai i gat gutpela wok kamap.

**A COLLEGE TO CHANGE YOUR WORLD IN 2005** 

Invest in accredited qualifications and skills to gain a successful career. Everything you need for study success is provided; Training Materials, Guide, Exams, Revision Tests, Exam, Award.

**Diplomas (£150/US\$300/AUS\$360)**

- \*Accounts, Hotels, Tourism, Computers
- \*Business, Management, English, Stores
- \*Personnel, Office, Purchasing, Advertising
- \*Marketing, Insurance, Secretary, Office

**Advanced Diplomas, BBA, BCom, MBA**

- \*Business, Marketing, Finance, Organization

For a FREE Prospectus/brochure contact:  
**CAMBRIDGE INTERNATIONAL COLLEGE**  
 P.O. Box 1378, Southampton,  
 SO17 3WX, Britain  
 Web: www.cambridgecollege.co.uk  
 email: info@cambridgetraining.com  
 Fax: +44 2380 337200

Accredited British Training & Education registered with the National Training Council & Ministry of Labour of Papua New Guinea

# Pik em i abus

**Dia Edita**

MI LAIK agensim toktok bilong brata Peter P. Nana em i kam long Wantok Nius long 16/10/05. Em i bin tok long ol manmeri bilong PNG ol i noken kaikai pik. Yes brata ating yu agensim God ya.

Taim God i laik putim olgeta samting na em bin putim ol abus bilong bus na long ol ples. Dispela taim yu no laik tokim God na em lusim? Na brata, mi tokim yu taim ol spirit ol i go insait long pik na ol dispela pik ol i bin i go insait long wara na ol i dai pinis.

Na dispela wara em i tok bilong God. Na tu sapos yu tingim olsem yu noken dring wara o waswas long en. Em tasol na husat brata yu sapatim o agensim rait tasol i kam long Wantok Niuspepa na mi lukim.

**SUILLE BATA  
KIMBE  
WES NU  
BRITEN  
PROVINS**

# Fri Buk Baibel em i nambawan tru

**Dia Edita**

MI WANPELA man husat i save ritim Wantok Niuspepa olgeta taim na taim mi lukim dispela resis bilong Katim Piksa na kisim fri Buk Baibel man, mi amamas tru long dispela Nupela Buk Baibel bilong ol pikinini i gat piksa wantaim. Bikos dispela bai helpim tru ol pikinini long rit na lukim piksa wantaim.

Long dispela pas mi raitim long yu plis mi laikim bai yupela i

ken salim prais bitong wan wan Buk Baibel sapos mipela laik baim. Mipela i gat tri handret pikinini husat i save kam long Sande Skul olgeta Sande na mi bai toktok long pasta bilong mi na sios bod bai mipela i mas baim ol dispela Buk Baibel i gat piksa na lainim ol pikinini long ritim Buk Baibel na tu skulim ol long pasin bilong painim sapta na veses na lainim. Mi ting dispela Buk Baibel em i gupela tru long i stap long maket long ol

kristen buksop na bai ol PNG manmeri i ken baim long ol pikinini bilong ol. Mi na ol lain bilong mi bai mipela i lukiuk long baim sampela long taim mi kisim prais bilong wan wan long yu. Em tasol na God blesim yu na olgeta manmeri long Wantok Niuspepa.

**PHILIP JAMBIKUTU  
KIMBE  
WES NU BRITEN PROVINS**



# Noken pilai politiks

**Dia Edita**

MIPELA ol pipel bilong Not Wagi i kisim taim tru long ol sevis olsem bris, rot, hausik na ol planti samting olsem skul tu.

Plis inap bai memba Michael Mas na Gavana Paias Wingti i wok bung wantaim long 2006-2007 na wokim ol sampela samting olsem Wingti i save wok bung wantaim ol narapela memba long provins olsem Kuri Kingal, Jamie Graham, Mark Anis, Melchoir Pep na William Duma.

Michael Mas, sapos yu tingting long kam bek long 2007 orait yu gat 2006 long hariap na bringim ol sampela samting olsem baim ol polis ka gen bilong Nondugl na Banz, hausik ka bilong Nondugl namba wan, Banz, Kimil na stretim rot long olgeta Not Wagi. Ating yu mas les pinis long wok memba?

**MATT DEDEBOH  
HOLEYAH  
BANZ  
NOT WES**

# Mista Kuman em tru lida bilong Gumine

**Dia Edita**

MI WANPELA yangpela lida bilong ples Dirima Yani long Gumine. Olgeta taim mi save stap long ples tasol long deit 24/10/05 na long 1/11/05 tupela man nem bilong tupela Ken Gaima Yal na Bomai Mingaloo tru mi tokim yupela olsem ol i no bilong ples Gumine.

Dispela nem Ken Gaima em ples nem na wara Ken Gaima na Bomai Mingaloo em nem bilong olgeta man long Saut Simbu. Yutupela man bilong narapela hap yutupela bilong Gumine mas opim ai bilong yu na toktok.

Noken ritim nating long niuspepa olsem Memba bilong Gumine em i no wanpela mangi. Em tru lida bilong Gumine. Noken bagarapim nem nating. Yutupela tru tru man orait raitim tru tru nem bilong yupela insait long niuspepa. Em tasol liklik wari bilong mi.

**PETER WAI KIPSY  
YAL GUMINE**

# Dae LLG nogat gupela wokplen progreem

**Dia Edita**

LONG makim maus bilong ol lain long ples Dae mi save lukim dispela em i bikpela samting tru. Ol i no save ronim miting inap 4-pela yia insait long Lokol Level Gavman bilong Dae.

Ol i save mekim wanem kain wok em mi no save lukim. Ol i stap long komyuniti long toktok bilong kilim pik na baim meri na toktok o wok tru em wanem kain wok ol ken mekim mi no klia tru.

Memba bilong mipela long Dae ilektoret na minista bilong Helt Melchior Pep wantaim LLG presiden i mas wok bung wantaim na lukautim distrik.

Mi lukim ol distrik opis i nogat wok mentenens em i stap nating olsem wanpela pikinini i nogat papa. Yia i kam em i no taim bilong wok.

Mi ting em i taim bilong pilai politiks. Long lukluk bilong mi ol arapela LLG long WHP i ron gut tru tasol olsem wanem long Dae LLG? Long raitis bilong ol manmeri long ples mi askim yupela long mekim wok bikos yia i kam 2006 em i taim bilong NEC long pamim mani i go long ol distrik long PNG na mi wari liklik long dispela gupela plen NEC i makim pinis.

Em tasol liklik wari na lukluk mi gat long en.

**JOE BISSON  
MT HAGEN  
WESTEN HAILANS PROVINS**

# Olgeta de em i de bilong Bikpela

**Dia Edita**

MI LAIK bekim pas bilong Peter P. Nana bilong Westen Haians provins i bin kamap long Wantok long Novemba 3, 2005. Em i bin rait olsem "Em i holid sabat na Sande" Em i tok moa olsem "Na long Rev 17: 1 rit i go moa olsem wanpela pamuk meri em i mining olsem sios, so mi ken tok klia dispela pamuk meri min Sande sios."

Peter P. Nana, i nogat wanpela mining bilong yu wantaim holi sabat na Sande bilong yu long dispela tok bilong God long Rev 17:1. Dispela ves 1 i tok long pamuk meri i sindaun antap long bikpela wara em i makim, wan wol sios long taim bilong Anti Kraiss gavman na long tribulesen taim. Vs 15 long Rev 17 i mekim klia

tru mining bilong ves 1 na tu yu rong long karim Rev 17 kam insait nau long taim bilong marimari na sios taim, Rev 4: 22 em i stap tok profet yet na i no kamap nau olsem yu tok nogat ya.

Olgeta samting Rev 4: 19 toktok long en bai fulfilling stret long taim bilong Israel na tibulesen. Yu mas klia gut long tok bilong God pastaim na rait nogut seten i giamanim yu na bai yu giamanim planti manmeri olsem.

Mi gat sampela askim long yu Peter Nana, Holi Spirit na Sarere em i tupela samting na yu save long mining na wok bilong tupela?

Namba tu askim, hau na blut bilong holi sabat i bin wasim sin bilong yu?

Namba tri askim, holi sabat i bin idai long sin bilong yu na kirap bek

long matmat long Sarere na yu save kipim Sarere i kamap olsem holi sabat de bilong yu o wanem?

Mi yet Jisas Kraiss tasol namba wan long laip bilong mi, de nogat, na kirap bek long Sande na nau em i stap laip oltaim oltaim na sindaun long han sut bilong Papa God.

Olgeta brata na susa blut bilong Kraist wasim sin bilong mipela pinis, mipela save bung na lotu long Jisas Kraiss long Sande na olgeta de em i de bilong Bikpela na mipela i save lotu long em. Mi redi long bekim bilong yu.

**PETER KELO  
KAINANTU  
ISTEN HAILANS PROVINS**

# Glasmim gut tok long Buk Baibel

**Dia Edita**

MI KAMAP gen long Wantok Niuspepa na mi laik bekim hap pas bilong man ya - em Peter P. Nana, Mt Hagen, WHP. Het tok bilong Peter em putim olsem, Husat kaikai pik bai lus.

Bipo mi bekim pas bilong yu Peter, bai mi tok olsem, mi bilip long Buk Baibel i tok olsem - man kaikai pik bai no nap lus, tasol em bai bagarapim bodi bilong em long sait bilong helt.

Dispela em wanpela lo we God i givim long ol Israel long ol i tambu tru

long kaikai pik na arapela abus God tokim ol long no ken kaikai. Em long sait bilong bodi mas stap gut, stap helti, stap strong long mekim gut wok. Helt bilong ol em God i konsen long en, olsem na em givim ol lo bilong bihainim na kipim.

Tude long taim bilong yumi, em laik bilong wan wan long wanem kaikai abus yumi laikim long en. Kaikai i no inap bagarapim bilip na mekim yu bai lus long hel Peter.

Baibel i tok olsem, He that believeth on the Son (Jesus) hath everlasting

life; and He that believeth not the Son (Jesus) shall not see life, tasol wanem? The wrath (bel-hat) of God abideth on him. John 3:36. Sapos yu no klia ya Peter, lukim sapta 3:6-7 bai i helpim yu klia moa laka?

Narapela em lukim John 3:15 i tok - Husat i bilip long Jisas em no nap lus, tasol em gat laip istap oltaim oltaim. Peter, yu mas save olsem Gospel bilong Jisas Kraist em i no mit na drink o kaikai ha? Gospel i tokaut long dai, na kirap bek bilong Jisas.

Em long yu go telimautim gutnius bilong Jisas long hau em ken kisim bek man, na i no olsem gutnius em yu go na tokim ol manmeri long tambu long kaikai pik na kapul.

Nogut bai ol i lus long hel na ol i no nap go long heven. Dispela kain tok em paol tok na i no kam long Baibel Peter. Baibel tok, yu mas tanim bel tru, John 3:6-7 na i no kaikai.

**P.I.  
LORENGAU  
MANUS PROVINS**

# Rausim bia klap long Enga provins

**Dia Edita**

AS TOK i stap olsem, Enga Gavana Peter Ipatas gavman tok orait long kirapim bia klab long olgeta hap long Enga provins. Planti man dai long bia ples, na tu ol birua kam kisim man dai long bia ples tu.

Ol manmeri danis klostu long bia ples tu na planti manmeri kisim sik AIDS long bia klab. Mi laikim pas bilong mi go stret long ol minista husat tok orait long givim laisens long ol bisnis man long yia go pinis. Em inap.

Nau mi no laik bia klab i stap moa long yia 2006 go long 2007. Bikos Enga provins i no wankain olsem arapela provins long PNG. Nogat tru. Enga provins em ples tru tru bilong trabol na pait provins. So mi askim gut palamen long stopim bia bisnis long Enga provins.

Tenk yu edita mi laik pas bilong mi go long Minista bilong bosim bia Laisens. Em tasol.

**PETER PUBU  
WABAG  
ENGA PROVINS**

# WANTOK KOMENTRI

## Pasin i mas senis

DISPELA wik Fraide em i Intanesenel Enti Korapsen de. Em i de we olgeta man, meri na opis husat i save wok strong long daunim pasin korapsen i save bung na givim luksave long pait agensim dispela samting nogut i save bagarapim sindaun bilong yumi olgeta.

Long makim dispela de, bai i gat bung i kamap long Mosbi we ol bikmanmeri, skul pikinini na husat manmeri bilong pablik i laik go sindaun bai paitim toktok long dispela samting.

Long wankain taim, wanpela bikman husat i save mekim wok long daunim pasin korapsen, Inspekta Mathew Damaru i tokaut pinis olsem wanpela as bilong dispela kain stil pasin i kamap em samting mipela i save kolim 'wantok sistem'.

Wantok sistem em i pasin bilong halivim wantok o wanples. Sapos yu lukim wanpela wantok bilong yu i mekim wok long wanpela bisnis we yu laik kisim samting long en, bai yu strongim dispela wantok sistem bai em i luksave long yu.

Dispela kain pasin ating em i stret long ai bilong ol tumbuna husat i save bihainim long sait bilong wok long ples. Tasol tude, mipela i stap long narapela taim olgeta. Tru tumas, dispela 'wantok sistem' i kru pinis insait long pasin bilong planti manmeri. Yumi olgeta i save lukluk long ol wantok taim yumi save painim hat long lukautim yumi yet. Na ol wantok tu i save luksave long mipela na opim han tasol.

Tasol asua i save kamap taim yumi no save bihainim lo bilong kantri.

Olgeta dispela samting i wok long kamap yet bikos dispela kain hait na stil pasin bihainim wantok sistem i no bilong nau tasol. Nogat. Em i stap long taim bipo yet, na nau em i kamap olsem wanpela kain pasin bilong yumi tasol.

Inspekta Damaru i gat gutpela as long singaut long ol marimeri insait long kantri long senisim pasin bilong ol. Em i wanpela rot we i ken halivim mipela long daunim dispela hevi bilong korapsen. Tasol em i rot we i stap long as bilong olgeta samting long laip.

Yumi ol manmeri i no inap luksave olsem samting yumi mekim i rong long wanem yumi ting olsem em i pasin kalsa. Tasol sapos yumi senisim dispela pasin bilong wantok sistem, bai ai bilong yumi i klia, pasin korapsen bai go daun, ol haus sik bai kisim moa marasin, ol skul bai gat inap mani long skulim ol lida bilong yumi bilong bihain taim, na gavman bilong yumi bai no inap dinau tumas long mekim wok bilong en.

Long wankain taim, sapos yumi senisim pasin, bai yumi no inap pret long kotim ol manmeri husat i save mekim dispela kain stil pasin.

Tingim, sapos yu lukim pasin korapsen i kamap insait long opis, ples o komyuniti bilong yu, noken haitim. Sapos wanpela man i stilim mani bilong yumi olgeta, yumi olgeta bai karim hevi.



# Bikpela maus bilong PAC

**WANEM Taim bai Palamen i givim pawa long Pablik Akauns Komiti (PAC) long holim na hangamapim husat i stil na paulim ol mani na ol samting bilong kantri?**

PAC i gat bikpela maus long mekim bikpela pairap tasol em i nogat tit bilong kaikaim olsem na planti bikmaus bilong em bai lus nating na ol wel dok bai ronawe go nating na kam bek gen long stil.

Pablik Akauns Komiti i bin kamautim tru asua na hevi bilong sampela bikpela gavman opis pinis long las yia tasol yumi no harim olsem wanpela bilong ol opisa we i asua long sainim pepa o man bilong tok yesa i kisim taim long han bilong lo. Olgeta i raun fri yet.

Nau yumi harim olsem PAC i digim tru rekot na fail bilong Lens Dipatmen na dispela em i mekim naispela musik tru long



ritim planti bikpela paul pasin long stilim o hait na kisim graun. Ol opisa bilong Lens (graun) yet i save brukim na tromoi ol fail na rekot i save lus. Em nau graun i go nating long han bilong sampela wel dok.

Em nau, wanem samting bai kamap long dispela?.

PAC bai pairap tasol long maus. Tasol em i no inap mekim wanpela samting long mekimsave long husat man o meri i asua.

Sapos PAC i painim gutpela as na rekot long asua bilong husat man o meri, moabeta em i ken givim dispela i go long han bilong Polis Frod Skwat long karimaut na holim ol long

pasin stil. Nogat em i mas givim i go long Ombudsmen Komisn long glasim na stretim na kotim ol long sas bilong brukim lo i banisim ol lida o Lidasip Traibunel.

Ating dispela rot i op pinis tasol wok bilong mekim i kamap tru tru i no strong yet. Nogat wanpela PAC rekot i go long polis o Ombudsmen Komisn long kotim na sasim sampela lain yet.

Olsem na husat bosman o bikman i go long bung bilong PAC na ol komiti i hatim ol, em ol bai lap tasol na kam ausait bihain long miting bikos nogat wanpela samting bai kamap. Niuspepa na redio tasol na pairapim tasol em wanpela de tasol na tumoro em baga ya bai raun kaikai buai na raun gut i stap. Em bai raun olsem wel dok gen na putim was na luk stil long sait i stap.

Ombudsmen Komisn nau i

komplen olsem gavman i no givim em inap mani long baset bilong 2006 na planti wok bilong em bai no inap ron strong na hariap. Olsem na sori tumas, yumi ken putim bilip long Ombudsmen Komisn long mekim samting stret tasol strong bilong ol i stap long han bilong gavman. Sapos em i laik lukim wok bilong PAC i karim kaikai orait Ombudsmen Komisn em rot bilong lukim dispela i kamap tru.

Ol lida i save tu olsem Ombudsmen Komisn i no inap mekim isi long ol tu sapos ol i asua. Olsem na ol i save toktok planti tu long kamapim was dok bilong putim ai long wok bilong Ombudsmen Komisn.

Tasol dispela i no kamap yet olsem na ating em i daunim strong bilong Ombudsmen Komisn wantaim mani bilong karimaut wok. Noken bilip long yumi yet.

# Baset bilong 2006 em i stretpela

BIHAIN long Papua Niugini i bin kisim namba wan Independens bilong em long yia 1975, fes praim minister Sir Michael Somare i bin sanapim kantri antap long wok bilong agrikalsa.

Namba wan wok em kokonas (kopra) namba tu em kopi, namba tri kakao, namba foa na bikpela em raba. Namba faiv em i nau i go bikpela na helpim kantri i stap em oil pam, kopi na ti. Orait wanpela samting nau i wok long kamap bikpela na givim les long ol manmeri long sanap strong na kirapim kantri na wok bilong agrikalsa i go bikpela em kopa na gol insait long graun.

Dispela kopa na gol na oil na ges em bai pinis sotpela taim na bihain kantri bai kisim bikpela hevi. Narapela samting tu i givim les long ol manmeri na daunim wok bilong agrikalsa em diwai bisnis. Dispela diwai bisnis tu bai pinis sampela taim bihain.

Taim PNG i no bin kisim independens yet, kopa bilong Bogenvil na gol bilong wau tasol i stap. Nau yumi mas lukluk bek long dispela. Taim Bogenvil kopa kamap nupela ol manmeri bilong Bogenvil i bin i



gat bikpela amamas tru i winim amamas bilong arapela provins. Na bikpela wok dispela kopa i bin mekim tu.

Taim kopa i bin kirap long Bogenvil, taunsip bilong Bogenvil i go bikpela. Hamaspela distrik i stap insait long Not Solomons i no olsem distrik em olsem wanpela taun tru. Amamas i bin pulap tru insait long 13pela yia bihain long Papua Niugini i bin kisim independens.

Tasol 13pela yia i lus na dispela amamas em lus hariap. Long 1975 i kam inap long 1988 Bogenvil i bin sindaun gut tru na amamas i pulap na stap. Tasol long namba 14 yia bihain long independens, Not Solomons i bin bungim bikpela hevi. Dispela hevi kantri i no bin bungim long taim bilong self gavman long yia 1973 kam long yia 1988. Dispela wok bilong kopa i bin kamapim gutpela sindaun bilong kantri. Not

Solomons provins ples bilong sindaun gut na amamas i bin kamap ples bilong biru.

Planti manmeri bilong Not Solomon i bin dai na sampela soldia bilong PNG i bin dai.

Wok bisnis bilong diwai i gutpela tasol i no gutpela tumas, dispela bisnis bai kamapim bikpela hevi tu long envaironmen bilong kantri na graun nau yu sindaun i stap long em.

Bisnis bilong kopi, ti, kopra, kakao na oil pam i no inap long kamapim bikpela bagarap insait long kantri na graun bilong yumi. Bilong dispela bisnis bai istap longpela taim long wanpela hap tasol. Na olgeta manmeri, pikinini bai kisim helpim na painim gutpela sindaun longpela taim.

Kopa, gol, wel na ges bai bagarapim graun, wara na bus bilong yumi na bai i gat kros pait na bringim sori na kra i kam long gutpela ples yu sindaun long em. Sapos yu laik sindaun gut longpela taim yu mas sapotim gavman bilong yumi na baset ol i bin plenim bilong yia i kam em i moa gutpela olsem na yu mas sapotim na strongim dispela baset 2006. Na kirapim moa wok bilong agrikalsa long wanwan

hap. Kopa, gol, wel na ges bai givim sik bilong skin les long ol manmeri na ol bai i no inap long kirapim wok bilong agrikalsa.

Na tu dispela kopa, gol, wel na ges bai bagarapim gutpela graun na gutpela sindaun bilong yu long bihain taim. Dispela samting insait long graun igat mak bilong en. Sampela bai i stap 5 na 10 pela yia tasol na pinis na graun bai i stap nating na nogat wok.

Dispela gol bilong Wau-Bulolo taim Australia kampani i bin digim insait long sampela yia bihain long Papua Niugini kisim self gavman na taim PNG i laik kisim independens dispela gol i pinis. Nau ol manmeri bilong Wau-Bulolo kisim taim. Long dispela taim yu i go raun na lukim Bulolo em olsem ston ples i nogat gutpela hap bilong wokim gaden. Bipo wok bilong gol i no kamap yet, graun arere long wara Bulolo em narakain tru. I gat bikpela bus na bikpela diwai tu i stap. Tasol nau bai yu lukim ol gras nogut na ston tasol nogat gutpela ples bilong wokim gaden. Dispela em i hevi graun i bin bungim.

# WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K140.00

US\$100.00

US\$80.00

US\$150.00

A/General Manager Elizabeth Konga

Editor Neville Choi

Published by Justin Hansu Kili, MBE of Section 58, Allotment 3, Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



# Intanesenel Enti-Korapsen De

## Korapsen em i wanpela bikpela hevi insait long PNG

**F**RAIDE namba 9 de bilong mun Desemba 2005 bai namba tu Yunaitet Nesens Anti-Korapsen De. Bihain long kamap bilong Yunaitet Nesens Anti Korapsen Konvensen long Meksiko long Desemba 2003, 106 kantri i bin sainim konvensen i kam inap long namel bilong 2004 na PNG em i bin wanpela long ol dispela kantri. Tasol PNG i no kisim tok orait na luksave bilong Palamen long dispela konvensen.

Dispela konvensen i kisim pinis tripela ten (30) luksave bilong kirapim wok bilong en, tasol luksave i kam long Pasifik rijen i wok long isi isi yet.

Dispela de em ol i makim bilong wol long lukluk long ol hevi bilong korapsen na skelim bagarap em i save kamapim long ol manmeri. Las yia PNG i bin makim dispela de wantaim wanpela semina o kibung, ol rot tieta na TV wantaim ol piksa posta na ol singlis.

Dispela yia mipela i makim dispela de wantaim bikpela wok bung long ol yut o yangpela manmeri long traim save bilong ol long ol resis long raitim stori na droim piksa bilong wanpela posta.

Bai gat wanpela woksop tu we praim minista bai sindaun long en wantaim ol arapela bikmanmeri insait long kantri.

Taim em i toktok long givim luksave long konvensen, Seketeri Jenerel Kofi Annan i tok, "Korapsen i save bagarapim ol lain turangu taim em i save paulim mani bilong developmen na daunim strong bilong gavman long givim ol besik sevises, em i save bagarapim sanap bilong ol manmeri na i save daunim strong na laik bilong ol wok bisnis na helpim mani i kam long ausait."

Konvensen i save strongim banis agensim korapsen na wanpela sapta insait long dispela konvensen i toktok long dispela wanpela samting.

Ol hap we i lukluk long sanapim bilong anti korapsen opis na transparensi o wok kliia ilong sait bilong givim mani bilong ol iieksen kempen na ol politikel pati.

Em i save lukluk tu long i mas i gat polisi long bilong kisim na yusim samting long wanem olgeta wok i mas kliia bai gavman i ken luksave olsem ol i wok long kisim gutpela wok long mani ol i givim.

TI PNG i wok long traim yet long kisim Sentrel Sapfai na Tendas Bot long yusim integriti pakt o tok promis olsem hap bilong wok tenda bilong ol.

Sapos ol i mekim olsem, bai olgeta bisnis o manmeri i tenda o husat lain i wok long kontrak bai sainim dispela tok promis olsem hap bilong wok tenda.

Dispela tok promis nau i banisim olgeta yet long painim o kisim ol gris mani na i ken daunim na rausim kontrak tu sapos i kamap



Man husat i bin go pas long kirapim TI PNG, Sir Anthony Siaguru.

kliia long bihain taim olsem i bin i OECD konvensen na ol gat pasin korapsen insait long kontrak. ADB/OECD konvensen we i putim tambu long ol kampani long resis

**"Korapsen i save bagarapim PNG long kain kain rot tasol namba wan bikpela rot i save kamapim hevi em taim ol liklik risos bilong mipela em ol i no save yusim gut".**

Konvensen i makim tu olsem ol kantri i mas sanapim ol lo bilong ol stilman we i mas karamapim tu pasin korapsen olsem gris mani na stilim mani na tu yusim stil mani o pasim rot bilong givim mekimsave long ol man nogut.

Ol kantri i wanbel long wokbung namel long ol yet long painim, stopim na kisim bek olgeta mani i kamap long pasin korapsen. I no long taim i go pinis, PNG i bin kamapim wanpela lo bilong kisim bek olgeta mani ol i mekim long stil pasin na dispela bai karim kaikai bilong olgeta dispela as tingting insait long konvensen.

Konvensen i luksave tu long kisim bek ol asset o samting olsem em i wanpela bikpela wok.

Planti lida husat i mekim pasin korapsen i save salim stil mani bilong ol i go ovasis na sampela, olsem bipo Presiden Suharto bilong Indonesia (\$US 15-35 bilien) na Marcos bilong kantri Filipins (\$US 5-10 bilien) husat i bin salim planti bilien US dola we i no bin go long kamapim developmen insait long ol kantri bilong ol.

I kam inap tude, Gavman bilong Filipins i wok long traim long kisim bek hap mani Marcos i bin stilim.

UN konvensen i gat sapot i kam long ol arapela konvensen olsem



Korapsen katun bilong Wantok Niuspepa isu 1577 i soim wanpela bilong kainkain korap pasin we i save kamap.

Intanesenel presa o tok strong i wok long go bikpela moa long daunim pasin korapsen na PNG i mas sapotim olgeta dispela wok.

Korapsen i save bagarapim PNG long kain kain rot tasol namba wan bikpela rot i save kamapim hevi em taim ol liklik risos bilong mipela em ol i no save yusim gut.

Las wik mipela i lukim stori bilong ol kampani husat i kisim ol bikpela hap mani i kam long ol gavman ejensi na ol i no save mekim wanpela bikpela wok.

Em nau mipela i mas tok olsem ol dispela kampani em ol i kisim planti milien kina na ol i no mekim wanpela wok. Dispela mani em ol i ken yusim long baim marasin bilong ol et pos o buk bilong ol skul

Olgeta wan wan Papua Niugini manmeri i mas luksave olsem olgeta peimen o mani ol i kisim hait

na i go long wanpela man o meri o wanpela liklik grup, em i mani we i no moa go long givim sevis long ol.

Sapos wantok bilong yu husat i kisim dispela mani, em i wok long stilim long han bilong ol arapela Papua Niugini manmeri.

Sapos wantok bilong yu i kisim wanpela nupela 4 wil draiv kar wantaim bilakpela windua, askim em long wanem hap tru em i kisim mani long baim dispela kar.

Tasol sapos yumi olgeta i strongim tingting long daunim korapsen, em nau bai wok i go het na dispela bai givim moa hevi long ol wantok bilong yu husat, em yu save ol i nogat inap moni.

Mike Manning  
Siaman - TI PNG.

long kisim wok insait long ol developing kantri.



Ol kod memba na wokmanmeri bilong TI PNG i bung long wanpela woksap.


## Michael J. Manning

Michael Manning i bin holim wok olsem Dairekta bilong Papua Niugini Institut bilong Nesanel Afes, wanpela praivet risets institut we het opis bilong ol i stap long Pot Mosbi. Bipo long em i kisim dispela wok, em i bin Eksekutiv Dairekta bilong PNG Growas Asosiesen na em i bin gat agrikalsa konsaltensi bisnis. Em i gat Basela bilong Ikonomiks digri i kam long Australia Nesanel Yunivesiti. I no long taim i go pinis, em i bin lusim INA long wok olsem wanpela praivet konsalten long Kokopo, Is Nu Briten.



## Ian Tarutia MBE

Ian Tarutia em i Sief Opereting Opisa bilong NASFUND Superneusen Fan bilong ol praivet sekta wok manmeri we em i wok inap moa long 18 krismas. Em i wok olsem Siaman bilong NASFUND Kontributas Sevings na Lon Sosaiti na olsem Dairekta long Bod bilong Ramu Sugar Ltd, Amalpack Ltd, TI PNG na PNG Institut bilong ol Dairekta. Em i bin mekim wok wantaim Australia Institut bilong ol Kampani Dairekta olsem wanpela Felo na Australia Institut ov Sekyuritis Fainens na Benking.



## Mel Togolo

Mel Togolo em i wanpela faundesen bod memba bilong TI PNG. Em i wanpela greduet bilong Yunivesiti bilong Papua Niugini, Yunivesiti bilong Leeds (UK) na Yunivesiti bilong Hawaii (USA). Em i wok olsem Jenerel Menesa, Koporet Afes bilong Placer Dome, wanpela long ol bikpela gol maining kampani long wol.




## Profesa John Nonggorr

Profesa John Nonggorr em i wanpela faundesen bod memba bilong TI PNG. Em i wanpela greduet bilong Yunivesiti bilong Sidni, Australia, Post Graduet Liget Trening Institut, PNG, yunivesiti ov London (UK), na Yunivesiti bilong PNG. Em i bin wok long PNG, Australia, Indonesia, Vanuatu, Solomon Ailans na Fiji.



## Leon Buskens

Leon Buskens em i Menesing Dairekta bilong Pablik Opisas Superneusen Fan (POSF). Em i wanpela greduet bilong Yunivesiti bilong Teknoloji, PNG we em i kisim Basela ov Komes. Em i bin pinisim wanpela Mastas Digri long Fainens long Royal Melbon Institut bilong Teknoloji. Mista Buskens em i namba wan man we ol i makim em long strong na save bilong em long wok olsem POSF menesing dairekta, aninit long superneusen rifom model.



# TIPNG, ol pipel i mekim, bilong ol pipel

**T** R A N S P A R E N S I Intanesenel Papua Niugini (TIPNG) i bin kamap long 1997. Dispela grup i kamap taim bipo lida man leit Sir Anthony Siaguru na sampela manmeri husat i gat wankain tingting i luksave olsem pasin bilong tok tru i mas stap strong insait long komyuniti na kantri.

TIPNG em i wanpela han bilong Transparensi Intanesenel (TI). Dispela em i wanpela Non Gavman Ogenaisesen grup we i stap namei long ol pipel na gavman na ol lidaman o politisen i no inap long bosim. Dispela ogenaisesen i stap long pait agensim korapsen long wol na insait long kantri yet.

I bin i gat bikpela luksave i kam long ol pipel, taim TI i bin kamap long 1993.

As tingting bilong TI em long makim ol pipel na wok bung wantaim ol opis na bisnis long senisim ol sistem o rot bilong mekim wok insait long kantri we i no inap long kamapim gutpela sindaun.

Wok bilong TI i no bilong karim ol asua manmeri i go long kot.

Nau TI i gat etpela ten faiv 85 han long olgeta hap bilong wol.

Taim em i stat, TIPNG i surukim han bilong em long mekim wok awenes long mekim ol manmeri i luksave long hevi bilong pasin korapsen.

Long stopim korapsen, i mas i gat luksave bilong komyuniti na wanpela komiti i bin kamap. Dispela komiti bilong TIPNG i makim kain kain manmeri insait long komyuniti.

Nambawan bikpela wok TIPNG i bin mekim em long kamapim Nesanel Integriti Plen we i lukluk long ol rot bilong pait egensim korapsen long ol kain kain level bilong komyuniti.

Long luksave long ol dispela nid long karim ol man i asua i go long kot, TIPNG i wokim wanpela nupela lo long kamapim wanpela Indipenden Komisin

Agensim Korapsen we Palamen i bin lukluk long en pinis.

Tasol Gavman i no bin givim luksave long dispela lo, na i kam inap nau, TIPNG i wok hat long pait strong yet long kisim luksave bilong gavman.

TIPNG i kamap wantaim wanpela kos o wok trening we ol tisa inap long skulim ol sumatin bilong ol long hevi na ol samting nogut bilong pasin korapsen. Ol i bilip olsem taim ol pikinini bilong yumi i lainim long nogut bilong pasin korapsen long taim ol i yangpela yet, kantri bilong yumi bai fri long korapsen long taim bihain.

TIPNG i save wok wantaim Yut Agensim Korapsen Asosiesen (YACA) long helpim ol yangpela manmeri long tokaut agensim korapsen na helpim developmen bilong kantri. (Moa stori long YACA i stap long PES 3)

Ausait long pablik na insait long wok bilong em yet, TIPNG i bin go pas long autim stori bilong Integriti bilong ol Politikel Pati na Kendidet Ekt. Dispela em i wanpela lo we i lukautim ol politikel pati na i stopim ol politisen long kalap i go kam long flua bilong Palamen na bagarapim sindaun bilong gavman.

Dispela kain meknais olgeta taim i wok hat tru long lukautim kantri, em i save raunim wok bisnis na i save daunim wok developmen.

Dispela lo i strongim tu ol meri long sanap long ileksen.

Rot i go long kisim ol pablik toksave em i rait bilong olgeta wan manmeri bilong Papua Niugini na dispela rot i mas stap klia sapos ol politisen o memba na ol pablik seven i mas mekim gut wok bilong ol ples klia. Tasol maski em i stap insait long Mama Lo bilong kantri, nau yet i nogat lo i stap we i strongim dispela lo. TIPNG i wok long wok strong long kamapim dispela kain lo yet.

Bipo rot bilong vot, em fes pas the pos vot sistem i no bin makim gut ol pipel na planti taim ol MP i save win wantaim 10 pesen o aninit long 10 pesen bilong ol bikpela vot. TIPNG i wok long wok strong bilong senis i go long Limitet Preferensel Vot (LPV) sistem we kendidet husat i win i kisim luksave na vot bilong bikpela namba pipel.

TI PNG i bin wok tu long Nesanel Providen Fan Skoabot we i bin kamap insait long niuspepa na ol pipel i bin save long wok i go het long holim ol lain husat i bin stap insait long wanpela bikpela stil pasin wantaim NPF. I gat plen i stap long kirapim bek dispela samting.

Ilekotrel Rifom na Awenes Projek bilong TIPNG 2006 - 2007 em bilong givim helpim bai 2007 ileksen i ron gut bihainim pasin bilong demokrasi.

Bikpela kempen bilong TI PNG we ol i mekim wantaim Komyuniti Kolisin Agensim Korapsen (CCAC) em long agensim tupela bil o pepa bilong kamap lo we tupela memba bilong Palamen i bin kamapim.


Rausim bilong dispela tupela bil i soim tru strong bilong wok bung wantaim na pawa bilong pipel. Ol pipel i save wanem samting em i rong, na ol i redi long mekim samting i stret. (Moa stori long CCAC i stap long PES 3)

Dispela kain pasin bilong agensim pasin korapsen em i pasin we TI PNG i laik strongim. TI PNG i no inap mekim dispela wok ol yet. Ol i nidim yu tu.

Olsem na moto o as tingting bilong TI PNG, we i kam long toktok bilong Airis pilosopa na stetsman, Edmund Burke wem i tok, "Wanpela samting bilong pasin nogut long win em sapos ol gutpela manmeri i no mekim wanpela samting."

## Pater John Glynn

Pater John Glynn em wanpela Katolik Pater. Em i bin kam long PNG olsem wanpela tisa long 1963. Em i bin go bek long Australia bilong skul long 1975 na em i bin kamap pater long 1980. Em i kisim PNG sitisensip long 1989 na em i wok pater na tisa i kam inap nau. Em i bin stap long taim tru long Nu Ailan, Manus, na em i kam stap long Mosbi long 2001 i kam inap nau. Pater John em i patron o papa bilong Yut Agensim Korapsen Asosiesen.



## Paul Nindipa

Paul Nindipa em i wanpela Basela ov Komes greduet bilong Yunivesiti bilong Otago, Nu Silan. Em i wanpela Asosiet Memba bilong PNG Institut ov Akautens (PNGIA). Mista Nindipa em i vais presiden na tresera bilong Badili Klab bilong PNG, na em i wanpela memba bilong PNG Australia Frensip Asosiesen.



## Richard Kassman

Richard em i wanpela eksekutiv menesa wantaim bikpela save em i kisim long 28 krismas taim em i wok long insurens na ris menesmen industri wantaim turisim na hospitaliti. Em i gan nem olsem wanpela Sinia Asosiet, Australian New Zealand Institut bilong Insurens na Fainens (ANZIF) na em i bin go sindaun long ol speselis insurens na ris menesmen kos insait long PNG, Australia na London.




## Kible Bonga

Kible Bonga em i Menesa-Bisnis Developmen-bilong Mineral Risos Developmen Kampani. Em i wanpela memba bilong Badili Klab bilong PNG, memba bilong Wol Futures Studies Federation, Pemenen memba bilong Pakistan Futures Studies Federesen, na memba bilong American Planners Association.



## Mick McWalter

Mick McWalter em i wanpela Petroleum Etvaisa wantaim Indipenden Stet ov Papua Niugini we i save kisim mani long Wol Beng. Em i wok olsem Dairekta, Circum-Pacific Kaunsil bilong Eneji na Mineral Risoses, Seketeri, Esia Pasifik Rijen, American Association of Petroleum Geologists Bod Memba, PNG Seksen na wanpela memba bilong Sosaiti bilong Petroleum Enjinias.



## Raymond Chow

Wok bilong Raymond Chow i bin stat long taim yet wantaim Bod ov Gavanas, Ela Murray Intanesenel Skul, CPA, Australia na ISACA.

## Vincent Bull

Vincent Bull em i wanpela patna bilong lo kampani Allens Arthur Robinson. Em i gat nem wantaim Securities Institut ov Australia Lo Sosaiti bilong PNG na Bisnis Kaunsil bilong PNG.

## Peter Allen

Peter Allen em i wanpela bosman bilong Melanesian Hair & Beauty Supplies Ltd.

## Anna Kerepia

Anna Kerepia i bin sindaun long Bod, NVS Board, Komyuniti Developmen Skim Etvaisari Komiti na Bod, YWCA Pot Mosbi.

## Peter Aitsi

Wanpela midia menesa wantaim 11 krismas save long wok menesa bilong tupela nesanel radio sevis. Em i lukautim wanpela iwen menesmen kampani na em i save lukautim 56 wok manmeri. Em i save sapotim planti nesanel na komyuniti-ivens.

## Ol yangpela manmeri pait long kamapim gutpela PNG

**L**ONG makim maus bilong ol yangpela manmeri long Papua Niugini, Yut Agensim Korapsen Asosiesen (YACA) i singautim olgeta manmeri bilong kantri long kam bung wantaim long pait agensim pasin korapsen.

YACA i bilip long strongpela tingting bilong gutpela pasin olsem narapela rot bilong daunim ol pasin bilong korapsen, stil pasin na pasin pait.

Olgeta manmeri bilong PNG, maski long krismas bilong ol, i gat rait long toktok agensim korapsen na rait bilong mekim toktok.

YACA i sanap long strongim tingting namel long ol yangpela long givim tingting long groa na developmen bilong PNG.

YACA i bin kamap taim ol i bin lukim olsem i gat nid bilong ol yangpela manmeri long wok bung na kamapim wanpela rot bilong stretim dispela hevi bilong korapsen insait long Papua Niugini.

Nau bihain long tripela krismas i lus, i gat moa long 200 memba husat i gat wanpela tingting tasol long rausim raskol pasin, pasin pait na pasin korapsen, na soim stretpela pasin insait long komyniti bilong ol na kamap ol lida bilong jeneresen o wanlain bilong ol.

Ernest Butinga, wanpela Pot Mosbi sumatin i gat 18 krismas em i wanpela memba bilong YACA na klostu taim em bai inap vot. Em i bilip olsem taim i kamap pinis long rausim pasin korapsen insait long PNG.

"Em i save daunim stret tingting taim yu save olsem ol biknem lida i wok long mekim pasin korapsen tasol ol i no holim ol. Tasol long sait bilong bihain taim bilong jeneresen o wanlain bilong mipela, mi yet bai mi pait agensim korapsen tude," Ernest i tok.

Wanpela arapela memba bilong YACA i bin toktok long toksave bilong Intanesenel Anti Korapsen De: "Papua Niugini, olsem planti arapela kantri insait long wol tude, i karim bikpela hevi bilong korapsen na yusim pawa long mekim pasin nogut.

"Olsem na, ol gutpela manmeri bilong dispela kantri i wok long painim hat tru long mekim mani bilong ol yet. Long dispela as tasol na Yut Agensim Korapsen Asosiesen i singaut long jenerel pablik, na moa yet long ol yangpela manmeri bilong dispela kantri long mekim tok promis long ol yet na sanap agensim olgeta kain korapsen.

Nau yet dispela i no olsem wanpela bikpela samting, tasol pasin



Antap ol memba bilong YACA i putim ol posta na ol liklik pepa we soim we ol tu i mas pait agensim korapsen. Pasin korapsen i ken bagarapim sindaun bilong ol long bihain taim.

korapsen i ken bagarapim komyniti bilong yumi na larim mipela wantaim bihain taim we i bagarap olgeta."

Long kisim moa stori long YACA, na rot we yu tu i ken givim helpim bilong yu, ringim Pater John Glynn long telepon namba 323 5667.

### CCAC, wok bung wantaim na kamapim senis

Komyniti Kolisin Agensim Korapsen (CCAC), i wanpela sivil sosaiti ogenaesen we Transparensi Intanesenel PNG (TI PNG), Midia Kaunsel bilong PNG, Ombudsmen Komisn, Opis bilong Pablik Prosekyuta, PNG Semba bilong Komes na Indastri, na ol sios i bin wok bung wantaim long kirapim.

CCAC i save lukluk long bungim ol manmeri na wok bung wantaim ol long stopim korapsen, na long helpim kamapim ol gutpela pasin bilong lidasip. CCAC i lukim olsem i mas i gat gutpela lidasip long helpim kantri i develop gut.

TI PNG i save wok bung wantaim CCAC long stopim korapsen long kainkain we. Wanpela bilong ol em long yusim midia, o ol niuspepa, radio, televisen, long kamautim ples kliia ol kainkain korap pasin we i wok long kamap long hait, na long ai bilong ol manmeri tu, tasol ol manmeri i pret long tokaut long en.

CCAC i bin yusim gut tru dispela we long stopim korapsen long wanpela kempen em i bin holim ol i kolim "Woa Agens Korapsen". Dispela i bin kamap long taim bipo long 2002 nesanel ilekseñ, we CCAC i bin toksave long ol manmeri long ol rait bilong ol long vot, na skulim ol long ol kain pasin ol i mas lukluk long en insait long ol lida.

Kempen we CCAC i bin kamapim i no longtaim i go pinis we ol i sanap agensim tupela bil o senis long lo we Memba bilong Lagaip-Porgera, Kappa Yarka, na Memba bilong Nuku, Andrew Kumbakor, i bin laik kamapim, na i bin stopim dispela long kamap, i soim olsem sapos ol manmeri i pasim tingting, save wanem i stret, na wanem i no stret, na wok bung wantaim, ol gutpela senis i ken kamap.

**TI PNG na Wantok Niuspepa i tok tenk yu tru long ol dispela sponsa long helpim mipela long prinim dispela Intanesenel Enti-Korapsen De Saplimen.**



TELIKOM PNG LIMITED

POSF



Logo of a company



JOHNSTON'S PHARMACIES LTD



# Intanesenel Enti-Korapsen De Wanem em Intanesenel Enti-Korapsen De?

- Intanesenel Enti-Korapsen De i bin kamap bihain long Transparensi Intanesenel (TI) i bin kempen strong long wol long kamapim wanpela de long luksave ol wok ol manmeri na o ogenaiesen i wok long mekim agensim korapsen.
- Decemba 9 i makim de we UN Konvensen bilong Agensim Korapsen (UNCAC) i bin op namba wan taim long kantri long sainim.
- UNCAC is wanpela bikipela samting we i kamap long ol wok we wol i wok long mekim long pait agensim korapsen, na i givim gutpela sans long toksave long ol manmeri long korapsen na ol hevi bilong en, na strongim tingting bilong ol long helpim long stopim korapsen.
- Long Desemba 9 ol nesenele sapta bilong TI long olgeta kontinent bilong wol bai luksave long ol gutpela wok we i wok long kamap long pait agensim korapsen, na luksave tu long ol salens we i stap yet. Wanpela bikipela samting ol nesenele sapta i laik mekim, em long tok strong long ol gavman long sainim na ratifaim o mekim UNCAC i kamap wanpela konvensen we i gavman na ol pipel long PNG i ken luksave long en na i ken bihainim.
- UNCAC i namba wan enti-korapsen konvensen we i karamapim wol. Em i wanpela gutpela na strongpela konvensen we i ken helpim long stopim na pait agensim korapsen. Konvensen i askim ol kantri we i sainim ratifaim long ol kantri bilong ol long kamapim na bihainim ol rot we bai helpim long daunim korapsen we i wok long bagarapim ol lo, institusen na wok bilong ol. Dispela ol rot bai strongim wok bung wantaim namel long ol kantri tu.
- Papua Niugini i no wanpela bilong ol 30-pela gavman we ratifaim UNCAC.
- Ol gavman husat i mekim kamap lo pinis UNCAC em;
- 15-pela kantri bilong Afrika, olsem Algeria, Ijip, Kenya, Nigeria na Saut Afrika
- 7-pela kanti bilong Amerikas, olsem Brasil, El Salvador na Meksiko
- 1-pela kantri bilong Asia Pasifik, Sri Lanka
- 6-pela kantri bilong Yurop na Sentral Asia, olsem Kroasia, Frans na Hungari
- 1-pela kantri bilong Midel Is, Jordan
- Moa long 130 gavman long wol, wantaim tu PNG, i sainim pinis UNCAC, tasol i no ratifaim. Olsem na, nau yet dispela konvensen i nogat luksave na strong long ol dispela kantri.
- Long Desemba 15, 2005, 30 kantri i bin ratifaim dispela konvensen, na givim luksave na strong long dispela konvensen long intanesenel lo.

## Strongim ol nesenele integriti sistem

Ol nesenele sapta bilong Transparensi Intanesenel (TI) i save wok wantaim ol kolisin long strongim integriti sistem bilong ol kantri. Integriti sistem em wanpela tingting TI i bin kirapim.

Nesenele Integriti Sistem em olgeta ol dispela institusen na wok long wanpela kantri we i save lukluk long strongim stretpela pasin, na daunim ol pasin i no stret, olsem stilim mani, long gavman na praiwet sekta.


As tingting bihain long integriti sistem em olsem olgeta dispela wanwan pos (ol institusen na wok we i save lukluk long strongim stretpela pasin) i mas sanap strong.

Sapos dispela i kamap, pos bilong eksekutiv o Palamen, lejisletsa o gavman, judisari o pos bilong lo, na ol pos bilong praiwet sekta na midia o niuslain na ol sivil sosaiti ogenaiesen i wok gut na sanap strong, orait antap bilong haus, nesenele integriti sistem bai stap strong tu, na bai i

gat gutpela developmen we bai stap long-taim, gutpela lo na oda, na gutpela laip.

Long strongim integriti sistem, ol nesenele sapta bilong TI i save wok long kamapim o strongim;

- Transparensi na akauntabiliti long ol disisen gavman i mekim
- Strongpela odita jenerel na ombudsman
- Fri midia na rait na rot long kisim opisal infomesen
- Bisnis sekta husat i save mekim wok long ol rot we i stret, na i save tingim ol manmeri
- Judisari o han bilong lo, olsem Opis bilong Pablik Prosekjuta, o ol jas husat
- I save wok na mekim ol disisen we ol i mas mekim ol yet, na i no bihainim o surik long toktok bilong ol narapela man
- Lejisletsa husat i gat pawa long mekim-save long ol pablik opisel taim ol i mekim ol korap pasin.



## Kamapim na strongim ol kolisin em nambawan rot mipela save pait agensim korapsen

TAIM yu kisim taim long skelim, yu bai lukim olsem sapos yumi lusim pait agensim korapsen long Ombudsman Komisin, Transparensi Intanesenel Papua Niugini (TI PNG), o polis tasol long go pas long en, bai nogat gutpela senis kamap.

Ombudsman Komisin i wok long mekim wok painimaut i go insait long planti narapela kot bilong ol paul pasin, na sampela ol wok long pait agensim korapsen ol i no inap mekim. TI PNG i gat foapela wok-manmeri tasol na wanpela liklik opis long Mosbi. Ol narapela pablik opis husat i save karimaut dispela kain wok, olsem polis, i gat ol hevi bilong ol yet tu.

Pait agensim korapsen i no inap strong sapos yu lusim long han bilong ol dispela opis tasol long siti. Pait agensim korapsen i mas kamap insait long ol olgeta opis, olgeta skul, olgeta ples, olgeta haus, na insait het na tingting



**STRONGIM WOK BUNG:** Wok bung i mas stap long strongim pait agensim pasin korapsen. Foto: WANTOK NIUSPEPA  
bilong olgeta manmeri bilong PNG. Dispela em we tingting bilong

kamapim Kolisin Agensim Korapsen i bin kam long en.

TI PNG i gat driman long karim toksave bilong mipela olsem korapsen i no gutpela, na i save bagarapim sindaun ol manmeri na kantri, i go long olgeta hap bilong PNG. Mipela i laik strongim dispela Kolisin Agensim Korapsen long helpim kamapim dispela. Mipela i laik kirapim ol kolisin bilong mipela olsem: Yut Agensim Korapsen Asosiesen (YACA), Komyuniti Kolisin Agensim Korapsen (CCAC), na kamapim ol sab-sapta, o ol narapela opis bilong TI PNG long ol taun na siti long ol rijen bilong PNG, long helpim mipela long dispela pait agensim korapsen. Nau yet, mipela i wok long kamapim wanpela sab-sapta long Lae, Morobe provins.

Kirapim bilong dispela Morobe sab-sapta i wanpela samting we mipela i amamas tru long en long dispela yia. Dispela sab-sapta, em

ol bai kolim, Transparensi Intanesenel Morobe, na ol bai kirapim stret tumoro long Lae. Em bai mekim olgeta wok TI PNG i save mekim, tasol long mak bilong provins. Transparensi Intanesenel Morobe bai kamapim awenes long korapsen na we em i save bagarapim sindaun bilong ol manmeri na kantri, wok wantaim gavman long strongim moa toktok na akauntabiliti namel long ol manmeri na stet.

CCAC i bin kirap long 2002, na Midia Kaunsil bilong PNG na TI PNG i save go pas long wok bilong en. Em i wanpela grup bilong ol komyuniti lida long pablik, praiwet na sivil sekta, husat i save bung wantaim taim long toktok na kirapim awenes long ol samting i kamap we ol i no pilim i stret, o long kamapim ol senis.

I no long taim i go pinis ol i bin wok bung wantaim long stopim ol tupela bil bilong tupela memba

bilong Palamen, we ol i bilip i bai bagarapim tru demokrasi bilong yangpela kantri bilong yumi. Las bung bilong CCAC i bin long Novemba, na ol i bin wanbel olsem narapela bikipela samting ol bai lukluk long en nau long pait agensim korapsen, em 2007 nesenele ileksens. CCAC i bin tok olsem ol bai wok wantaim PNG Iektorel Komisin long lukim ol ileksen i kamap gut. CCAC i laik strongim tingting bilong ol merit tu long stap long Palamen na gavman.

Long Intanesenel Enti-Korapsen De, olgeta manmeri long PNG i mas askim ol yet, "Taim mi bin lukim olsem wanpela samting i bin rong, mi bin sanap long wanem em i stret o nogat?" Taim mipela i sanap mipela yet, mipela i nogat strong. Tasol taim mipela i sanap wantaim, mipela i gat strong long senisim wol.

**Hepi Intanesenel Enti-Korapsen De PNG**

# Pasin korapsen

Stephanie Gimo na Salome Vincent i raitim

**OLGETA** taim mipela i save harim dispela hap tok 'Korapsen'. Ol polis i save toktok strong tru agensim dispela kain pasin. Ol sios i no save wanbel long dispela pasin, na ol pipel yet i save karim hevi bilong dispela kain pasin.

**Tasol em i wanem samting tru?**

Long makim Anti Korapsen De we i kamap long dispela wik, Wantok Niuspepa i laik tok klia long dispela pasin korapsen na stiaim of manmeri long ol ples we ol i ken go na givim ripot long ol stil pasin na pasin korapsen ol i lukim long ai bilong ol yet.

**Korapsen em i wanem samting stret?**

Korapsen em pasin bilong stil na mekim samting we i no bihainim mama lo bilong kantri.

**Korapsen em i gutpela o nogat?**

Korapsen i no gutpela, bilong wanem em i save bagarapim sindaun bilong kantri, na sindaun bilong ol pipel.

**Na dispela moni ol i save stilim long pasin korapsen em wanem kain moni?**

Dispela ol moni we ol i stilim, em bilong kamapim ol gutpela samting olsem rot, stretim ol opis, kamapim ol bris na ol arapela samting we i ken helpim developmen bilong kantri. Taim ol i kisim dispela ol moni bai yumi lukim olsem i nogat gutpela developmen i kamap long ples bilong yumi na insait long kantri.

**Bai yumi luksave long pasin korapsen olsem wanem?**

Sapos yu lukim sampela samting we i wok long kamap, na i no stret long ai bilong yu, yu mas ripotim. Taim yu lukim olsem wanpela man o meri husat i no save gat inap moni i kisim bikpela hap moni kwiktaim tru, yu mas askim yu yet - dispela kain manmeri i kisim dispela kain moni we?

Sapos yu lukim olsem bos bilong yu i kisim planti ol wantok bilong em i kam wok long opis na pasim rot bilong ol arapela long wok, askim yu yet bilong wanem stret na bos i kisim wantok bilong em i kam wok long wok we yu o ara-

pela inap long mekim?

Dispela i no save kamap insait long ol opis tasol. Em i save kamap long ples tu. Taim ol arapela manmeri go insait long ol ples bilong mipela na lukim ol samting we ol i laikim ol i save yusim moni bilong ol long kisim dispela ol samting.

Sapos wanpela i givim moni long han bilong ol bikman insait long ples long kisim graun bilong yupela long kirapim wanpela kain bisnis, askim yu yet, long wanem rot tru bai dispela bisnis ol i mekim bai helpim olgeta manmeri insait long dispela ples?

Tingim olsem yu stap long ples na dispela wok bilong kisim moni nating long ol manmeri we i givim moni long baim graun bilong yu long katim ol diwai bilong yupela, dispela i no gutpela, bihain ol pikinini bilong yupela i kamap wantaim ol tumbuna bilong yu, ol bai sindaun long wanem graun stret? Bilong wanem yu salim pinis graun bilong yu long ol arapela lain.

**Mi ken mekim wanem samting?**

Sapos yu lukim dispela ol samting i kamap na i no stret, go na tokaut long em, ol wok manmeri bilong Anti-Korapsen na Frot Skwat na ol wok manmeri bilong ol arapela anti-korapsen ejensi bai no nap kisim nem bilong yu o tokaut long husat i bin ripot.

**Wanem bai kamap long dispela ol man taim mi ripotim ol?**

Dispela ol man yu ripotim, bai ol anti-korapsen na frot skwat i lukluk go insait long ripot bilong yu na sapos ol i painimaut olsem ol i mekim rong, bai ol i sasim ol.

Tasol yu mas tingim tu olsem, sapos ol man yu ripotim i bin givim yu sampela moni na yu kisim, dispela nau i soim olsem yu tu yu rong pinis.

**Olsem wanem na mi tu mi rong?**

Em i tru olsem yu no bin stilim dispela ol moni, tasol sapos ol i bin putim sampela moni long han bilong yu, yu bin kisim o nogat?

Sapos yu bin kisim moni ol i putim long han bilong yu, em yu tu nau i stap long rong bilong wanem yu kisim moni we i no bilong yu. Long

dispela sait, noken tru kisim moni we ol i stilim bilong wanem rong bai stap long yu tu.

**Bai mi go we long putim ripot bilong me?**

Yu ken go long opis bilong Anti-Korapsen na Frot

Skwat, we bai ol i ken lukluk moa long ripot bilong yu.

Nogat yu ken putim ripot bilong yu i go tu long ol arapela egensi husat i kam wantaim long pait e g e n s i m korupsen na frot insait long kantri.

**TINGIM SAPOS YU LUKIM SAMTING I NO STRET LONG AI BILONG YU, TOK AUT NA STOPIK KORAPSEN!!!**

Yu ken ripotim frot o pasin bilong giaman na korapsen o pasin bilong stil long ol dispela lain:

**Nesanel Anti-Korapsen na Frot Skwat Ombudsmen Komisen**


Free Mailbag, Konedobu, NCD  
P.O. Box 1831, Port Moresby  
Telepon: 321 1692 / Telepon: 308 260  
Feks: 321 1695 / Feks: 320 3267

**Atoni Jenerel Odita Jenerel**  
P.O. Box 591, Waigani  
P.O. Box 422, Waigani  
Telepon: 323 0138 / Telepon: 301 2200  
Feks: 323 0241 / Feks: 325 2872

**Pablik Akaunts Komiti, Nesanel Palamen Trensparensi Intanesenel PNG**  
P.O. Box Nesanel Palamen  
P.O. Box 591, Port Moresby, NCD  
Waigani  
Telepon: 320 2189 / Telepon: 327 7689  
Feks: 320 2189 / Feks: 327 7474

**BSP**

**HOUSING LOANS**



**Bank South Pacific's new low, low interest rates offer Papua New Guinea**

**truly affordable home loans**

**7.75%**  
**INTEREST PER ANNUM**

**REPAYABLE OVER 25 YEARS\***

**ONLY A NATIONALLY OWNED BANK LIKE BSP UNDERSTANDS PNG BANKING NEEDS**

**Bank South Pacific**

**bsp.com.pg**

Ask us how to include and finance your rates, land tax and insurance in one easy monthly payment.

Just imagine - no worries about any of these financial responsibilities - for the term of your loan.

**We're ready to help:**

For fast Home Loan answers, just phone our Personal Lending Call Centre on

**180 12 12**

Our friendly staff will discuss the options available to you and explain our requirements in more detail.

\*Conditions Apply

# Pinisim wanpela hap bilong laip...

YUMI kamap nau long taim bilong yia we skul bai pinis na ol tisa na sumatin i malolo. Olsem na insait long las tupela wik, ol skul insait long kantri i wokim ol greduesen bilong ol. Long dispela taim tu, yumi save lukim hatwok bilong ol sumatin i karim kaikai na mekim ol papamama na gadi-en i amamas taim sampela i kisim awod long wokim gut tru na kisim ol top mak.



**OL DAKS:** Putim olgeta tingting na skul gut na lukim kaikai bilong em olsem Gret 9 Daks- Roa Vele, Gret 10 Daks- Nyathi Bobona na Gret 11 Daks- Pora Lohia husat i kisim prais long kamap top long han bilong Siti Menesa John Loko. Dispela em long Kilakila Sekonderi skul greduesen. Prinsipal Patrick Keanga i tok skul i gat hevi long tisa bikos namel long fes tem, planti ol tisa i stat long lus lain na ronowe long wok bilong ol. "Long dispela yia, mipela i bin gat 38-pela tisa olgeta tasol taim yia i kam long namel, ol tisa i les long wok na lusim wok bilong ol na wokim ol samting long laik." Mista Keanga i tok planti ol tisa we i no save kam tis i stap yet long peirol na i save kisim potnait pei nating. Mipela traim pinis long raitim leta i go long ol edukesen lain tasol mipela i no kisim bekim. Nau yet mipela i sot long 3-pela tisa we mak bilong em i mas sanap 38 na ol klasrum na laibreni bilong mipela bai klostu pundaun. - *Stori na ol foto: NATASHA BODGER*

## Ol greduesen long piksa:



**BIKDE:** James Rabby Junia i pinisim Gret 12 long Kilakila Sekonderi long greduesen bilong em.



**BRUKIM HET I PINIS:** Ledi Kaludia i givim setifiket long wanpela sumatin i greduet long Hospitaliti kos long TAFE Kolis long Intenesenel Edukesen Ejensi, Ela Bis, Pot Mosbi. TAFE Kolis i save givim skul long Bisnis, IT, Hospitaliti, Child Sevisis, Kompyuta na Fainensel Sevisis i go long ol sumatin i pinisim Gret 10 na 12.



**REDI LONG GREDUET:** Ol TAFE sumatin i sindaun na harim ol toktok long greduesen bilong ol.



### INTEGRITI BILONG OL POLITIKEL PATI NA KENDIDET KOMISIN

#### SKELIM TINGTING LONG DI-REJISTAIM OL REJISTET POLITIKEL PATI

BIHAINIM SEKSEN 43 BILONG OGENIK LO, KOMISIN LONG INTEGRITI BILONG OL PATI NA KENDIDET I LUKSAVE OLSEM I GAT AS LONG PINISIM REJISTRESEN BILONG OL DISPELA REJISTET POLITIKEL PATI:

NAMBA	NEM	REJISTRESEN NAMBA	INC NAMBA
1.	Papua New Guinea Country Party	IPPC: 06	5-875
2.	Liberal Party	IPPC: 11	5-462
3.	National Vision For Humanity Party	IPPC:16	5-1144
4.	People's Freedom Party	IPPC: 18	5-1340
5.	Human Rights Protection Party	IPPC: 21	5-1266
6.	Melanesian Labour Party	IPPC: 22	5-730
7.	Papua New Guinea Greens Party	IPPC: 23	5-1436
8.	People's Welfare Party	IPPC: 24	5-1383
9.	Papua New Guinea Integrity Party	IPPC: 26	5-1467
10.	Yumi Reform Party	IPPC: 27	5-1482
11.	People's Development Party	IPPC: 29	5-1385
12.	Simple People's Party	IPPC: 30	5-1451
13.	Party for Justice & Dignity	IPPC: 31	5-1421
14.	People's Destiny & Development Party	IPPC: 33	5-846
15.	People's Heritage Party	IPPC: 34	5-1411
16.	National Front Inc	IPPC: 35	5-1030
17.	True People's Party	IPPC: 36	5-1299
18.	Economic Endeavour Party	IPPC: 37	5-1504
19.	People's Resource Awareness Party	IPPC: 40	5-812
20.	Melanesian People's Party	IPPC: 41	5-1457
21.	People's First Conservative Party	IPPC: 43	5-1349

As bilong dispela di-rejistresen o rausim bilong rejistresen bilong ol dispela pati em bikos ol i no bihainim ol dispela samting:

1. Ol i nogat fainenesel riten o stori bilong wok moni bilong ol, na
2. Ol i no bihainim ol bikpela lo aninit long seksen 28 bilong Ogenik Lo.

Ol dispela Rejistet Politikel Pati i gat tupela ten wan (21) de bihain long dispela toksave i kamap long niuspepa long kam lukim Komisn long paitim tok long em i noken rausim ol rejistresen bilong ol.

PAUL B. B. BENGO, CBE  
REJISTRA  
Desemba 1 2005



# Kisim moa save em i bikpela samting

Sape Metta  
i raitim

**LONG** sindaun bung inap tupela wik insait long ol trening senta na kisim skul na trening long samting, em i luk olsem long-pela taim.

Na tu long kisim moa save em i bikpela samting, long wanem, save tasol em i ken mekim ol manmeri na ol pikinini long painim na bihainim gutpela sindaun.

Na bihain long taim, trening i kam long pinis bilong em, em i taim bilong amamas na tu pasin sore i save kamap long wanem ol lain husat i bin kamap na sindaun long trening bai tok gut bai long wanpela narapela na i go i kam long wan wan hauslain, viles na distrik bilong ol.

Dispela pasin amamas i bin kamap long Yang Wimens (YWCA) trening senta long Goroka, Isten Hailans taim moa long 20 literesi trena, tisa na komyuniti wokman i bin pasin trening woksop las wik.

"Mipela i pilim sore tru long lusim wanpela narapela, tasol mipela i amamas tu long wanem, insait long dispela tupela wik trening woksop, mipela i lainim na kisim gutpela save we mipela i ken kisim i go bek na skelim i go i kam wantaim ol haus lain na komyuniti bilong mipela." Jessie Tafesa i tok.

Em i tok em wantaim ol lain husat i bin kamap na sindaun long dispela trening woksop em ol i no bin kisim

wanpela gutpela fomol edukesen long level bilong bikpela skul.

"Tasol mipela i kisim sampela edukesen long level bilong mipela long rit na rait we mipela i gat bikpela amamas tru long YWCA husat i save go het long kamapim ol literesi trening program long olgeta yia" Mista Tafesa i tok.

YWCA litresi trening Kodineta na het trena bilong dispela woksop Jannelly Gideon i tok em i amamas tru long lukim ol literesi tisa na trena na tu ol helt wokman i kam long ol long-we ples na kisim trening.

"Mipela long YWCA i save trenim na skulim planti ol viles manmeri long rit na rait na komyuniti 1,2,3 na A,B na C.

Na long las tupela wik insait long dispela helpim na sapot bilong Komyuniti na Jastis Liesen Yunit, (CJLU) mipela i kirapim na ronim dispela nupela trena ov Trenas (TOT)trening Program, we mipela i go het long trenim ol literesi tisa na trena long sait bilong lo na oda, Famili Vailens, rait bilong ol pikinini, helt edukesen na HIV/AIDS long ol haus na ol komyuniti," Misis Gideon i tok.

YWCA presiden Elizaberth Joseph i surukim toktok i go moa na tok, save em yupela i lainim na kisim pinis. Na olsem ol trena long level bilong yupela, kisim dispela save i go bek long ol ples bilong yupela na trenim ol komyuniti bilong yupela.

Yupela i noken haitim dispela save bilong yupela bilong wanem sapos yupela i haitim, bai i no gat gutpela kaikai bai i kamap long komyuniti bilong yupela."

Ges Spika long taim ol laik pinisim, Tirio Ohuma, i tok i gat ol planti manmeri we i stap we ol i go long ol bikpela skul, long kisim edukesen na trening.

Tasol long sait bilong yupela, yupela i kisim skul na liklik edukesen long ol literesi skul. Na ol liklik save na trening em yupela i save kisim, mipela i save mekim gut yus long dispela ol save.

Na ol lain manmeri long ples i save kamap na mekim gutpela ripot long wok bilong yupela we i winim tru wok na ripot bilong planti ol lain manmeri husat i gat bikpela namba long edukesen," em i tok.

Mis Ohuma i tok, long edukesen, em i go pinis long level bilong yuni-vesiti, tasol lukluk i kamdaun long ol liklik lain manmeri long ples husat i go long level bilong literesi skul tasol, em ol i save kamapim planti bikpela samting bihain long ol i save kisim trening long literesi skul.

Em i tok long pasin bilong kisim save na edukesen em i no stap, long wanem i gat rot i stap long go het long kisim moa skul na trening.

Mis Ohuma i salensim ol tisa na trena ya, long putim aut na mekim gutpela yus long dispela trening em ol i kisim long en.



Ges spika, Tiria Ohuma (han kais) i givim setifiket i go long viles literesi tisa, Ruben Amimisa husat i save tis long Misapi long Okapa Distrik, na lukluk i stap em YWCA het literesi trena, Jannelly Gideon na asisten trena Linas Solato.



## INTEGRITI BILONG OL POLITIKEL PATI NA KENDIDET KOMISIN

### BUNGIM WANTAIM NA DIREJISTRESEN BILONG OL POLITIKEL PATI

BIHAINIM SEKSEN 52 BILONG OGENIK LO LONG INTEGRITI BILONG OL POLITIKEL PATI NA KENDIDET, OLGETA MEMBA BILONG OL DISPELA POLITIKEL PATI I WANBEL LONG BUNG WANTAIM OL BIKPELA REJISTET POLITIKEL PATI, PEOPLE'S NATIONAL CONGRESS;

- PEOPLE'S SOLIDARITY PARTY
- PAN MELANESIA CONGRESS
- ADVANCE PAPUA NEW GUINEA PARTY
- NATIONAL TRANSFORMATION PARTY
- ONE PEOPLE PARTY

MI WANBEL OLSEM OLGETA WOL I GO HET EM OL I BIHAINIM LONG BUNG WANTAIM ANINIT LONG SEKSEN 52.

I GO MOA YET, OLGETA DISPELA POLITIKEL PATI I REJISTA PINIS I BUNG PINIS TAIM OL I LUKSAVE LONG MAMA LO BILONG PEOPLES NATIONAL CONGRESS.

BIHAINIM DISPELA BUNG WANTAIM NA TAIM OL I LUKSAVE LONG MAMA LO BILONG PEOPLES NATIONAL CONGRESS PATI, OL I PINISIM OL YET BIHAINIM SEKSEN 50 BILONG OGENIK LO.

ANINIT LONG SEKSEN 50 (3), MI GO HET LONG DIREJISTAIM OLGETA 5-PELA REJISTET POLITIKEL PATI.

PAUL B. B. BENGO, CBE  
REJISTRA  
Desemba 1 2005



YWCA het trena na ol patipen i bung bihain long pinis bilong dispela woksop.

# Jisas na Judas insait long pilai bilong Sen Joseph

**YU KEN** tra'im tingim Jisas i werim wanpela siket na skulim planti of manmeri antap long maunten, Judas i werim wanpela andas-kei taim em i givim Jisas long han bilong of soldia long gaden Getsameni, o yu ken tra'im long tingim Pita i werim wanpela klos of meri i save werim bilong silip na sindaun namel long of arapela i raunim paia na em i tokim of olsem em i no save long Jisas, na sampela bilong of hai pris bilong dispela taim i werim meri-blaus na i wok long painim rot bilong sasim Jisas?

### Mi klostu senisim tingting long lotu

Mi wanpela Katolik Kristen husat i strong long lotu bilong mi, tasol wanpela nait long las mun klostu mi kisim tingting olsem nupela Katolik wol lida, Pop Benedict XVI na ol wokman bilong em olsem ol wol lida bilong sios i mekim wanpela plen long senisim of rekot bilong baibel long wanem buk bilong wanpela man Inglis, Dan Brown, i mekim ol i gat tupela tingting. Tru tumas, klostu mi bin ting olsem taim mi lukim wanpela pilai i bin kamap long wanpela Katolik skul insait long Mosbi siti long mun i go pinis.

Nogat, dispela i no bilong senisim buk baibel, tasol samting i kamap i olsem wanpela hap bilong samting i kamap long stori bilong Timi Rice na Andrew Lloyd Weber, Jesus Christ Superstar, we ol sumatin bilong Sen Joesph Intanesenel Katolik Skul i bin mekim.

Long dispela pilai mi lukim Jisas Kraiss, Judas, Pita na ol Hai Pris we ol meri sumatin yet i makim ol na werim ol klos bilong ol man na paulim ol papamama i go lukim.

Mi bilip olsem dispela em namba wan taim ol praimer skul sumatin i mekim dispela pilai o drama, we i lukim ol sumatin i senis long makim Jisas Kraiss, Judas, Pita na ol arapela insait long dispela pilai.

"Mi laikim tru long lukim olsem long taim bilong dispela pilai, mi mas i gat ol ekta i redi

stap taim ol lain tu bilong mekim pilai i sik o i poret long go antap," Steij Dairekta na Musik Tisa bilong skul, Aaron Murray i tok. "Tupela man long pilai long wanpela karekta tu i givim sans long ol arapela sumatin long stap insait long dispela pilai na long soim olsem ol i ken mekim kain samting olsem tu."

### Bikpela wok redi

Sen Joseph Intanesenel Katolik Skul i mekim dispela pilai long 23, 24 na 25 de bilong mun Novemba, bihain long ol i wok redi inap long 10-pela wik olgeta.

Tasol, long pilai we i bin kamap long 25-de bilong Novemba, we i lukim olsem ol manmeri husat i kam long lukluk i go antap tru, ol i stopim fes tripela hap bilong pilai bilong wanem

Joseph." Em i tok long St Joseph em i painim planti of sumatin husat i gat save long ekt na em i kirap nogut long lukim olsem dispela i tru.

"Ol sumatin husat i pilai wankain karekta i senis long wan wan taim long tripela pilai wantaim long dispela tripela de, na sapos yu no save long dispela of pikinini, bai yu no inap long luksave olsem ol i wok long senis wantaim narapela." Murray tok.

### Moa long 200 sumatin i stap insait long dispela pilai

Ol sumatin bilong St Joseph husat i stap insait long dispela pilai, i bikpela grup tru insait long PNG bilong Jesus Christ Superstar, we i lukim olsem 200-pela sumatin long Prep, gret 3,4,5,6,7 na 8, i bikpela

sumatin, i makim Jisas, na em i senis wantaim man ekta Brenden Boeha, wanpela gret 8 sumatin, na long dispela taim, meri bilong singsing, Josephne Mogish husat i stap long gret 7 na Kasa Aiam wanpela man ekta husat i stap long gret 8, tupela wantaim i makim Judas.

Wanpela sumatin man, Laan Suwae-

go stret wantaim Avery Porteria i singsing taim em i makim Jisas.

Gutpela pilai i kam long gret 7 sumatin, Bernadine Rabia na Karen Barredo bilong gret 8 husat i pilai gut tru long pat bilong Mary Magdalene, ol gret 6 sumatin, O'Neil Santos na Jason Tomi i makim Caiaphas na Douglas Morlin bilong gret 6 na

ol kalap i go i kam. Dispela i mekim ol manmeri i lap nogut tru.

"Yu Kraiss, yu dispela bikpela Jisas Kraiss, soim mi olsem yu God tru, senisim wara bilong mi i go long wain," Roman i singsing olsem Herod na wokabaut i go kam.

Gret 7 sumatin, Michael Jigo i givim wanpela gutpela pilai

"Mi klostu i laik karai long wanem mi amamas long lukim kain wok ol sumatin i mekim tiam mi lukim olsem ol i sumatin na olsem ol pikinini ol i ken gat hevi long mekim wanpela pilai we i hat."

Long stat, Murray i mekim sampela spes bilong ol sumatin long Prep long stap olsem ol aposel, man, meri, soldia, lain bilong danis, manmeri long tempol, wanpela man i no wokabaut gut na aipas man, tasol em i tok wantaim planti skul i kam long ol tisa, ol dispela hap bilong pilai kamap gut na stret tasol na ol liklik sumatin i amamas i go inap long pinis bilong em.

Lowani Sugale na ol wokman bilong em i mekim baksait bilas bilong steij. Ol i no yusim wanem kain moni long kisim gutpela pen na ol piksa, we i mekim steij i luk nais aninit long ol kain kala lait.

### Amamas

Mi wanpela papa bilong skul long 14 kris-mas i go pinis na mi save kam long planti bilong ol prodaksen bilong skul tasol mi amamas tru wantaim Jesus Christ Superstar. Tru em i gutpela prodaksen, bihainim long taim bilong Wizard of Oz long 2001, olsem na mi pilim gutpela na mi laikim bai skul i kisim dispela prodaksen i go aut long pablik insait long Mosbi bilong nau tasol.

Ol arapela prodaksen na musikel we St Joseph Intanesenel Skul i bin mekim em Joseph and the Amazing Technicolour Dream Coat, Godspell, Wizard of Oz, Oliver Twist, Robinson Crusoe and the Pirates na Phantom of the Opera.

Aaron Murray na gret 8 sumatin bilong Filipins, Kenneth Pascua i mekim olgeta musik, na long wankain taim Next of Kin Prodaksen i lukautim olgeta saun na lait bilong steij.

**Yu ken ritim ol stori bilong Musik olgeta Mande insait tasol long The National**



**NOKEN TING OL BIKMAN:** Em ol sumatin bilong Sen Joseph em ol i penim pes bilong ol na ol i kamap olsem bikman.

bikpela ren i pundaun na i no stop long wanpela aua olgeta. Em nau ol i surukim i go long Sarere apitun.

"Dispela em namba wan taim bilong mi long dairektim wanpela musikel pilai taim mi stat long tis na mi amamas tru long skul i mekim dispela pilai i kamap gut," Aaron Murray, husat, bipo, i bin wanpela memba bilong Sanguma Ben bilong 70s na 80s, i tok.

"Taim mi mekim trening bilong mi long Yunivesti bilong Goroka, mi bin stap insait long prodaksen bilong dispela wankain pilai na dispela i givim mi gutpela tingting long putim i go insait long prodaksen bilong Sen

moa long prodaksen we i bin kamap long Goroka taim PNG Intanesenel Ekta, William Takaku i bin go pas long en.

"Ol sumatin i mekim gutpela wok, na tu wantaim Vissia Gabuya, husat i lainim ol long ol danis, Herminia Agabe, Francesca Ganisi na Sheila Jacob husat i mekim ol klos bilong ol, Shobahna Sharma, Tet Contreras, Ramona Lopez na Uthara Ratnapala husat i penim pes bilong ol pikinini na Lowani Sugale na Paul Suakau ol Steij Disaina, na planti olgeta tisa husat i bin go pas, lukautim na menesim planti of hap bilong prodaksen," Dairekta i tok.

Lid karekta, Avery Porteria wanpela gret 6



**LAS KAIKA:** Ol sumatin bilong Sen Joseph i makim Jisas na ol aposel long las kailka bilong ol.

**GLASIM MUSIK wantaim JK**

gret 7 sumatin Stefan Sowe i senis long makim Pontius Paillet, na gutpela pilai i kam tu long gret 7 sumatin Roman Wilfred Kili husat i makim King Herod wantaim grup bilong em husat i mekim ol manmeri i kam long lukluk, i lap nogut tru.

"Mi senisim ken planti musik bilong dispela prodaksen long ron gut wantaim ol sumatin i ekt na i no kisim gutpela trening long singsing, olsem King Herod husat i singsing pat bilong em wantaim nogat instrumen, dispela i givim mi tingting long strong, spit na stail we ol wan wan yet i pilim gutpela long singsing," dairekta Murray i tok. "Tasol mi lukluk gut na tra'im long noken mekim senis tumas long wanem mi poret long bagarapim na mi lukim olsem em i kamap gut."

Gabuya, husat i lainim ol sumatin long danis, i mekim wanpela wok bilong Herod we i lukim King i danis na sekim sekim, na mekim

taim em i makim Annas na long wankain taim Paulo Avinante i sutim han long skai taim em i makim Simon Zealots na singsing long Jisas i mekim gut long ol pipel, "Kraiss yu save olsem mi laikim yu, yu lukim mi tromoi han, i bilip long yu na God, olsem na tokim mi olsem yu kisim mi pinis."

### Ol sumatin mekim bikpela wok long singsing

Murray i tok, "Olgeta sumatin husat i bin singsing i mekim bikpela wok tru long kain krismas bilong ol, na yu ken tingim tasol ol samting ol bai mekim long ol yia i kam bihain. Ol i gat strong long wok wantaim ol bikmanmeri sapos skul i ken wok long helpim ol mekim ol i strongim dispela talent ol i gat long ol musik pilai olsem Jesus Christ Superstar."

Em i tok dispela em namba wan taim bilong em long wok wantaim ol praimer skul sumatin na ol i ken mekim wok bilong ol bikpela manmeri na dispela i bin wanpela bikpela samting stret bilong St Joseph Intanesenel Katolik Skul.

EM TV TV GAID

FONDE, 8 DESEMBA 2005

Table of TV programs for Fonde on 8 Dec 2005, including Station Open, Joyce Meyer, Today, Crefflo Dollar, etc.

FRAIDE, 9 DESEMBA 2005

Table of TV programs for Fraide on 9 Dec 2005, including Station Open, Joyce Meyer, Today, Crefflo Dollar, etc.

SARERE, 10 DESEMBA 2005

Table of TV programs for Sarere on 10 Dec 2005, including Planet Fanta, Good Sports, So Fresh, etc.

SANDE, 11 DESEMBA 2005

Table of TV programs for Sande on 11 Dec 2005, including Station Open, Business Success, Pught of the Pelican, etc.

MANDE, 12 DESEMBA 2005

Table of TV programs for Mande on 12 Dec 2005, including Station Open, Joyce Meyer, Today, Crefflo Dollar, etc.

TUNDE, 13 DESEMBA 2005


Table of TV programs for Tunde on 13 Dec 2005, including Station Open, Enjoying, Every Day Life, etc.

TRINDE, 14 DESEMBA 2005

Table of TV programs for Trinde on 14 Dec 2005, including Station Open, Joyce Meyer, Today, Crefflo Dollar, etc.



Raun wantaim Kanage olgeta wik



YUMI FM NATIONAL WEEKLY HITPARADE NOVEMBA 19, 2005

Table with 3 columns: Singing, Musik Atis, and Dispela Wik. Lists artists like Maten Kandiek, Twin Hok of Kavieng, Leonard ft Anslom, etc.

CATHOLIC RADIO 103.5 FM

Table of programs for Fonde on 103.5 FM, including Angelus, Meditation/Inspirational Music, Vatican Radio World News, etc.

Table of programs for Mande on 103.5 FM, including Angelus, Meditation/Inspirational Music, Vatican Radio World News, etc.

Table of programs for Fraide on 103.5 FM, including Angelus, Meditation/Inspirational Music, Vatican Radio World News, etc.

Table of programs for Tunde on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sarere on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sande on 103.5 FM, including Angelus, Meditation/Inspirational Music, Vatican Radio World News, etc.

Table of programs for Trinde on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sande on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sande on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sande on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sande on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sande on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sande on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sande on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sande on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sande on 103.5 FM, including Angelus, Meditation/Inspirational Music, Vatican Radio World News, etc.

Table of programs for Sande on 103.5 FM, including Angelus, Meditation/Inspirational Music, Vatican Radio World News, etc.





**Laikim Penpren**

**Nem:** Vivian Singu  
**Krismas:** 15 (meri)  
**Adres:** c/ Patricia Singu P.O Box 1105 Boroko NCD  
 Save Laikim: Lukim TV, mekim wok long haus, harim musik na raitim pas. Mi painim ol Penpren i gat krismas namel long 15 na 18 yias.

**Nem:** Marjorie Singu  
**Krismas:** 16 (meri)  
**Adres:** Gerehu Secondary School P.O Box 72 University 134 NCD  
 Save Laikim: Danis, harim musik, pilai volibal na soka na wokim fani wantaim ol poroman Painim ol Penpren namel long 18 na 25 yias.

**Nem:** Robert Sale  
**Krismas:** 17 (man)  
**Adres:** Kutubu Transport, PO Box 4271, Lae, Morobe Province  
 Save laikim: Go lotu, raitim pas, lukim TV na stap isi.

**Nem:** Edith Alexandria Bornsville  
**Krismas:** 17 (meri)  
**Adres:** Mercy Secondary School, PO Box 580, Wewak, East Sepik Province  
 Save laikim: Pilai tennis, basketbal na ragbi, waswas long solwara, lukim EMTV Nius, harim musik na kamapim singsing lotu.

**Nem:** Amen Adams  
**Krismas:** 26 (meri)  
**Adres:** 7th Avenue Street, Box AD614, Cape Coast, Ghana, West Africa  
 Save laikim: Harim musik, raun long nambis, kukim kaikai na planti moa.

**Nem:** Geoffrey Pilo  
**Krismas:** 24 (man)  
**Adres:** PO Box 71, Lihir Island, New Ireland Province  
 Save laikim: Raitim pas long ol pren, tok pilai na pilai spot.

**Nem:** Junior Roxsen  
**Krismas:** 20 (man)  
**Adres:** Kofulu Trading, PO Box 8, Wau, Morobe Province  
 Save laikim: Harim musik, pilai gita, pilai soka, lukim TV, raitim pas na senisim poto wantaim penpren.

**Nem:** Rayleen Jane Patterson  
**Krismas:** 22 (meri)  
**Adres:** PO Box 1792, Lae, Morobe Province  
 Save laikim: Harim musik, raitim pas, waswas, raun long ol ples, bungim nupela pren na tok pilai.

**Nem:** Lorraine Ben  
**Krismas:** 18 (meri)  
**Adres:** C/- Ben Wall, Beon CS, PO Box 114, Madang, Madang Province  
 Save laikim: Go long lotu, ritim Baibel, kukim kaikai na tok pilai.

**Nem:** Wilma Sarima  
**Krismas:** 16 (meri)  
**Adres:** Mercy Secondary School, PO Box 580, Wewak, East Sepik Province  
 Save laikim: Stori na tok pilai, raitim esei na poems na pilai volibal na soka.

**Nem:** Raymond Hanawo  
**Krismas:** 17 (man)  
**Adres:** Bema High School, PMB Lae PO, Morobe Province  
 Save laikim: Harim iokei singsing lotu, stori, pilai basketbol, volibal na soka, tok pilai na raun long bus.



**STORI TUMBUNA**

**BIPO** tru i gat wanpela man nem bilong em Mairua. Em i stap long maunten Marien. Bihain em i go long wanpela ples nem bilong em Amunu. Em i go lukim ol man i tanim graun.

Long wanpela gaden ol i kolim long Waiberav, em i singaut na i tok sapos brata em i marit orait liklik brata i no ken marit. Em i tok olsem na ol man i stap long gaden i harim toktok bilong masalai Mairua na ol i bel hat.nogut tru.

Ol i salim wanpela pikinini nem bilong em Pupu. Em i go kamap long ples Amunu na em i lukim traipela man nogut tru lek han bilong em i paspas tasol long het bilong em tu i gat

bikpela paspas tru i stap long en.

Pupu i go bek na tokim ol man long gaden Waiberav long masalai man ya. Em i tokim ol olsem masalai ya i no liklik man. Em i bikpela man nogut tru ya lek han na het bilong em i gat ol paspas tasol.

Ol man i go lukim ples bilong masalai man ya em i save sindaun antap long diwai tanget. Na ol man i lukim olsem na ol i mekim hol long as bilong diwai tanget.

Masalai Mairua i laik i kam sindaun antap long diwai tanget ya nogat, em i brukim dispela diwai tanget na em i go

daun long hul bilong graun. Ol man i kisim stik bilong tanim graun i kam na ol i kilim em.

Pupu i kolim tupela pren bilong em, Kabayui na Kabadidi na em i tokim ol.

"Yutupela katim het bilong Mairua na putim insait long garamut."

Olsem na tupela pren bilong em Kabayui na Kabadidi i katim het bilong em na ol i putim insait long garamut.

Ol i slip na long nait klaut i pairap na bikpela ren i kam daun na solwara i kamap insait long dispela garamut. Tupela pis tu i kamap insait long dispela garamut.

Nem bilong tupela ol i kolim Memel na Dui.

Memel em i waitpela pis. Dui em i blakpela pis. Na pren bilong em Kabayui i gat wok long gaden bilong em na em i tokim pren bilong em Kabadidi na em i tok.

Mi nogat abus bilong givim long ol man i mekim wok gaden bilong mi.

Kabadidi i tokim Kabayui long go sutim blakpela pis - Dui. Na Kabayui i go popaia long dispela blakpela pis Dui na em i sutim waitpela pis Memel. Na long nait solwara i stap insait long garamut ya em i pairap na em i


kalap kalap na em i laik i go. Na solwara i kisim ol i go long nambis.

Olsem na solwara i stap nau long ol nambisman na ol pis i pulap long em. Na ol nambisman i save trip long kanu na i wok long kaikaim ol pis long solwara.

Tasol mi laik tokim yupela ol nambisman olsem dispela solwara em i no bilong yupela ol nambisman. Nogat.

Em bilong ol man bilong bus bikos solwara i kamap long bus bilong "Amunu".

**BOGIA  
MADANG PROVIN**



**Mi laikim helpim bilong Laiplain long stretim wari**


**Dia Laiplain,**  
 LONG 1993 yet mi bin go insait long wanpela prensip wantaim wanpela marit man.

Prensip bilong mitupela i bin go orait i kam nau, bihain long olgeta dispela ol samting i kamap mi bin painimaut olsem em wanpela marit man.

Em i wanpela gutpela poro bilong mi, gutpela pasin bilong em tu na em i bin gat gutpela rispek long mi. Em i marit man tasol laik bilong mi long em i stap yet.

Mi painim hat long stopim dispela prensip bilong mi wantaim em. Mi laik save hau mi ken stopim dispela prensip na hau mi ken go het wantaim laip bilong mi.

**Dia pren,**  
 Tenkyu long pas bilong yu.



Em i no gutpela taim ol i no luksave long laik bilong mipela ol lain i save laik bosim laip bilong mipela.

Dispela man yu rait i kam na tokim mipela long em pasim em i mekim i no bihainim laikim bilong em long yu, tasol em i bihainim tingting bilong em yet.

Em i luk olsem yu kam pinis long wanpela tingting long stopim dispela prensip, i no long tingting bilong yu yet, tasol yu tingim tu meri bilong em na famili bilong em. Em i gat wok long sait bilong lo

long lukautim ol, na em i noken mas paul raun wantaim ol singel meri.

Ol lain olsem dispela man, husat i no nap long stap gut long marit laip na i save go aut na painim ol singel meri i gat wanpela samting i rong wantaim em. Em i nidim helpim long lainim wanem kain samting stret em lav, na sapos ol i no kisim profesenel helpim ol i bai bagarapim laip bilong ol arapela pipel.

Sapos yu go het wantaim prensip bilong yu wantaim dispela man bai yu sore bihain. Sapos yu tingting strong stret long tingting bilong yu olsem yu laik stopim dispela prensip, yu mas strong long bihainim tingting bilong yu sapos yu laikim em long lusim yu.

**Laiplain**

**Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telipon namba 3260011. Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.**

**Laiplain**



**Bisnis bilong Groim Diwai insait long PNG - Planim diwai long ol renfores eria**



Rot bilong groim ol spisis diwai i save groa insait long PNG

**Instia bijuga (Kwila)**

Nem bilong en: Kwila

**Ples we em i save groa:**

Kwila i gat tripela spisis na em i save groa long Madagaska, Esia, Melesia, Australia na ol Pasifik Ailans. Long PNG, kwila i save groa long ol ples daun long as bilong ol bikpela maunten o insait long ol ples tais. Em i save kamap name! long ol arapela ples tu. Kwila i save laikim ren we i save pundaun long moa long 2000 milimita long wanpela yia na i save groa insait long ol praimeri o olupela sekenderi fores na em i ken groa insait long kain kain graun.



**Taim bilong karim plaua:**  
Kwila i save karim flaua olgeta yia tasol em i save karim moa flaua long mun Ogas long Madang.

**Bungim na prosesim ol sit:**

Kwila i save karim planti pikinini tru olgeta yia. Yu ken rausim ol pikinini bilong em taim ol i stap long diwai yet, o yu ken kisim long graun. Ol skin bilong sit em yu mas draim inap long tripela de pastaim bai ol i bruk. Yu mas pasim gut insait long kontena we win i no inap go insait.

Rot bilong groim insait long neseri: Sit i mas i gat namel long 9 na 11 de long kru. Tasol sapos yu stretim pastaim, em i ken kru namel long 2 na 5 de. Long mekim em i kru kwik taim, skirapim skin bilong en na putim insait long wara. Yu mas planim sit wantaim het bilong em i go daun bai skin bilong sit i ken bruk na lus taim em i brukim graun i kam ausait.

Ol wok traim long kain kain rot bilong groim i wok long go het.

**Wanem kain diwai:**

Kwila em i wanpela namel sais diwai. Longpela bilong em inap long 20 na 30 mita samting na namel bilong em i ken groa inap long 250 sentimita. Skin diwai bilong em i ret na braun. Insait skin diwai bilong em i lait braun na timba bilong em i yelo braun o ret braun. Ol lip i longpela. Ol flaua bilong en i gat ol waitpela lip na ret-pela bun. Ol liklik binatang i save laikim tru na ol i save karim mit bilong flaua long maritim diwai. Sid i save stap insait long wanpela dak braunpela drai skin.

**Rot bilong yusim:**

Kwila em i wanpela bikpela komesel timba spisis. Sampela taim ol i save kolim merbau. Ol i ken yusim timba bilong ol long mekim kain kain samting bilong insait long haus na ausait. Ol i save yusim moa long mekim ol sia na tebol samting long wanem em i strong moa na i ken stap longtaim. Long ol bikpela wok, ol i save yusim bilong mekim haus, ol bot na ol arapela bikpela samting. Skin diwai na lip bilong en em ol i save yusim olsem marasin na sit bilong em tu em yu ken yusim bihain long yu stretim gut.

**McCarthy & Associates (Forestry) Pty. Ltd.**  
National & International Forest Consultants  
mccaf@datec.net.pg

"Long kisim tok stia long olgeta wok diwai"

**Gutpela tingting long kamapim Nesenel Agrikalsa Dvelopmen Plen (NADP)**



**STRONGIM AGRIKALSA:** Nesenel Agrikalsa Dvelopmen Plen bai strongim wok agrikalsa na karim gutpela kaikai olsem ol dispela Siaman bilong Isten Hailans Koporetiv Mark Hokombo i givim long bosman bilong CIC Ricky Mitto.

**James Kila i raitim**

PLANTI ol gutpela tingting na toktok i bin kamap las wik long Goroka long lukluk i go insait long kamap bilong nesenel agrikalsa dvelopmen plen.

Wanpela bikpela toktok tru we i bin kamaut long dispela miting bilong Hailans rijen i go insait long NADP em olsem i mas i gat gutpela wok bung i mas stap namel long ol lain wokman bilong ol agrikalsa indastri na ol liklik manmeri o ol lain fama long ples na haus lain.

Dispela NADP bung bilong Hailans rijen long Goroka i bin kamap long Bird of Paradise Hotel na i lukim planti ol lain man husat i wok long ol wan wan indastri sekta na tu ol lain bilong provinsel gavman dipatmen ol agrikalsa ol NGO na ol sampela lain fama i bin kam.

Gavana bilong Isten Hailans, Mal Kela Smith i bin opim dispela bung bilong Hailans rijen long Goroka.

Seketeri bilong Dipatmen bilong Agrikalsa na Laipstok, Mathew Kanua i bin givim toktok long tok klia long wanem as tingting tru bilong NADP.

Wok bilong kamapim NADP em wanpela bikpela wok tru Nesenel Dipatmen bilong Agrikalsa na Laipstok (NDAL) i bin laik traim karimaut insait long dispela yia 2005. Long bekim singaut bilong nesenel gavman bilong PNG long kamapim NADP, Fud na Agrikalsa Ogenaisesen (FAO) bilong Yunaitet Nesen i tok orait long sapotim kamap bilong NADP wantaim teknikal halivim.

Dispela halivim we i kam long FAO Teknikal Koporesen Program i stap aninit long pro-

jek namba TCP/PNG/3003 wantaim moni mak inap long US\$355,000. Gavman bilong PNG i givim hap moni long sapotim wantaim K400,000.

Mista Kanua i tokaut olsem NADP em wanpela bilong tupela bikpela dvelopmen plen nesenel gavman i laik lukim kamap aninit long Nesenel Agrikalsa Dvelopmen Strateji Horaison 2002-2012 (NADSH).

Narapela em long stretim na lukluk i go insait long wok bilong Nesenel Dipatmen bilong Agrikalsa na Laipstok olsem ejensi we i go pas long wokim kamap ol polisi na lukautim wok bilong agrikalsa sekta long PNG.

Hailans NADP woksop i bin pinis long las wik Fraide na bilong Sauten rijen i stat long Tunde.

**Cat® 924G Wheel Loader**

Offering world class performance, value and reliability.



The 924G is one of the more versatile wheel loaders in the world. Size, power and performance and interchangeability of work tools make this the ideal machine for a wider range of jobs than ever before.

- **Engine and Hydraulics** - A Cat 3056 T six-cylinder engine and Cat power shift transmission are performance matched to the torque converter and axles. The new, modular hydraulic system offers advanced load-sensing features, quick loading cycles, easy reconfiguration and ride control.
- **Operator Station** - Operator work station is designed for total control in an ergonomic and spacious environment. All controls, levers, switches and gauges are positioned to maximise comfort and productivity.
- **Serviceability** - Easily perform daily maintenance with ground-level access to all major service points.

Hastings Deering



**PORT MORESBY**  
Spring Garden Road, Hohola, PNG  
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144

**Product People Commitment.**  
We deliver.

**TOK PISIN NEWS**  
from Radio Australia  
radioaustralia.net.au

Harian TOK PISIN long  
Radio Australia  
**101.9FM**  
Port Moresby

**Tok Pisin Service**  
6am - 7am  
7am - 9am  
9am - 12pm  
12pm - 2pm  
2pm - 5pm  
5pm - 8pm  
8pm - 11pm  
11pm - 12am

**RADIO TOK PISIN PROGRAM**  
TUNE IN: 101.9 FM

Radio Australia Tok Pisin Program - stat long mun Mas 2005

<b>MANDE Morning</b>	6AM Stesen Op - Nius Hettain - Musik na ol intaviu
6.30AM Nius na Karent Afes	7AM Stesen Pas
<b>Nait</b>	7PM Stesen Op
7.01PM Ol Hettain na Program Priviu	7.15PM Musik na Chit-Chat
7.30PM Nius na Karen Afes	8PM Helt
8.15PM Musik	8.30PM NUIS
8.40PM Spots Riplei	8.55PM Musik
9PM Stesen Pas	
<b>TUNDE Morning</b>	6AM Stesen Op - Nius Hettain - Musik na ol intaviu
6.30AM Nius na Karent Afes	7AM Stesen Pas
<b>Nait</b>	7PM Stesen Op
7.01PM Ol Hettain na Program Priviu	7.15PM Musik na Chit-Chat
7.30PM Nius na Karen Afes	8PM Mama Graun
8.15PM Musik/Spots	8.30PM NUIS
8.40PM Helt Riplei	8.55PM Musik
9PM Stesen Pas	
<b>TRINDE Morning</b>	6AM Stesen Op - Nius Hettain - Musik na ol intaviu
6.30AM Nius na Karent Afes	7AM Stesen Pas
<b>Nait</b>	7PM Stesen Op
7.01PM Ol Hettain na Program Priviu	7.15PM Musik na Chit-Chat
7.30PM Nius na Karen Afes	8PM Youth
8.15PM Musik/Spots	8.30PM NUIS
8.40PM Focus Riplei	8.55PM Musik
9PM Stesen Pas	
<b>FONDE Morning</b>	6AM Stesen Op - Nius Hettain - Musik na ol intaviu
6.30AM Nius na Karent Afes	7AM Stesen Pas
<b>Nait</b>	7PM Stesen Op
7.01PM Ol Hettain na Program Priviu	7.15PM Musik na Chit-Chat
7.30PM Nius na Karen Afes	8PM Youth
8.15PM Musik/Spots	8.30PM NUIS
8.40PM Focus Riplei	8.55PM Musik
9PM Stesen Pas	
<b>FRAIDE Morning</b>	6AM Stesen Op - Nius Hettain - Musik na ol intaviu
6.30AM Nius na Karent Afes	7AM Stesen Pas
<b>Nait</b>	7PM Stesen Op
7.01PM Ol Hettain na Program Priviu	7.15PM Musik na Chit-Chat
7.30PM Nius na Karen Afes	8PM Wantok
8.15PM Musik	8.30PM NUIS
8.40PM Youth Riplei	8.55PM Musik
9PM Stesen Pas	
<b>SARERE</b>	Nait
7PM Stesen op - Ol Nius Hettain/Program Priviu	7.05PM Musik na Chit Chat
7.30PM Nius	7.40PM Wantok
8PM Lokal Ben	8.30PM Nius
8.40PM Musik/Chit Chat	9PM Stesen Pas
<b>SANDE</b>	Nait
7PM Stesen op - Ol Nius Hettain/Program Priviu	7.05PM Musik na Chit Chat
7.30PM Nius	7.40PM Famili Blong Serah (Radio Plei)
8PM Lukluk Bek Long Wik	8.30PM Nius
8.40PM Musik/Chit Chat	9PM Stesen Pas

**TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.**

**PACIFIC BEAT**

# Polis unit we planti i save long em i kisim planti askim

Polis mobail skwat bilong Papua Niugini, we planti i save long i nau wok long buruk, dispela em i bai kamap bihain long lukluk go insait long taim ol i bin kisim lo i go insait long han bilong ol yet, long polis trening koles, i kamaut.

Long las mun, ol polis husat i karim gan i bin putim wanpela rotblok, na i bin wokabout raun wantaim ol semi-otometik gan na tok olsem bikpela trabol bai kamap, sapos samting ol i askim long ol i no kisim.

PNG Mobail Polis Unit, planti tai mi save kisim ol komplem olsem ol i save mekim trabol long ol sivilien - planti taim ol i save mekim trabol long ol meri na ol yanpela manmeri.

**Husat i askim:**

Caroline Tiriman

**Husat i bekim:**

PNG Humen Raits Loya, Powes Parkop; PNG Intenel Sekyuriti Minista, Bire Kimisopa; Kevin Murphy, Presiden bilong Maunten Hagen Semba bilong Komes.

**TIRIMAN:** Ripot i kam aut olsem, tekova bilong polis trening koles las mun, i kamap long sapotim ol askim bilong baim ol spesol alawens o mani bilong wok ol i bin

mekim. Mipela i bilip olsem, dispela ol alowens ol i bin tok bai ol i givim long ol polis long wok ol i bin mekim long givim sekyuriti long taim bilong 30 anivesari selibresen bilong kantri.

Dispela ol selibresen, we ol i bin givim sekyuriti em long taim Prinses Anne i kam na long taim bilong Pasifik Forum Lida miting long mun Oktoba.

Minista bilong Intenel Sekyuriti bilong PNG, Bire Kimisopa, i tok olsem tekova bilong koles i no gutpela na toktok bilong kisim ol Australia polis kam bek long PNG bai helpim long lukluk go insait long dispela kain ol hevi.

**KIMISOPA:** Nogat wanpela gutpela toktok i kam long dispela taim. Na bai mipela i larim olsem tasol mipela i mas sasim dispela ol lain husat i bin asua, na em tasol.

**TIRIMAN:** Minista, polis mobail skwat i nogat wanpela gutpela nem wantaim ol komyniti insait long Papua Niugini, moa long sait bilong ol meri na pikinini, husat i tok olsem pasin bilong sampela memba insait long dispela fos i no gutpela. Bai yu tok wanem long dispela?

**KIMISOPA:** Mipela i gat longpela histri wantaim korapsen insait long polis, toktok na pasin nogut bilong polis, nogat save long mekim wok, na planti moa. Tasol dispela em wanpela samting we, yu no inap long stretim nau tasol - em bai longpela taim long stretim, na mipela i wok long traim hat long stretim dispela nau. Ripot bilong Humen Raits Wats i no bin helpim mipela, tasol mipela i mas karim hevi nau na em wanpela samting mipela i mas stretim nau.

Mipela i gat bikpela wok long mekim yet na wantaim helpim bilong Australia, em wanpela samting we mipela i bin wok long na mi bilip olsem i no long taim nau, bai ol i kam bek long PNG na mipela i ken stat wok ken long ol samting we mipela i lukim olsem bikpela samting stret.

**TIRIMAN:** Tasol, dispela nius, em planti ol bisnis haus antap long ol Hilans Provins bilong kantri i no laikim.

Sampela i wok long tok olsem sapos Mobail Skwat i bruk, dispela nau i opim rot bilong ol raskol pasin long kamap, we bai ol i makim ol bisnis na tu ol beng.

Olsem Presiden bilong Maunten Hagen Semba bilong Komes, Kevin Murphy i tok

**MURPHY:** Dispela ol pipel husat i laik bagarapim oda bilong ol komyniti, em nau sans bilong ol i kamap, taim mipela i rausim wok bilong ol pipel olsem Mobail Skwat. Mi tok olsem, wok bilong Mobail Skwat, moa insait long Hilans na long haiwe, i bikpela samting stret. Tru sampela taim ol i laik kamap olsem "Rambo", tasol mi ting olsem ol i wok long yusim pawa bilong ol long planti arapela gutpela rot tu.

I bin gat ol samting we i bin kamap, tasol wok bilong dispela ol polisman i bikpela na sampela taim ol i save mekim kain kain long mekim ol lain tokaut olsem ol i bin brukim lo. Tasol mi ting olsem ol i mekim ol arapela gutpela samting tu.

Bikpela samting tru, em long wok bilong ol polis long ol haiwe long stopim ol hold-ap na ol pipel i save bikhet tasol, olsem, long ol rot.

**TIRIMAN:** Olgeta dispela ol toktok em kisim sapot bilong Powes Parkop, wanpela humen raits loya husat i wok long go agensim ol polis

wantaim gan long stretim ol hevi.

**PARKOP:** Long hap olsem PNG na ol pasin we i save kamap, olsem ol ples we i gat kros namel long ol pisin grup, long dispela taim ol pisin grup i no save moa yusim ol samting bilong bipo long pait olsem spia na ol arapela tumbuna samting bilong pait. Ol i wok long yusim ol samting bilong nau olsem, samting bilong lonsim roket na ol otometik raifel.

Long dispela kain hevi, em i wok bilong polis long stopim, i no long stretim dispela hevi, tasol long was long ol yet long wei we ol i ken go insait na holimpas ol man husat i rong, na kisim dispela ol grup long kam wantaim long stretim hevi bilong ol, behain orait ol arapela polis i ken go insait na sasim husat i mekim asua samting.

Mi ting olsem long wanpela wei i gat nid bilong dispela kain polis insait long PNG yet.

Wari bilong mi long bipo, i kam i nap nau em olsem pasin bilong yusim ol polis wantaim gan moa ol polis mobail skwat long stretim wanem kain hevi, em wanpela samting we i bin stap long bipo, i stap yet long tete.

## Pacific BEAT

Listen to Radio Australia  
101.9FM Port Moresby

4, 5, 6am & 4pm. 5pm  
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



**RAGBI LIG**  
**OKUK MORI ROGERSON**  
**Kap**  
Sarere - Disemba 10, 2005

**Pul B - B Gret**  
09:00 Pulumpa vs GH Eagles  
09:40 6 Mile Warriors vs Daima Gunz  
10:20 7 Mile Jets vs 5 Mile Spiders  
11:00 GH CKO vs Wildlife Pythons  
11:40 Kerowagi United vs Mondo Tigers

**Pul B - A Gret**  
1:00 Pulumpa vs GH Eagles  
2:00 6 Mile Warriors vs Daima Gunz  
3:00 7 Mile Jets vs 5 Mile Spiders  
4:00 GH CKO vs Wildlife Pythons  
5:00 Kerowagi United vs Mondo Tigers

**Pul C - B Gret**  
09:00 9 Mile Crushers vs Bomai Yal  
09:40 Backyard Tigers vs Negefi Bears  
10:20 Vadavada United vs F O Barbarians  
11:00 Gouno Nomads vs Kanage Spiders  
11:40 Fincorp Warriors vs 4 Mile Cats

**Pul C - A Gret**  
1:00 9 Mile Crushers vs Bomai Yal  
2:00 Backyard Tigers vs Negefi Bears  
3:00 Vadavada United vs F O Barbarians  
4:00 Gouno Nomads vs Kanage Spiders  
5:00 Fincorp Warriors vs 4 Mile Cats

Sande - Disemba 11, 2005

**Pul D - B Gret**  
09:00 Boroko Bulldogs vs East Nokondis  
09:40 Flame Nambis Storms vs Morobe United  
10:20 Kone Sharks vs Makana United  
11:00 Moitaka Dragons vs Hila Kenis  
11:40 NBAA vs Bomai Eagles

**Pul D - A Gret**  
1:00 Boroko Bulldogs vs East Nokondis  
2:00 Flame Nambis Storms vs Morobe United  
3:00 Kone Sharks vs Makana Cowboys  
4:00 Moitaka Dragons vs Hila Kenis  
5:00 NBAA vs Bomai Eagles

**Pul A - B Gret**  
09:00 Limestone Bears vs N33 KM Storms  
09:40 Hebou Tigers vs Vanuatu Raiders  
10:20 Saraga Saints vs 8 Mile Settlers  
11:00 D8 Mosquitoes vs Kipo Tigers  
11:40 Bekiho United vs Gordon Ridge

**Pul A - A Gret**  
1:00 Limestone Bears vs N33 KM Storms  
2:00 Hebou Tigers vs Vanuatu Raiders  
3:00 Saraga Saints vs 8 Mile Settlers  
4:00 D8 Mosquitoes vs Kipo Tigers  
5:00 Bekiho United vs Gordon Ridge

**MORATA OV SISEN RAGBI LIG**  
Sarere - Disemba 10, 2005  
C Gret  
09:00 Mumuts vs Talapia

09:30 Gateway Sharks vs M3 Bulldogs  
10:00 Newtown Knights vs Wata Rangers  
10:30 Kongo Ratz vs Megusa Brothers  
11:00 Giburi Raiders vs Northern Warriors  
11:30 Hawks vs West Kanges  
12:00 Com Tigers vs Eastern Eels

**B Gret**  
12:30 Mumuts vs Talapia Magpies  
1:10 Gateway Sharks vs M3 Bulldogs  
1:50 Newtown Knights vs Wata Rangers  
2:30 Kongo Ratz vs Megusa Brothers  
3:40 Giburi Raiders vs Northern Warriors

**Sande - Disemba 11, 2005**  
**B Gret**  
09:00 Hawks vs West Kanges  
09:40 Com Tigers vs Eastern Eels

**A Gret**  
10:20 Mumuts vs Talapia Magpies  
11:20 Gateway Sharks vs M3 Bulldogs  
12:20 Newtown Knights vs Water Rangers  
1:20 Kongo Ratz vs Megusa Brothers  
2:20 Giburi Raiders vs Northern Warriors  
3:20 TS Hawks vs West Kanges  
4:20 Com Tigers vs Eastern Eels

**VOLIBOL**  
**MORATA WOMENS VOLIBOL DRO**  
Sarere - Disemba 10, 2005

1:00 Raiders vs Easts  
1:30 Tigers vs Knights  
2:00 Megusa vs Hawks  
2:30 West Kanges vs Talapia  
3:00 Sharks vs Rangers  
3:30 K Ratz vs Warriors  
4:00 Bulldogs vs Mumuts

**Sande - Disemba 11, 2005**  
1:00 Mumuts vs Talapia  
1:30 Sharks vs Bulldogs  
2:00 Knights vs Rangers  
2:30 K. Ratz vs Megusa  
3:00 Raiders vs Warriors  
3:30 Hawks vs West Kanges  
4:00 Tigers vs Easts

**SOKA**  
**WOLLOM MOROBE SOKA FAINOL**  
**SEMI FAINOLS**  
Sarere - Disemba 10, 2005  
Oval 1  
09:00 Siale vs Dogura D1  
10:00 Batisalem vs Nen Konok D2  
11:00 K-Imindos vs Sapphire D3  
12:00 Gee Neps vs Nalas Res  
13:00 Graveside vs Finka D1  
14:00 K-Top Manduz vs Wasu Crabs D2  
15:00 Winner vs Names D1  
16:00 K-T Manduz vs AGM Roots D3

**Sande - Disemba 11, 2005**  
09:00 Winner vs Names Res  
10:00 Winner vs Winner D3  
11:00 Winner vs Winner D2  
12:00 Batisalem vs KT Manduz Wom  
13:00 Winner vs Winner D1

**NETBOL**

**PRAIVET KAMPANI NET-BOL**  
Sande - Disemba 11, 2005  
Primia Divisen - Kot 2  
1:00 Fairdeal vs Kina  
1:45 P-Print vs Daltron  
2:30 Kenmore vs BSP  
3:15 Brian Bell vs Courts

**Division 1 - Kot 3**  
1:00 Datec 1 vs OSL  
1:45 NTL vs HDPNG  
2:30 Pryde vs STC Fin  
3:15 Theodist vs SP Brewery 1

**Divisen 2 - Kot 4**  
1:00 AHC vs Lamana  
1:45 CCA vs ANZ  
2:30 Datec 2 vs QBE  
3:15 GFI vs POMTrans

**Divisen 3 - Kot 5**  
1:00 Brian Bell 2 vs WPC Askonce  
1:45 PWC vs National  
2:30 LBC vs Curtain Brothers  
3:15 Bishop Brothers 1 vs Kumul Hotels

**Divisen 4 - Kot 6**  
1:00 PNGSF vs Moore  
1:45 Meddent vs Andersons  
2:30 SP Brewery 2 vs WPC Bonusaver  
3:15 STC Shipping vs BSP 2

**Divisen 5 - Kot 7**  
1:00 Able Computing vs Century 21  
1:45 Pac. Industries vs Renos  
2:30 Boroko Motors vs POSF  
3:15 Mirupasi vs Fincorp

**Divisen 6 - Kot 8**  
1:00 Johnston vs Raywhite  
1:45 RH H-Mart vs Air Niugini  
2:30 STC Hardware vs Ela Motors  
3:15 Hertz vs Paraka

**Divisen 7 - Kot 9**  
1:00 Pro-Clean vs DHL  
1:45 P-Print 2 vs Arnotts 1  
2:30 Star-Fish vs APNG  
3:15 Cul. Delight vs City Pharmacy

**Divisen 8 - Kot 10**  
1:00 Barlow vs STC Hotels  
1:45 Bishop Brothers vs Copytek  
2:30 Nasfund vs Yng & Williams  
3:15 AFL vs Kassman

**Divisen 9 - Kot 11**  
1:00 Kenmore vs Deloitte  
1:45 IPA vs RH H-Mart 2  
2:30 Ternis vs Veupunama 1  
3:15 Global vs MRDC

**Divisen 10 - Kot 12**  
1:00 PDE vs Veupunama 2  
1:45 Amotts 2 vs Sinton  
2:30 Adsteam vs Stop N Shop  
3:15 Indies vs EFM

**CASPAR WOLLOM SOKA TONAMEN**  
**ATS ORO VILES**  
Sarere - Disemba 10, 2005  
09:00 Ioma 1 vs Kokoda 2 PA  
1:00 Musa 2 vs Afore 1 PB  
11:00 C/Kaiva 1 vs Tufi 2 PA  
12:00 Ioma 2 vs Kokoda 1 PB  
1:00 C/Kaiva 2 vs Tufi 1 PB  
2:00 Musa 1 vs Afore 2 PA  
3:00 Kokoda 2 vs C/Kaiva 1 PA

**Sande - Disemba 11, 2005**  
08:00 Musa 2 vs C/Kaiva 2 PB  
09:00 Kokoda 1 v Afore 1 PB  
10:00 Musa 1 vs Ioma 1 PA  
11:00 Tufi 2 vs Afore 2 PA  
*... i go moa long daunbilo*



**PINISIM:** Ol manki Fincorp Warriors i bagarapim pilai bilong 9 Mile Crushers long Okuk Mori Rogerson ov sisen ragbi lig pilai long wiken.



**I GO:** Kain mak bilong paitim bal i save mekim Pot Mosbi sofbol meri tim Gazelle i pilai gut egen-sim ol tim bilong narapela klub. Hia beta Shirley Kalimat i mekim wanpela swing.

**ORO VILES SOKA**  
12:00 Kokoda 1 vs C/Kaiva 2 PB  
1:00 Musa 2 vs Ioma 2 PB  
2:00 Tufi 1 vs Afore 2 PB  
3:00 C/Kaiva 1 vs Musa 1 PA  
4:00 Afore 1 vs Ioma 2 PB

**KRIKET**  
**POT MOSBI KRIKET**  
SISEN 2005/2006 -  
Sarere - Disemba 10, 2005  
**A Gret 2 De Tropi**  
10:00 Mobil Steamships vs Raukele (Amini)  
10:00 Lamana Mariners vs BNG P/porena (Colts)

**B Gret - 40 Ova**  
12:30 Aussie Hi Comm vs TST Coaster (STC)  
12:30 Taora vs Raukele (Nomads)  
Chubb United vs Kempa (HMS 2)  
Under 19 - 30 Ova

08:10 Lamana Mariners vs Raukele (STC)  
08:10 BNG P/Porena vs OS Hoods (Nomads)  
08:10 Chubb United vs Kempa (HMS 2)  
Anda 17 - 25 Ova  
08:10 KCC vs Lamana Mariners (KCC)  
09:00 Bowmans Dogura vs Chubb United (Rules)  
Anda 15 - 20 Overs  
09:00 BNG P/Porena vs TST Coasters (MB) meri - 25 Ova  
12:30 KCC vs BNG P/Porena (KCC)  
12:30 Lamana Mariners vs TST Coasters (MB)

**Sande - Disemba 11, 2005**  
**A Gret - 2 De trtropi**  
10:00 OS Hoods vs Chubb United (Amini)  
10:00 TST Coasters vs Bowmans Dogura (Colts)

**B Gret - 40 Ova**  
12:30 Mobil Steamships vs

Lamana Mariners (STC)  
12:30 PB Cheung vs Bowmans Dogura (Nomads)  
12:30 Sup. Aroma Coast vs KCC (MB)  
12:30 BNG P/Porena vs Curries (HMS2 2)  
Anda 19 - 30 Ova  
08:10 Mobil Steamships vs Taora (STC)  
08:10 Bowmans Dogura vs KCC (Nomads)  
Anda 15 - 20 Ova  
09:00 Raukele vs Bowmans Dogura (Rules)  
12:30 Lamana Mariners vs OS Hoods (Rules)  
09:00 Chubb United vs KCC (MB)  
Meri - 25 Ova  
08:10 Chubb United vs Bowmans Dogura (HMS 2)  
Bye: BNG P/Porena U17



**MASKI:** PNG Power i no laik Telikom pilai i pasim rot bilong em long divison 2 bilong NCD Pablik Sevens netbol las Sarere. Ol pilai bai malolo stat long narapela wik.



**SEIF:** Wanpela hap meri bilong Gazelle Lydia Veali i ron seif i go long namba wan bes bihain long em i paitim bal egensim ol Dolphin long Pot Mosbi A Gret Meri sofbol long las Sarere.



**BRUKIM:** Ol MRDC Mendi Royals i laik pinisim tru laip bilong Kundiawa Masalai pilaia long Ipatas ov sisen ragbi lig pilai long tupela Sarere i go pinis long Lae ragbi lig graun.



**I KAM:** Pilaia bilong Trench Town Eels i ron i go pas long kisim bal bipo long ol Ohu United i kisim bal long 8 Mail meri soka semi fainol long las wik Sarere. Trench Town win na bai go long gren fainol long dispela Sande wantaim Brake Loose.



**NOKEN:** Anne Gege, gol kipa bilong PEA i no laik bai Samoa Illa bilong PNG Water Bot i putim bal i go insait long net bilong em long NCD Pablik Sevens netbol las Sarere. Tupela dro 19-19.



**KOAN:** (I-r) Ol PNG namba wan boksa Billy Mamu (54kg) na Jack Willie (48kg) i traim han long taim ol i soim wei bilong pait long ol manki Siti Misin long las wik.




**MIPELA YAH:** Ol meri Brake Loose (Goroka) husat i winim Young Guns 1-0 long B Gret division long 8 Mail meri soka na bai go insait long gren fainol wantaim Trench Town Eels long dispela Sande.

Ol Poto: PAUL ZUVANI



# Iainim 10-pela samting long wik



NO PINIS YET: Jerry West husat i tingting long pinis pilai tasol i stap liklik na nau i helpim gut tru tim bilong em.

LONG ol mun i go pinis Jerry West i bin tingting long pinis long pilai tasol bihain i senis na i stap yet. Nau em i lukim Memphis Grizzlies i mekim gut long Westen Konferens. Na Mike Kahn bilong Spurs i tok stap bilong Damon Stoudamire, Bobby Jackson na Eddie Jones i karim kaikai.

Askim tasol sampela 10-pela sapota bilong NBA long wanem tim i gat gupela rekot long Westen Konferens ol bai i no inap long abrus long kolim San Antonio Spurs.

Tasol long stap namba tu long ol dispela i no isi. Em samting ol Memphis Grizzlies i bin bungim.

Tasol hatwok bilong ol i mekim na nau ol samting i luk olsem ol inap go long

mak bilong gren fainol. Long taim ol Grizzlies i sainim tu-yia kontrek wantaim West dispela i no mekim ol Grizzlies i stap gut tasol moa yet i hapim nem bilong ol i go antap.

Lukluk long Westen Konferens i gat planti samting i stap long wanwan ol klab olsem ol Spurs, Dallas Mavericks na Phoenix Suns ol Grizzlies tu i gat mak bilong ol.

Las Sarere ol i pilai gut we dispela i lukim ol i skoaim triptea poin long sampela 15 basket bilong ol. Dispela i lukim ol i abrusim Houston Rockets na winim ol 90-75. Ol bai lukluk tasol long skruim yet dispela mak bilong pilai bilong ol long ol wik i kam.

# Tigers bungim Bulls long wol ragbi lig klab salens

AUSTRALIA: NRL West Tigers na Ingran Supa Lig Bradford Bullis bai brukim bun long Sarere, 4 Februari, 2006 long Ingran.

Dispela long painim aut husat i namba wan wol ragbi lig klab long 2005 sisen.

Long sampela yia nau dispela pilai i save kamap namel long namba wan tim bilong Australia na Ingran long pinis bilong wanwan sisen long painim aut husat i namba wan klab tru namel long tupela kantri long wol.

Long Bradford dispela bai namba tri taim bilong ol long kamap bihain long ol i kamap long 2004 we ol i winim Penrith Panthers 22-4 na long 2002 we ol i winim Newcastle Knights 41-26. Sapos ol i win dispela bai namba tri win bilong ol tu.

Long ol pilai bipo dispela em ol mak bilong ol:

- 2005 Leeds winim Bulldogs 39-32;
- 2004 Bradford w Penrith 22-4;
- 2003 Sydney Roosters w St Helens 38-0;
- 2002 Bradford w Newcastle 41-26;
- 2001 St Helens w Brisbane 20-18;

Dispela win long tim i kisim 75 poin daunbilo long poin ol i save pilai em Houston we ol Grizzlies i pasin oigeta rot bilong ol long skoa.



EM NAU: Ol lain West Tigers i amamas wantaim bihain long ol winim Not Kwinlen Cowboys long 2005 NRL gren fainol. Ol bai mas traim hat long winim Bradford Bulls long kisim Wol Klab taitol.

2000 Melbourne w St Helens 44-6;	1991 Wigan w Penrith 21-4;	Long taim Tigers i redi long dispela pilai kepten Scott Prince i tokaut olsem em bai stap yet wantaim ol.
1997 Brisbane w Hunter Mariners 36-12;	1989 Widnes w Canberra 30-18;	Em i amamas tu olsem Nu Silan Benji Marshall i sain tu long stap gen wantaim ol Tigers.
1993 Wigan w Brisbane 20-14;	1987 Wigan w Manly 8-2;	
1992 Brisbane w Wigan 20-8;	1976 East w St Helens 25-2.	

# Ham kamapim namba wan win

LONDON: Long taim Marlon Harewood i kisim bagarap long lek bilong em ol West Ham i wok long ron bihain long Birmingham Siti 2-1 long Ingran primia lig.

Dispela i lukim ol West Ham i kamapim namba wan win bilong ol long faivela awei pilai long Ingran primia lig.

Dispela win i lukim ol i surikim poin bilong ol i go antap long 22. Na dispela tu i mekim ol i surik i go antap long namba 9 pies long kompetisen poin lata.


Chelsea i go pas wantaim 40 poin, we ol i 21-pela poin antap long Manchester United.

Long taim ol narapela klab i wok long win gut long graun bilon gl yet, United i no win liklik.

Nau yet United i gat 19 poin. Na i gat bikpela tok-tok i stap olsem ol i mas win o sapos nogat ol bai stap olsem tasol.

Ron bihain tru long dispela kompetisen em Sunderland husat i gat faivpela poin tasol.

Emile Heskey i givim United 1-0 long las pilai bilong ol. Long dispela taim ol i go insait long 11-pela minit bilong pilai. Tasol United Bobby Zamora i ting dispela i no tru na i bekim dispela got



I KAM: West Ham pilaia meka Marlon Harewoods husat i kisim bagarap long lek bilong em.

bilong ol Heskey. long opis bilong ol.

Na West Ham fowet na bipo pilaia bilong Teddy Sheringham i no bin pilai bihain long em i kisim bagarap long lek bilong em. Na bihain tasol long dispela lus Birmingham Siti menesa Steve Bruce bai kisim taim nogat long han bilong ol eksekutyutiv

Dispela win em i namba wan win bilong West Ham long pilai long pilai graun bilong narapela klab. Ham nau i go gat 22 poin long Ingran primia lig poin lata. Na Chelsea i go pas long dispela kompetisen wantaim 40 poin.

# Ingran i ken kirap gen na pilai: Trescothick

LAHORE, Pakistan: Marcus Trescothick husat i sanap long kisim ples bilong kepten Michael Vaughan i tok long Mande dispela wik olsem maski long dispela tupela lus em ol i bin gat long faivpela siris pilai em ol i bai gat wantaim Pakistan dispela bai i no inap pasim ol long kirap gen na pilai gut.

"Ol (Pakistan) i gupela long pilai long pilai bilong wanpela de na olsem ol i gat planti save bilong pilai na mi ting olsem dispela em i gupela long stap long dispela kain pilai," Trescothick i tok. "Em bai hat liklik long mipela i winim ol."

Kepten Vaughan i go bek long Ingran long kisim toksave bilong dokta sapos em inap long pilai o bai ol i katim skru bilong em long stretim hevi em i gat long en.

Limited Ova i stat long dis-



GIVIM: Marcus Trescothick, man husat i was tasol long ples bilong kepten Michael Vaughan long salens wantaim Pakistan.

painim aut ansa bilong skul bilong em na olsem mi no kem lusim nating taim long save sapos mi inap long kamap kepten o nogat," Trescothick i tok. Ingran i mas win.


"Em i go bek long ples long

# Hingis amamas long pilai egensim Sharapova

BIPO Wol Tennis Asosiesen sempion pilai Martina Hingis i laik kam bek na salens long dispela taitol bihain long em i stap nating long sampela yia.

Nau long dispela taim dispela Sweeden meri bai salinsim Maria Sharapova.

"Mi laik lukim wanem samting em i gat long en," Hingis i tok. "Mi redi tasol long pilai wantaim em gen. Mi ting dispela em i no tru. Las taim mi praktis wantaim em em i gat 12-pela krismas na mi gat 17-pela krismas na mi go het long



KAM BEK: Bipo wol tennis asosiesen (WTA) pilaia na Sweedn meri Martina Hingis i redi long kam bek.

winim WTA taitol. Long dispela taim mi inap long winim pilaia husat i gat 12-pela krismas tasol."

kisim ol longpela wok-about long kam bek gut."

Tasol long wankain taim Sharapova i laik save wanem samting em Hingis i gat long en.

"Mi no laik pilai long wankain wei em mi save pilai long en bipo long ol sapota bilong mi. Nogat. Dispela i givim hetpen long mi." em i tok.

"Long pilai we spirti na pasin bilong bilip long yu yet i bikpela samting. Mi tok olsem i moa gupela sapos mi kisim malolo." Em i hop olsem skru bilong em bai orait gen.



# SPOT RAUN

wantaim

## SCOTT VAVINE



### Gutpela kamap bilong ol ov sisen pilai

DISPELA wik mi laik toktok ol pilai we planti lain i save pilai long en. Kain ol pilai i save kamap long olgeta hap bilong kantri. Dispela em ol ov sisen pilai o pilai we i kamap long taim ol pilai bilong ol bikpela asosiesen o grup i pinis long yia.

Dispela ol ov sisen pilai i gutpela. Em i givim sans long planti ol lain husat i no bin o i save kamap long ol pilai bilong ol bikpela asosiesen.

Tasol pastaim long mipela i go insait moa long toktok long dispela ol pilai mipela i mas askim mipela yet long wanem as em dispela ol pilai i kamap. Wanem samting em mipela bai kisim long dispela ol pilai.

Taim mipela i skelim dispela kain ol askim o tingting dispela i ken helpim mipela long amamas gut long ol.

Planti dispela ol ov sisen i kamap long wanem ol manmeri i kamapim long amamasim ol yet. Sampela i kamap long wanem ol i laik bungim ol pipel na kamapim poroman pasin. Na sampela olsem mipela i lukim i kamap long sait bilong politik. I olsem wanpela man o meri i tingting long sanap long ileksen bai sponsaim ol pilai we em i ting olsem ol manmeri long tingim bek pilai em i sponsaim ol bai makim o volim em sapos em i sanap long ileksen.

Tasol long wanem as em ol pilai i kamap bikpela samting em wanem samting ol pipel o pilaia bai kisim long ol pilai. Taim ol i skelim tingting olsem ol bai o i ken kamapim ol gutpela pilai.

Narapela samting we ol manmeri na moa yet long ol pilaia long ol i amamas gut long ol pilai em ol gutpela opisa i mas lukautim ol pilai.

Ol opisa em mi min long ol lain manmeri husat i save long lo bilong kamapim na ronim ol pilai. Dispela em long lukim olsem ol pilai bai kamap inap long pinis bilong ol.

Ol i no ken pinis nating we dispela i ken mekim ol manmeri i kros na i ken go moa long mekim ol samting we bai i no gutpela long komyuniti.

Mi tok olsem long wanem ol pilai i gutpela samting. Ol i save holim ol manmeri wantaim. Long ol yangpela i lusim tingting long narapela ol samting na putim tingting bilong ol long dispela ol pilai.

Long kain save em ol opisel i mas i gat:

- OL i mas tokaut klia long ol as tingting (eim na objektiv) bilong ol pilai;
- I MAS tokaut klia long wanem grup em ol i makimna kamapim ol pilai. Dispela i min olsem ol i gat pilai bilong ol man na meri wantaim;
- KAMAP wantaim ol lo bilong pilai;
- I MAS i gat save long putim tingting bilong ol manmeri long kamap long ol pilai;
- I MAS i gat ol samting bilong pilai wantaim-bal, pilai graun, kot, net na ol narapela samting;
- I MAS makim ol teknikal opisa long ronim ol pilai;
- I MAS lukim olgeta tim i baim olgeta nominesen o afiliatesen fi bipo long ol pilai;
- I MAS kamapim ol sait komiti olsem Mets na Apil Komiti.

Long olgeta manmeri long komyuniti i gat sans long kamap long ol pilai mi askim ol manmeri husat i save kamap long ol bikpela pilai long ol i no ken kisim ples bilong dispela ol manmeri husat i no save kamap long pilai bilong ol bikpela asosiesen.

Dispela long wanem ol i bin kisim taim bilong ol pinis long stap insait long ol bikpela na nau em i taim bilong ol narapela manmeri long kisim sans na soim save na strong bilong ol long pilai. Tasol ol i ken go insait na pilai sapos i gat spes o ples bilong pilai.

# Masalai redi long kisim kap

ragbi lig

Bustin Anzu i raitim

INAP long las yia ol Masalai bilong Kundiawa, Simbu provins i kamapim ol pilai aninit long gutpela mak bilong ol. Tasol dispela yia ol i laik lukim Coca Cola Ipatas kap i go long Simbu.

Long dispela yia ol bai no givim sans taim ol i bungim ol manki Popondetta long dispela avinun long Lae ragbi lig graun.

Maski ol i nogat ol bikpela nem ragbi lig pilaia ol i bin mekim gut long winim ol pilai long pul A na nau ol i kamap long semi fainol na i wetim dispela taim long bungim Popondetta bipo long ol putim lek antap long gren fainol lata.

Sapos ol i win ol bai bungim wina bilong pilai namel long Mendi Menjals na Wabag Yaskom Royals. Dispela pilai tu bai kamap long nau avinun long Lae ragbi lig graun.

Tasol ol Bataflai tu i no lus tingting long lus bilong las yia we ol i lus long Menjals long gren fainol. Na olsem ol i pait hat gen long dispela yia long go insait long ol priliminari fainol.

Long Tunde ol Menjals i bin rausim trausis bilong ol



BRUKIM: Kundiawa Masalai pilaia i kisim bai na i redi long go brukim banis bilong ol Mendi Royals tim long tupela wiken i go pinis. Ol Masalia i win 8-1.

Goroka Red Dragons 21-20 na Bataflai i bin witwilim Porgera Wests 44-10.

Klostu tru difening sempion Menjals i lus tasol wanpela gutpela fil gol bilong Malakai Owen long las minit i helpim ol manki Mendi long go insait long dispela priliminari fainol.

Ol Bataflai, yes, i win long bikpela mak na olsem tingting bilong ol i gutpela long go insait long ol pilai bilong tede.

Bosman bilong ol Bataflai na

Memba bilong Sohe Peter Oresi i tok bikpela tingting bilong ol em long Ipatas Kap na prais mani i go long ol.

"Mipela i pilai gut tru na nau mipela i putim ai long winim dispela kap na praismani na kisim i go long Popondetta," Oresi i tok. "Ol manki bilong mi i pilaim gut long 4-pela gem na i i lukluk long dispela namba faiv pilai," em i tok.

"Kem bilong mipela i stap isi tasol na bai soim kala bilong ol

long dispela pilai (long avinun)." Ol Royals bilong Wabag tu i wankain olsem ol "angra" bilong Simbu. Ol i nogat ol biknem ragbi lig pilaia na planti tim i kirap nogut long kamap bilong ol long ol fainol.

Ol tu bai taitim bun olsem ol narapela tripela tim long taitim bun long kisim kap wantaim mani i go long ples bilong ol.

Tunde ol semi fainol i bin kamap na long dispela avinun em ol pilai ov. Ol wina bai pilaim gren fainol long Sande na pilai bilong painim namba tri na foa ples bai kamap long dispela Sarere.

Sip Eksekutiv opisa bilong CCIC Timothy Lepa i tok ol pilai insait long Pul A i bin ron gut tru wantaim nogat hevi na dispela i soim olsem wankain samting bai kamap long narapela pul tu.

"Olgeta pilai i ron gut tru long stat bilong pilai long Fraide kam inap long nau (Tunde) na dispela i soim olsem pasin bilong pilai i senis na mi amamas long lukim dispela. Wankain pilai tu bai kamap long narapela long Pul B," Lepa i tok.

Sampela tim husat i no stap insait long dispela fainol resis i go bek long ples bilong ol stat long Sande. Tasol olgeta i amamas long kamap.

# 32 kamap long Sentrel 9s pilai

Paul Zuvani i raitim

INAP olsem 32 ragbi lig tim long Nesenele Kapitol Distrik na Sentrel provins bai kapsait long Pot Mosbi Ragbi lig pilai graun stat long dispela Sande na pinis long narapela Fraide long traim kisim Sentrel 9s kap.

Ogenaisa Solomon Ravu i tokim Wantok Spot olsem namba bilong ol tim long kamap i winim namba bilong ol tim long las yia we dispela yia 32 tim bai kamap. Las yia 28 tim tasol i bin kamap.

"Dispela em i gutpela mak na olsem dispela tonamen i wok long kamap bikpela na strongpela," Ravu i tok.

"Maski ol pilai i no stat long taim mipela i lukim laik bilong ol man long kamap na pilai i bikpela," em i tok.

Ravu i tok ol i kamapim dispela tonamen wantaim tupela as- long strongim ragbi lig pilai long Sentrel provins na long NCD wantaim na long mekim

ol yangpela i amamas long sampela samting long taim bilong Krismas na kisim i go bek long ples bilong ol.

"Mipela i laik strongim gen ragbi lig pilai na promotim long Sentrel provins na olsem mipela i statim dispela tonamen."

"Na tu em i Krismas na mipela i hop ol pilaia bai lukluk long amamas long sampela samting na bringim i go bek long ples na komyuniti bilong ol."

Nem bilong dispela kap bai stap olsem Sentrel 9s Kap.

"Nau yet mipela i no go askim long ol bikpela kampani long sponsa long wanem tonamen i yangpela yet. Tasol, yes sapos ol samting i kamap gut mipela bai go het long painim sponsa."

Dispela bai namba tri yia bilong tonamen long kamap.

Ravu i mekim askim i go long Memba bilong Mosbi Saut na Minista bilong Spot

Dem Carol Kidu long opim ol pilai. Wina bai pilai bai kisim Kap wantaim praismani. Las yia praismani i stap olsem K2,000 na ranap i kisim K1,000. Tasol Ravu i tok dispela i ken senis bikos long namba bilong ol tim i kamap long pilai.

Las yia wina Mirikuro Saints bilong Porebada bai kamap gen long difenim dispela kap.

Long go pas long ol em Pot Mosbi ragbi lig A Gret tim DCA pilai meka Gari Morea.

Wantaim ol Saints em Gaivakala 1 husat i ranap bilong ol Saints. Ol tu bai gat gutpela pilaia em Galama Mulaga (Magani) na Robert Volu (Post Puma).

Ol narapela tim i gat olsem Oala Frank husat bai go pas long Pari na i save pilai wantaim Magani, Ricky Sibya (Tarangau), Burau Burau (Paga Panthers) na Danny Emiabo (PNG Kundus) husat bai pilai wantaim Lamana Blues.

Ol kosa em Chris Enara husat bai kosa bilong Rovinama.

Las yia ranap Gaivakala i kamapim tupela tim long dispela yia- Koita Cowboys long plet wina na Poinimo long boul wina.

Ful tim lis em Mirikuro Saints, Paramana, KK Hireve, Viriolo, Gaivakala 1, Raramana Puiwa, Erema, DU Raiders, Koita Cowboys, Amora - Maopa, Kemabolo, Pari, Poinimo, Teosi Agevaga, Lamana Blues, Veveili, Boera Sailors, Lako 1, Gaivakala 2, Giradu Panthers, Rovinama, Lako 2, Maopa KR 2A, KK Ravalakala, Mekeo, Kido, Goulubu, Maopa KR 2B, Tauruba, Papa Swans, Egalauna Bros na Paramana Puiwa 2.

Ravu i tok ol tim husat i laik save moa i mas kisim go long Pot Mosbi ragbi lig opis bipo long 4:00 avinun long Fraide. O ol i ken ringim telepon namba 325 3525.

## Bogenvil spot woksop

spot woksop

BOGENVIL spot opis i wok long redi long holim Bogenvil Gem we dispela ol pilai bai go wantaim long taim ol opisel i holim provinsol spot menesmen woksop long narapela wik.

Dispela kos em Edris Kumbuwah na Samu Sasama bilong Nesenele Spot Institut bai go pas long en. As bilong dispela woksop em bilong developim ol distrik na komyuniti spot developmen opisa na bilong redim ol pilai

bilong 2006 provinsol pilai.

Bogenvil rijinol spot kodineta Daniel Bokoar i tokaut olsem 55 spot kodineta na spot ogenaisa bai kamap long dispela Disemba 12-16 woksop.

"Mipela i laik lukim olsem ol spot kodineta na spot ogenaisa i gat save bilong kamapim na ronim ol provinsol pilai long narpela yia," Bokoar i tok.

Dispela kos bai kisim tu ol pisikol edukesen tisa tu long wanwan ol skul long provins.

## Dragons kaikaim Panthers

basketbol

CHM Dragons i mekim laspela traim we dispela i karim kaikai taim ol i autim tiket bilong SVS Panthers 89-71.

Dispela win i helpim ol Dragon long kisim ples long pilai long semi fainol dispela Sande.

Dragons i no westim taim taim nupela pilaia bilong ol Philbert Gaerlan, husat i skoaim 12-pela bilong 29 poin long namba wan kwata.

Ol Panthers i pait bek long narapela kwata tasol ol

Dragons i taitim bun moa na kam abrusim ol. Long wankain taim Profesinol Locksmith i winim ples tu long pilai long semi fainol. Dispela em bihain long ol i slekim Associated Builders 64-60 long las minit bilong pilai.

Long narapela pilai i bai lukim TNT Air Cargo bai palai wantaim EMJ Electrical.

FILBA Western Union All Stars pilai bai stat long dispela Sande. FILBA kompetisen i wanpela strongpela kompetisen long NCD basketbol pilai.

# PNG manki makim Indonesia long Saut Is Esia pilai

### ragbi yunion

**WANPELA** Papua Niugini sumatin husat i skul long Indonesia i mekim gut long Saut-Is-Esia pilai long makim Indonesia.

Charles Nicolas Joku husat i skul long PNG na Australia na i mekim namba tu yia bilong em Cenderesasih Yunivesiti long Jayapura i bin kamap long dispela ol pilai. Joku husat i save pilai ragbi yunion long Kwinslen skul

boi tim taim em i skul long Australia i bin mekim gut long wanpela rijinol pilai long Timika, long West Papua yet we stat long dispela taim ol spot opisel bilong Indonesia i putim ai long em.

Em i pilai moa we ol i kisim em na putim em long Indonesia tim. Nau Indonesia i mekim gut long dispela ol pilai maski dispela i namba wan taim bilong ol long kamapim ragbi yunion tim bihain long Indonesia i stat long kamap long dispela pilai i no longtaim i go

pinis. Indonesia ragbi yunion tim i bin kamap long SEA pilai long Manila long las Fraide we ol i pilai egensim Malaysia, Thailand, Philippines na narapela ol Is Esia kantri. Long stat bilong ol pilai Indonesia tim i pilai egensim Singapore.

Dispela II pilai we i bin stat long Novemba 26 Novemba na bai pinis long Disemba 8. Joku bihainim pasin bilong famili i save pilai soka tasol skul bilong bem long Australia i helpim em long go

mao we dispela i lukim em i lainim ragbi yunion na i save pilai gut long ragbi yunion. Long Australia Joku i bin go long wanpela Katolik skul long Brisbane, em Ashgrove Koles we ol Marish i ronim. Em i namba wan PNG man husat i stap long Ashgrove tim long namba wan taim long Koles long kamap long dispela ol pilai.

Em i save pilai wantaim ol manki olsem Peter Tsiamalili Jnr, Theodore Mai, Francis Han na sampela moa.

### Hap hap spot

#### Pirates kisim tamiok long Ipatas kap

#### ragbi lig

PIRATES tim i no inap kamap long ol pilai bilong Ipatas ragbi lig kap resis moa bihain long ol pilai na ol opisel bilong tim i hamarim referi John Kerema na tas jas Jimmy Amos. Dispela em long taim ol Pirates i pilai wantaim difening sempion Mendi Menjals. Kompetisen siaman Frank Senge Kolma i tok toktok bilong ol klab i tok sori long dispela pasin bilong ol i go long opisel bilong kompetisen na referi wantaim tas jas i bikpela na olsem ol i mas mekim. "Mipela i no inap larim kain pasin i kam insait long kompetisen na bagarapim ol pilai," Kolma i tok. Tasol em i tok em i samting bilong tupela opisel long ol i kisim i go long polis na sasim ol pilai na opisel bilong Pirates klab.

### Dell kamapim nupela rekot

#### etletik

SALOME Dell husat i stap tren wantaim Mae Koime na Toea Wisil long Brisbane, Australia i brukim rekot long 800m resis long wiken we em i kamap long taim 2 min 14.22 seken. Dispela 22-ya Kainantu meri i brukim rekot we i bin stap 23 ya olgeta. Stori bilong Dell i kamapim dispela kain ron i sotpela we i opim ai bilong planti manmeri bilong ron.

## XS 13 semion bilong Mumeng Muingnepe kap

### soka

XS 13 bilong ples Pelengwa i sempion tim bilong Mumeng LLG taim em i winim 2005 Muingnepe kap wantaim K400 praismani long pinis bilong Novemba dispela yia. Kamap namba tu em L.T.M bilong Bangulum ples we em i winim Muingnepe tropi wantaim K300 praismani. Na kamap namba tri na foa ples em SY bilong Sambio ples na Centre Mates husat i kisim ol tropi na kisim K200 na K100 praismani.

Na long ol meri em Mosibu bilong ples Witipos we em i kisim Muingnepe Kap na K280 praismani. Kamap namba tu, tri na foa ples em Dusty Iwas bilong ples Sambio, Bayum Sisters, Bayun na Hi-Way Sisters bilong Bayun ples tu husat i kisim tropi wantaim K230, K160 na K100 praismani wantaim.

Tonamen dairekta John Kalo i amamas long ol pilai na i tok Mumeng ples i gat bikpela laik kamap long ol pilai na i tok tenk yu

long Membra John Muingnepe long sponsaim ol pilai wantaim ol tropi na mani.

Kalo i tok tenk yu tu long olgeta lain olsem ol referi na narapela ol opisel husat i helpim long kamap dispela ol pilai we i lukim ol i pinis gut.

Muingnepe tonamen we i stat long 21 de bilong Novemba na pinis long 27 i pinis gut tru we olgeta tim husat i kamap i amamas tru.

Dispela em i namba wan hap

bilong Muingnepe tonamen insait long Mumeng LLG we i kamap long Samsam ples na ol tim i kamap i kam long ol ples stat long Mumeng Stesin i go inap Witipos. Namba tu hap bilong dispela tonamen nau i stat pinis long Disemba 4 long ples Timin we ol tim husat i kamap long Zenag i go inap Wafi na Timini.

Dispela tonamen long Samsam i bungim olsem 24 tim bilong ol man long soka na 12-pela tim bilong ol meri long basketbol.

# Spot kamapim gutpela sindaun long 8 Mail

### spot laipstail

...i kam long las wik - namba tu hap

Joe Kanekane i raitim

Na liesen opisa bilong em long Pot Mosbi Shelley Launa i givim bikpela tok amamas long komyuniti i yusim spot long daunim hevi bilong raskol pasin.

"Yupela i soim olsem yupela i laik mekim samting long komyuniti. Yupela i mekim bikpela hatwok na mipela i kam bilong helpim yupela tasol. Mi laik tok tenk yu long yupela olgeta na i laik strongim tingting bilong yupela long skruim yet dispela tingting

Na tingting bilong ol long tok olsem wok bilong stretim lo na oda hevi i stap long han bilong lo na jastis ejensi nau i pinis.

"Mipela olgeta bai wokbung long mekim komyuniti bilong mipela i kamap ol gutpela ples bilong stap. Yupela i mekim wok bilong yupela pinis na lo na jastis ejensi i mekim bilong ol pinis. Salens bilong mipela em long skruim yet dispela tingting." Dokta Kameata i tok.

Em i tok dispela tingting bilong Gavman long komyuniti i helpim em yet i wok pinis long komyuniti na olgeta lo na jastis ejensi wok wantaim long dispela.

long spak brus (marijuana) i kisim em bek. Bihain long ol pilai i kamap dispela boi i joinim wanpela tim na nau i top manki long tim bilong em;

- NAMBA bilong ol stil i go long Setelmen nau i go daun. Ol yangpela i tusim pasin bilong stap nating na stil na nau i tren hat na tingting long tim bilong ol;

- NAMBA bilong ol pasin nogut long 8 Mail Setelmen yet i go daun;

- OL yangpela manki olsem skul manki i no stap tumas wantaim ol bikpela manki. Ol tu i stap bilong ol na toktok long tim na pilai bilong ol;

- OLGETA 8 Mail komyuniti i givim sapot bilong ol long dispela ol pilai na i laik lukim olsem ol pilai i pinis gut;

- MANMERI long olgeta hap bilong kantri- ol hailans na nambis lain wantaim i kam bung, stap, pilai na amamas wantaim;

- PIS na Gut Oda komiti bilong ol nau i amamas long lukim tingting na sindaun bilong ol manmeri i gutpela. I gat bel isi na gutpela poroman pasin. Sapos samting i kamap olgeta sait long wanwan hap o grup i mas save pastaim.

Bikpela luksave long dispela kamap bilong ol em ol i mekim samting tru. Ol i laik lukim senis we ol i save olsem sapos ol i askim long ol bikpela samting dispela bai kamap isi o bai i no inap kamap.

Ol bikpela manmeri i save olsem tingting bilong ol i stap long yanpela bilong ol. Dispela em ol i save olsem planti ol hevi long komyuniti i kam long ol.

Sape na Wai i lukim olgeta dispela ol samting- senis, ol traim na lukluk bilong ol bikpela manmeri olsem komyuniti bilong ol i komyuniti nogut na olsem i nogut gutpela luksave i go long ol.

"Olgeta ples i gat traim bilong ol. 8 Mail i no narapela long ol. Tasol mi ting mipela i gat ol lida husat i laik lukim olsem i gat bel



HETIM: Pilaia bilong Pidia Knights i redi long hetim bai bipo long Trench Town Eels pilaia i kisim bal. Ol i Eels i strong na win 1-0. Ol bai pilai wantaim Brake Loose long B Gret gren fainol dispela Sande.

isi i stap. Kamapim dispela ol pilai i helpim tru kaikai bilong dispela belkrai bilong mipela," Sape i tok.

"Na olsem mipela i laik strongim dispela ol pilai. Mipela i laik lukim wara i mas kam na pilai graun bilong mipela i mas stret. Mipela i no askim moa," em i tok.

Pilai spot i ken mekim manmeri i gat planti samting na kamapim biknem tasol long liklik 8 Mail komyuniti pilai spot i bungim ol wantaim na kamapim gutpela sindaun namel long ol.

Long wanpela bikpela spot oganaisesen long kantri we 32 man i pilaim tas ragbi na 18-pela meri tim i pilaim soka 8 Mail Spot Asosiesen long Nesenel Kapitol Distrik bai wanpela bikpela spot oganaisesen long kantri. Man tas ragbi i gat tripela gret na meri soka i gat tupela gret. Bihain long gupela ron bilong ol pilai long las 16-pela wik dispela Sande bai

lukim gren fainol bilong ol. Las wiken ol i pilaim ol semi fainol. Long gren fainol bilong ol man PS Warriors bai bungim Trench Town Crushers long A gret. Long kam long dispela gren fainol ol Warriors i bin wokabaut antap long Ghost Town 17-1 long prialiminari fainol na Crushers i bin memeim Pidia Knights 12-0.

Long B gret Sikau Rangers bai tasim Red Kona Tigers. Dispela em bihain long ol Rangers i siekim Trench Town Crushers 4-0 na Tigers i pinisim Ghost Town 4-0. Long C gret Red Kona Tigers bai makim Jamaika Storms. Long soka bilong ol meri long A gret Ghost Town bai kisim Sikau Rangers.

Dispela em bihain long ol Rangers i autim tiket bilong Haibo Dubari 2-0 na ol Trench Town i winim Pidia Knights 1-0. Long B gret em Trench Town bai bungim Brake Loose.



Ol foto: PAUL

OPISEL: (l-r) Nicholas Torohasi na Philip Sape husat i stap baksait long kamap bilong dispela ol pilai.

bilong kamapim ol pilai," Launa i tok.

Na CJLU Nesenel Kodineta Dokta Rodney Kameata i tokim 8 Mail komyuniti olsem hevi bilong toktok long lo na oda i samting bilong olgeta manmeri wantaim.

I gat inap stori bilong ol yangpela i lusim pasin nogut na kamap gutpela manmeri long tokaut long dispela wok na ol pilai i kamap long 8 Mail Setelmen.

- FAMILI we i lusim pikinini man bilong ol long em i pas tumas

**LAE BISCUIT CO.**

GINPELA NA STRONGPELA

# WANTOK SPOTS

**LAE BISCUIT CO.**

GINPELA NA STRONGPELA

## Masalai i redi

**Map Kundiawa winim lpatas kap?**



*Painim aut long Pes 30*

*¥ Pes 31  
Spot helpim 8  
Mail komyniti  
- namba tu hap*

**¥ Pes 29**  
*Hot night ilo klub  
salons  
- West Tigers  
Bradford Bulls*

PHISIM ENI Of pifala bilong Kundiawa Masalai i hotin pasin MDC-Rogala phala long timala nikan i go pifala. Of Masalai i go moe long...  
bungin ranap ap bilong las yia pifala Popondata Belatata long pasin wot long go...  
www.elamotors.com.pg

**HO, HO, HO,  
Yes, the Very Best  
Deal in Town, Hurry  
Come on in...**

**Ela Motors**  
**TOYOTA**

Quality Endorsed Company

www.elamotors.com.pg

**Want a Great CHRISTMAS Deal?**

**Call in and see our Stylish & Spacious vehicle today**

**TOYOTA HIACE**  
3.0 Litre Diesel, 15 Seater Bus

Available 15 Branches Nationwide

Offer Expires : 31 / 12 / 2005 or While Stocks last!

**Stocks are Now available for immediate delivery**

PORT MORESBY PH 3229400 • LAE 4781000 • KOKOPD 9829101 • MADANG 8522102 • GOROKA 7321244 • MT HAGEN 5421004 • WISIWA 8562235 • KAVENO 5842798 • CMDF 8925105 • TADUPOLE 5418090 • VANIMO 8671254 • PORTSIDA 5470017 • SUKA TUDUPI • UNDA 814004 • LAUNIA 811004

The publisher of the newspaper operates from Section 58, Allotment 3, Office 2, Waigani Drive